

HOBANENG RE SE MOKGATLO

WA BODUMEDI?

 Ke monyetla ho kgutlela mona sefaleng hape, kamora mohlomong, ha ke lekanya, ho ba siyo dikgwedi tse ka bang tharo. Dihlora di ile tsa phela ka thata, ho bile jwalo le ka nna. Oh, ho phomotswe jwale, leha ho le jwalo, jwale, mme o ikutlw a eka o ka kena tshebeletsong hape ho feta. Mme ke lebeletse ho qala veke ena e tlang, bosiung ba Laboraro lena le tlang, bakeng sa—sa tsoseletso hantle mona tabernakeleng. Mme ha Modimo a ratile, ke batla ke... Morena o ntshepisitse tshebetso e fapaneng le hona ya mofuta o motjha. Mme ha A kgahlilwe ke ho etsa jwalo, ke tshepile ho qala mofuta oo—oo wa tshebelets o ntjha veke ena e tlang, hantle mona tabernakeleng, e le sebaka sa pele.

² Mme ebile, ha ke na dikopano tse radilweng, ha e se Australia le New Zealand feela, bakeng sa Pherekong ena e tlang. Mme hape Moena Osborn o kopile kopano ya kopanelo eo nkileng ka mo tshepisa yona mona nakwana e fetileng mona, kwana Tulsa, empa hamorao, empa ha re na bonneta ba hoo jwale.

³ Ruri ho no ho le monate, Moena Jeffreys, ho tsukutla letsoho la hao morao mona, le ho utlwa moshanyana wa hao a bina sefela seo, mme wena o lets a. Ke batla ke rata hono, ntate le mora. Na ha le e rate? “Hodisa ngwana ka tsela e tshwanelang.” Ke hantle, Mongh. Guenther, o—o a tseba hore hoo ke nneta, bobedi ba lona. “Hodisa ngwana ka tsela e tshwanelang, mme ha a hodile a ke ke a furalla.” Mme hoo ke nneta. Ka nako tse ding a ka e furalla, empa yona e ke ke ya mo furalla. Le a bona? E tla—e tla dula le yena kamehla. Kwetliso eo ya sethatong le sohle seo a hodiseditsweng ho se etsa, e tla—e tla dula le yena ruri. Jwale ena ke...

⁴ Ke kopane le Moena Jeffreys ka ntle mane, mme ka re, “Moena Jeffreys...” Ka nahana, o a tseba, kamehla ke thabela ho bona mang kapa mang wa baena ba etileng, empa bona ke bosiu bo bo kakang ho moena ho ka tla! Bona ke bosiu ba bomphato ba kenang tabernakeleng, pejana ho tsoseletso feela. Bona ke bosiu... Re batla ho nka bosiung bona, le hosane hoseng, le hosane bosiu, hodima seo re dumelang ho sona mona tabernakeleng, ho boela re—re e pheta. Re tshwere tse ding tsa ditumelo tse mokgelo, tse hlollang haholo, empa ka tsela e itseng kapa yane re di fumana ka hara Bibele ena. Di bonahala di le teng mono ka nepo.

⁵ Mme jwale ha ho ka ba le moena kapa kgait sedi ya etileng ka hare, e leng setho sa bodumedi bo itseng, kapa—kapa a sa

dumellane, a dutse ka hare feela bakeng sa hona bosius bona, re batla o tsebe hore o amohetswe ka botlalo. O a bona, o amohetswe kamoo o ka amohelwang. Empa jwale ke... Oh. Mme re ehlile re a kgohlaha tabeng ena. Ka baka leo ha e bonahala o sa dumellane le yona, be, jwale, aka nketsise ha ke ja phae ya kheri. Mme ha ke ja phae ya kheri, etswe ke e rata haholo, nna kamehla, ha ke... Ha ke ja phae, ha ke thulana le thootse, ha ke lahle phae. Ke—ke mpa ke lahla thootse mme ke tswelepele ho ja phae. Ka baka leo, kapa jwaloka ho ja kgoho. Jwale, kaofela ha lona le rata kgoho, le a bona. Mme ha o thulana le lesapo, ha o tele, o mpa o kwekwetla lesapo mme o tswelepele ho ja kgoho. Be, o etse jwalo bosius bona, seo ke se buang mona, o mpe o...ha o thulana le ntho, o re, "Jwale, ke—ke mpa feela ke sa...Ke dutse mona feela, e mpa e le Dithuto tse nyenyane tsa kereke, dikopanong tsena tse tharo. Ba mpa ba pheta seo ba—seo ba se dumelang, mme ba feta hodima sona."

⁶ Mme tsela e le nngwe eo o ka batlang o etsa hore motho a E dumele, ke ho e otrella ka thata hona ho fihlela ba tseba hore ke Yona ntho e nepahetseng. Ke wona mokgwa wa ho e tiisa tsi. Jwaloka motswalle wa ka, Moena Woods eo ke nnileng ka dula le yena; ha o otrella sepekere halofo, mme botho e kgwehla, moyo o tla e pheula kapele-pele e we. Empa o tlamehile ho se otrella tsi, ho e tiisa ka thata. Ka baka leo jwale ha nka kgohlalahala haholo ka taba ena dibakeng tse ding, mme ho lona baeti ba dutseg bosius bona, ha ke—ha ke leke ho le kodumetsa ka thoko. Ke mpa ke leka ho otrella ho kereke ena seo re se dumelang. Bohle ba utlwisisang hoo hantle, e reng, "Amen." [Phutheho e re, "Amen."—Mong.] Ke hantle. Ho—ho itoketse. Mme jwale ho e tlosa matsohong a ka. Mme ebile—ebile... Ba e hatisa, le jwalo-jwalo, hore hamorao, ha ba batla ho fumana hantle seo re se emelang, le mobu oo re emeng hodima wona, dikgatiso tsena di tla bolela. Mme re etsa tjena kgafetsa, hoba ho na le batho ba batjha ba kenang mme—mme re tswelapele. Jwale re ke ke ra kgona ho tshwarana le Dithuto tsohle tsa kereke, haese tse ding tsa tsona tseo re batlang ho—ho bua ka tsona. Mme jwale, Laboraro bosiu, le hona, ho qala...

⁷ Jwale, Mantaha le Labobedi, ke tilo tsamaya, ho ya rapela, ho itokisetsa tshebeletso ya phodiso. Mme le ka founa, kapa sohle seo le se batlang, mme la tlisa mang kapa mang eo le mmatlang, bakeng sa tsoseletso ena e tlang. Le ho ba bolella ho se tle ka potlako jwale, e seng ho tla, ka ho re, "Be, ke tla mathela ka hare mme ke rapellwe, bosius bona. Mme hosane bosiu, hohle ke..." Le se ke la etsa jwalo. O kene mme o mamele nakwana, hoba re batla ho nka nako ya rona mme re ale Lentswe leo le be le bape hoo Diabolosi a sa tlo fumana nokonyana ya ho sisinyeha. Mme ha o dumella tumelo ya hao ho matha ho fihlela pleletsong ya yona, hofihlela o qala o

dumela, jwale aka dumelle bokahare ba hao ho nka kgato, tumelo ya Modimo e tla bo tshehetsa he. O ntano tswa ke hona. O a bona?

Hobane, tumelo ya hao e ke ke ya sebetsa ha kaalo. Bokahare ba hao bo tlamehile ho tsamaela nqa moo tumelo ya hao e lebileng teng, mme ke moo tumelo ya Modimo e tlang ho kena ka morao mme a thasiseletse ntho yohle. Le a bona? Empa, haeba e le tumelo ya hao, “Oh, ee, ke e fumane hona jwale!” Mme kwana bokahare ba hao, bo ntse bo soka morao mona, bo ntse bo re, “Ke ipotsa ebe e tla sebetsa ho nna na?” E ke ke ya sebetsa, hona mono. Le a bona? Ka baka leo re batla ena ebe tshebeletso ya makgonthe ya phodiso. Mme pele ke kenya mang kapa mang ka diphaposing, le jwalo-jwalo, bakeng sa phodiso, kapa ditshebetsong tse ntjha tsena, ke batla ba utlisise ka nnete seo ba se kenelang ka mono. Ka baka leo le hopole, mme le tle ho re tjhakela, mme re tla thabela ho ba mmoho le lona.

⁸ Jwale hopolang, jwale, hoseng, re tla tswelepele ka Thuto ya kereke. Mme hosane bosiu ka ho tshwana. Jwale le amohetswe ho tla, mme mang le mang a ka tla. Kamehla re thabela ho bona mang kapa mang. Empa jwale taba ena, bosiung bona, e lebisitswe lapeng ho batho ba tabernakele mona, bao—bao ba hodiseditsweng Thutong ena. Hobane, ka ntle kwana masimong, masimong a evangedi, re tshwarana le dintho tsa nnete tsa motheo, Dithuto tsa evangedi tsa Mangolo. Empa mona tabernakeleng, re na le menahano ya rona le ditumelo tsa rona, jwalo ka—jwalo ka—jwalo ka kereke, mme ke seo re tlamehang ho feta hodima sona, bosiung bona.

⁹ Mme pele re phetla Lentswe la Hae le bokwang, na re ke ke ra inamisa dihlooho tsa rona motsotsong wa thapelo.

¹⁰ Modimo o Matlawohle le o matlahadi, Yena eo, le pele lefatshe le qala ho ferella ka atomo ya pele, O no o le Modimo. Ha O eso fetohe le hanyenyane. Le mohla diatomdi seng di le siyo ho le kakatlela, mme ho se lefatshe le ka kakatlelwang, O tla bo ntso le Modimo. Wena o wa ka mehla, mme o qadile ka mehla. Wena o Modimo. Ha O eso be le qaleho ya ditshiu, leha e le pheletso ya bophelo. O tla besale o le teng. Mme, Ntate, erekaha O sa felle, mme rona re fell, ke moo re kopang mohau wa Hao o Kgethehileng, Modimo, re ntse re elellwa hobane moywa wona wa rona o tla nyamella ka hara Bosafeleng, ho tswa dielementeng tsena tsa nako, ho kena Bosafeleng. Ha ho le jwalo, Morena, re mona ho lekola pholohya rona, ho bona kamoo re emeng pontsheng ya Lentswe la Hao, le ho bona hore re theilwe jwang boitsebelong ba rona. Ana re phela ho kgahlisang Wena? Ana meya ya rona e pakelana le Moya wa Hao? Mme na thuto ya rona e pakelana le Bibele ena? Mme, Ntate, re ke re hlahlobe bobedi boo, ka hlokomelo, ditshebeletsong tsena tse tharo tse latelang. Fana ka sena, Morena.

¹¹ Hlohonolofatsa modisa mona, batikone, diteraseti, le phutheho yohle, batho ba tlang kerekeng ena. Esale ho tloha mehleng ya ka mona, Morena, ho na le ba bangata, ngata bao ke sa tsebeng le mabitso a bona, kapa moo ba tswang teng, empa ke tiile hore O tseba tsohle ka bona. Mme re mona ka morero o le mong oo, bosius bona, Morena, ho buisana re potile Lentswe le ngodilweng. Mme O re fe Moya o Halalelang maphelong a rona, re tle re dule ka kgotso, le ka phadimeho, le ka tshabo ya Modimo, le ho hlahloba maphelo a rona ka Lentswe la Hae. Fana ka sena, Morena.

¹² Mme kahara mohaho wona, bosius bona, Morena, ho na le baena ba mehlahlo e fapaneng ya—ya kereke. Mme, Morena, ke tletse teboho ha ba tlie kwano kopanong ya boena. Re ka nna ra se dumellane hodima melaonyana ya Dithuto. Empa hodima molao o moholo oo wa sehlooho, re eme re le boena bo kopaneng dithekong tse ka pele. Hono, Oho Modimo, hoo ho ke ho matlafatse dikopano tsa rona—tsa rona tsa boena, mme dintho tsa rona... mme ditlamo tsa mohau wa Modimo le lerato di re etele ka menono. Jwale, re a ellwa, Morena, hore wona ke mosebetsi o sitang monna ho o etsa, hobane mona, bosius bona, re nahanne ka mafinyello a meya ya rona e habileng Bosafeleng. Ka baka leo re rapela Moya o Halalelang ho kena hantle Lentsweng, le ho Le ala mme O Le hhalose ka tsela ya Hae ka Sebele, ho rona, mabapi le dintho tseo A batlang hobane re ka di tseba. Fana ka sena, Morena. Mme etlere ha dintho tse tharo... dinako tsa tshebeletso di se di fetile, re tle re tsamaye jwaloka kereke e natlafetseng, re kopane mmoho, ho teanya dipelo tsa rona le merero ya rona yohle mmoho, le baahi-mmoho le rona ba Mmuso wa Modimo, le ho tswelapele jwalokaha re eso etse pele.

¹³ Ke batla ho O leboha, Morena, mona pontsheng ya kereke le—le ya batho ba leng teng mona, ha e le moo O mphile phomolo e ntle ya diveke tse mmalwa jwale. Ke ikutlwahamionate bosius bona ka baka la Boteng ba Hao le lehlohonolo la Hao. Oho Modimo, re rapella moena mona, moena wa rona ya yang mose ho mawatle, tlase kwana dinaheng tseo tse lefifi, tse rothofetseng, moo bophelo ba hae bo beilweng e le tekele. Oho Morena, hlohonolofatsa Moena Jeffreys wa rona a sa tsamaya, le mora wa hae, le mofumahadi wa hae, le ho mo atlehisa haholo. A ke a phunye masoba hara lefifi hofihlela Lesedi la Evangedi le tjhabela hole mme le phatlalla. Re utlwe, Ntate, hoba re kopa qelo ena ka Lebitso la Morena Jesu, Mora wa Hao. Amen.

¹⁴ Jwale, bosius bona, ke bala Bibeleng e nyenyane ya Scofield. Ke sa tswa feta dilemo tse mashome a mabedi le metso e mehlano, haufinyane. Mme ke sa kgona ho e bala, empa e ntse e rothofala haholo. Ka hona ke iphumanetse para ya digalase tse balang ha ke bala, mme ke tla bona kamoo di sebetsang kateng bosius bona, kgetlo la ka la pele.

Jwale ke na le dihlooho, tse kang sena, hono, “Na Kereke e tshwanetse...” Oh, dintho tse ngata, ha re ka finyella ho tsona. Se seng sa tsona, “Hobaneng re bitswa Kereke? Hobaneng re se mokgatlo wa bodumedi? Hobaneng—hobaneng re dumela paballong e sa Feleng ya moyo wa modumedi? Hobaneng re ahlola bareri ba basadi? Hobaneng re kolobetsa ka ho qwedisa? Mme na Kereke e tla feta Matshwenyehong?” Le dihlooho tse ngata tseo mona, ke a kgolwa ke tshwere tse leshome le metso e mehlano kapa tse letshome le metso e robedi tsa tsona, bakeng sa masiu a mmalwa a latelang.

¹⁵ Ka baka leo ke nahanne, bosiung bona, le ho qala, ho qadisa, eka Morena o beile pelong ya ka bakeng sa sehlooho, yona... *Hobaneng Re Se Mokgatlo Wa Bodumedi?* Lebaka leo... Jwale, ha re na letho kgahlano le batho ba bang bao e leng mokgatlo wa bodumedi. Ha re na letho kgahlano le bona, empa ke batla ho hhalosa hobaneng re sa ka ra imatahanya le mokgatlo ofe feela wa bodumedi. Ke ne ke tlotswe kerekeng e nyenyane ya Baptise, kamoo le tsebang. Mme Baptise ha se mokgatlo wa bodumedi, e ne e se wona, haese hofihlela hamorao, mme jwale e fetoha mokgatlo wa bodumedi hakaalo ka tse ding tsohle tsa tsona. Empa, lebaka leo re sa kang ra fetoha mokgatlo wa bodumedi...

¹⁶ Jwale, re mokgatlo. Re mokgatlo, re ngodisitswe mona—mona makgotleng, re le mokgatlo, seholpha sa batho ba itherileng mmoho ho rapela Kreste, empa ha re kahara mokgatlo wa bodumedi. Ha ho motho ya tla rena hodima rona, le a bona. Ha se mokgatlo wa bodumedi. Empa—empa e le mokgatlo, kopano hara badumedi ba Bakreste. Batho ba tla kwano kerekeng. Mme ena e fetoha kereke ya bona ya lehae ha ba lakatsa ho tla, ha feela ba ntse ba phela.

¹⁷ Mme ba ka tla mona homme ba banana le ntho e nngwe le e nngwe eo re e rerang. Hoo ho itoketse ka ho phethahala. Wena o sa ntse, haeba feela o le Mokreste, o na le kopano ya bolekane, mme o ntshitse letsoho jwaloka ba bang bohle. Le a bona? Ha ke re ke dumela kolobetsa ya ho qwediswa ka metsi, mme wena o dumela hofafatsa, mme o tiisetra ho yona, re ne re tla mne re tshwane eka hoja bobedi re ne re dumellana. Mohlomong re ke ke ra kgona ho bona leihlo-ka-leihlo, ka ho tshwana. Empa ha feela o le moena wa Mokreste kapa kgaitse, o amohetswe ka bottlalo, o a bona, e mong le e mong.

¹⁸ Ka baka leo ha re na mokgatlo wa letho wa bodumedi, hobane ke nahana hobane mokgatlo wa bodumedi o arola kopano ya boena. Ba bang ba bona ba tla re, “Be, ha re na amana le tsoseletso eo ka letho. Ke tsoseletso ya Methodise.” “Be, eo ke Baptise. Ha re na... Re Mamethodise. Ha re amane le yona ka letho.” Moena, ha Kreste a le kahara yona, re lokela—re lokela ho amana le yona kahohle. Re lokela ho kenya ding tsa rona... Ke—ke Mmele wa Kreste o—o sotlehlang. Mme ke bona boholo ba ntho eo dinaheng kajeno, kamoo re

tshwereng... Jwale, Kreste ha a eso ka, le ka mohla, a hlophisa kereke efe feela ya mokgatlo wa bodumedi. Jwale, taba eo e ke e kgodishe ka nnete.

¹⁹ Jwale, jwale, ke tla le kopa hosane bosiu, ha o batla ho tseba efe feela ya dintho tsena, jwaloka histori eo ke e qotsang, kapa ntho e nngwe. Ha ke na nako ya ho hlotla ntho eo ka botlalo, nke ke ka fetela sehloohong se seng, hoba o ka qeta diveke sehloohong sona seo. Empa ha o batla ho tseba sebaka, ntho efe feela, ako mpotse, mme o e bee hodimo mona hodima—hodima deseke, mme ke tla o arabela yona.

²⁰ Jwale, mokgatlo wa kgale ho feta wa bodumedi, le kereke ya pele ho etsa mokgatlo wa bodumedi eo re kileng ra ba le yona, ke kereke ya Katolike. Mme e ne e hlophiswe dilemo tse makgolo a mararo le ho hong ka mora lefu la moapostola wa ho qetela. Mme ke hantle. Le e fumana ho Bontate ba Nicene ba ho qala, mme o e fumana hape dingolweng tsa Josefase, le, oh, bongata ba—ba boranalane ba baholo. Le a bona? Mme ho latela ntho—ntho... mengwaha efe feela ya kereke, ho theoha hofihlela lefu la moapostola wa ho qetela, le dilemo tse makgolo a mararo mose o mong wa baapostola, dikereke tsa mokgatlo wa bodumedi di ne di le siyo. Mme Katolike ebile kereke ya pele ya mokgatlo.

²¹ Mme dikereke tsa Protestanta ke mekgatlo ya bodumedi e ikgutseng ho mokgatlo wa bodumedi. Thabollo ya pele e tlileng, e ne e le Luther; mme ka mora Luther ha tla Zwingli, ka mora Zwingli ha tla Calvin, le ho theoha jwalo hantle feela. Le ho theohela Tsoseletsong ya Wesley, le ho theohela ho Alexander Campbell, John Smith, le mang mang, le a bona, ho theoha jwalo. Mme motsamao wa ho qetela oo re nang le wona jwale ke mehlahlo e fapaneng ya mongwaha wa Pentekosta.

²² Mme ke dumela hobane Modimo o sebeditse mongwaheng o mong le o mong. Empa na le kile la elellwa hono, nako le nako ha kereke e hlolleha, mme hang feela ha ba bopa mokgatlo wa bodumedi ba ye ba qale ho kgehlemana hona hoo? Mme nako le nako ha ba hlolleha, le ka mohla Modimo ha a boele a tsosa kereke eo. E fetoha peo ka ho otloloha. Jwale feela o... Ha o batla ho tseba histori tabeng eo, re—re ka e hlahisa, hore—hore ha ho kereke, le ka mohla historing ya dikereke, moo mokgatlo wa bodumedi o kileng wa kgehlemana o kileng wa tsoha hape. Baptist, Methodist, Presbyterian, Lutheran, seo e ka bang sona, ha di ne di kgehlemana, ho fedile ka tsona. Jwale, hoo ke nnete. Jwale, taba ena, ke—ke le boleletse jwale, ho apara baki tsa lona, hobane re tliro e otrella e be e tiye. Le a bona? Ha eso etsahale, le ka mohla. Ha monna a tswa a le mong mme a hlophisa kereke, e ile ya qala.

²³ Modimo o sebetsana le batho ka bomong, e seng le mokgatlo wa bodumedi. Ha ho mohla Modimo a kileng a sebetsa le mokgatlo wa bodumedi mongwaheng ofe. Haesale A sebetsana le

motho ka bomong. Ka Testamenteng ya Kgale, O ne a sebetsana le motho ka bomong. Ka Testamenteng e Ntjha, O ne a sebetsana le motho ka bomong. Mongwaheng ofe feela, esale A sebetsana le batho ka bomong, mme e sang mekgatlo ya bodumedi. Ka baka leo, ha ho le jwalo, ha Modimo a fela a le siyo kahara mokgatlo wa bodumedi, ho amana ha ka le mokgatlo wa bodumedi ho nthusang? Jwale, ha ke bue ka batho ba kahara mokgatlo oo wa bodumedi, ke bua ka mokgatlo wa bodumedi ka bowona, hoba batho ba Modimo ba kahara mekgatlo eo ya bodumedi yohle.

²⁴ Jwale, Modimo ha o dumelle letho ho etsahala pele A fana ka temoso ya yona. Ha ke dumele ho ena le letho le . . .

²⁵ Jwale, jwalokaha re fumana dikeng-keng tse hlahang, kahara dikereke, jwalokaha re tswa fumana e nngwe haufinyana ka madi le oli, le jwalo-jwalo. Mme le tseba lengolo la "Moena Branham ya ratehang", le jwalo-jwalo. Empa lebaka leo ke ileng ka ema kgahlano le hoo, hoba ha e yo kahara Lentswe. Mme ke ka baka leo ke emang kgahlano le mokgatlo wa bodumedi, hobane ha o kahara Lentswe. Mme e tlameha ho ba le ntho eo re ka tshetleheng tumelo ya rona hodima yona. Mme haeba re sa kgone ho e tshetleha hodima mokgatlo o itseng wa bodumedi, re tlameha ho e tshetleha hodima Lentswe la Modimo. Hoba E le wona feela motheo, ke Lentswe la Modimo.

²⁶ Mme efela ha Lentswe la Modimo le sa bue ka mokgatlo wa bodumedi, empa le bua kgahlano le mokgatlo wa bodumedi, le rona re tshwanetse ho bua mmoho le Lentswe. Ho sa tsottelehe seo bishopo, seo mang a se buang, seo mang a se nahangan, seo motho ya lokileng a se buang, seo ntho efe feela e se buang, ha e se ho latela Lentswe la Modimo, etlaba e fosahetse. Le a bona? E tshwanetse jwalo. Lentswe le tlameha ho ba ntho ya ho qetela. Lentswe la Modimo le tlamehile ho ba amen ya ho qetela.

²⁷ Jwale hopolang, ha ke hlokole bokreste ba motho (le a e utlwisisa) ka hara mekgatlo ya bodumedi. Ho na le mashome a dikete a meya e theko e thata kahara mekgatlo eo yohle ya bodumedi, e leng bana ba Modimo. Empa ho ba arola le ho ba hlopholla, ke kgahlano le yona. Mme Lentswe la Modimo le kgahlano le yona.

²⁸ Mme kea tseba hobane ha ho mokga naheng kajeno, ha ho mokga o kileng wa hlaha naheng, ho hlaha ha wona ho sa ka ha bolewa esale pele, ke Lentswe la Modimo. Ke a dumela hobane Lentswe la Modimo le fepela ntho efe feela eo re e hlokang, hantle mona kahara Lentswe. Ho tloha . . . qalo ya rona ho fihla bofelong, e fumanwa hantle kahara Lentswe la Modimo. Mme hape ke—ke dumela hore ha e le kahara Lentswe la Modimo, ke moo re tlamehileng . . . Le bolela esale pele. Mme Lentswe la Modimo ke temoso.

²⁹ Jwale, ha o bale Lentswe la Modimo eka o bala lesedi la ditaba. O bala Lentswe la Modimo ka Moya o Halalelang, o a bona, hobane ke Moya o Halalelang ka boWona o buang ka Kreste. Kreste o ile a leboha Modimo ha A patetse mahlo a ba bohlale le ba masene dintho tsena, le ho di senolela masea a batlang ho ithuta. Ka baka leo, le a bona, ha ho tsela ya ho ruteha le ka mohla, ha ho tsela ya ho bopa mokgatlo wa bodumedi le ka mohla. Tsela ya ho loka e nngwe feela, yona, ke ho tsamaiswa ke Moya wa Modimo. Mme boiphihlelo boo o bo fumaneng bo tlamehile ho nyallana le Lentswe lena. O a bona? Etbla o e fumane. O a bona?

³⁰ Ho tshwana leha re theohela mona metsotsong e mmalwa jwale, re sebetsana le batho ba—ba... Ba bang ba bona ke MaCalvin a motso, bang ba bona ke maArminian a motso, le—le mekgwa e fapaneng. Jwale, kamehla, ho sa tsottelehe o e seha hasesane ha kae, e na le mahlakore a mabedi. Ke hantle haholo. Mme bobedi ba tshwere dintlha tsa kgang ya bona. Empa, taba ya yona, Nnete ya yona e robetse ho kae? Ke hona moo re tlang teng, moo re nahanang, ka mohau wa Modimo, re tla le bontsha Nnete ya yona. Jwale ha re nkeng... mme mona ke hona moo ke fumaneng tse ding tsa dithuto tsena tsa kereke tseo ke di ngotseng.

³¹ Ha re phetleng Bibeleng tsa lona, metsotso e mmalwa feela, lona bohole jwale. Mme ha re yeng kwana ho Ditshenolo, kgaolo ya 1; kapa Ditshenolo, kgaolo ya 17, ho qadisa ka yona. Mme ha re qaleng re bale mme re fumane jwale moo dikereke tsena di qadileng teng, le se—se di qadileng. Jwale, Bibele e lemosa ntho ka nngwe esale pele. E lemosa matsatsi ao re—re phelang ho wona esale pele. Mme jwale, Ditshenolo, kgaolo ya 17, ha le rata. Ke itse ya 13, ke ne ke sa rialo, mono ke ho... Re tla kena mono hamorao, le teng, mono ke seporofetong sa United States. Empa manmelang ka hloko jwale.

*Yaba lengelo i le leng la a supileng a tshwereng
dinkgo tse supileng, le tla ho nna, la re... Tloo; mme
ke tla bontsha... o bontshe kahlolo ya seotswa se
seholo se dutseng hodima metsi a mangata:*

³² Jwale le hopole, taba ena e utlwahala e le misteri. Jwale mosadi enwa ya mamphe-mphe, jwale, haeba re hlile re tla e ruta, o tlamehile ho fumana pele seo ditshwantsho tsena di se bolelang. Jwale, *mosadi*, kahara Bibele, o emetse “kereke.” Ba bakae ba tsebang hoo, hore rona re Monyaduwa? Kereke ke Monyaduwa.

³³ “Tloo kwano mme ke o bontshe kahlolo.” Jwale, ho na le kahlolo e tla bolelwa hodima seotswa se seholo, mosadi ya sa hlwekang ya dutseng hodima metsi a mangata. Jwale, *mosadi* o tshwantsha “kereke,” mme *metsi* a tshwantsha “batho.” Jwale, ha le ka e ela hloko, hape, shebang, temana ya 15 le sa le mono, temana ya 15, kgaolong yona eo.

Yaba lengeloi le re ho nna, Metsi ao o a boneng, ao seotswa se dutseng ho wona, ke merabe, . . . matshwele, . . . ditjhaba, le puo. Le a bona?

³⁴ Jwale, kereke e kgolo ena, mosadi e moholo, jwale hopolang hobane ke mosadi ya makgobotlo. Mme efela ha mosadi a emetse kereke, (mme Kereke ya Kreste e le Monyaduwa, Monyaduwa ya halalelang), jwale mona ho na le mosadi ya sa halaleleng. Jwale e tlamehile e be e le monyaduwa, ya sa halaleleng, wa moipehi. Le a bona? Jwale, mme o etsang? “O dutse hodima,” kapa ho dula *hodima* ntho, ho bolela, “ho busa hodima metsi a mangata.” Ka mantswe a mang, o na le matla hara ditjhaba tsohle le dipuo le batho. Ke motho e moholo, mosadi enwa.

Jwale, seo marena a lefatshe a febileng le sona, . . .

³⁵ “Hobane marena a lefatshe a febile,” banna ba ruileng, banna ba baholo ba entse jwalo. O ka kgona jwang, morena a ka kgona jwang, ho feba le kereke? Ke bofebe ba semoya. Ba semoya! Bofebe ke eng? Bona, be, e ka mosadi ya sa pheleng ka botshepehi ho monna wa hae. O phela le monna e mong athe o na le monna. Mme kereke ena, he, e—e ipea e le Monyaduwa wa Kreste, athe e ntse e feba le marena a lefatshe, ka bophelo ba yona bo sa hlwekang, maipolelo a sa hlwekang. Oh, E tebile mme E enne. Ke mpa ke rata Lentswe. Jwale lemohang.

. . . seo marena a lefatshe a febileng le sona, le ba ahileng lefatsheng b.a tahilweng ke veine ya bootswa ba sona.

³⁶ “Veine” ya sona ke seo e neng e fana ka sona, tshusumetso ya sona, “Rona re Kereke! Ke rona ba nang le yona.” Le a bona? Jwale, ako rale taba eo mohopolong wa hao jwale. Ke hantle. “La nki- . . .”

³⁷ Jwale, lengeloi le boleletse Johanne, “Ke tla o bontsha kahlolo e tla wela kereke e kgolo ena.” Jwale elang hloko.

La nkisa felleng ka moyo: mme ka bona mosadi ya dutseng hodima sebata se mmalwa wa sekarelata, . . .

³⁸ *Sekarelata*, ka hara Bibele, se emetse “borena.” Mmala wa sekarelata o bolela “bofubedu.” Mme sebata se emetse “matla.”

Ana le eleletswe, sebata se tswile lewatleng, mono e ne e le Ditshenolo, wa 13. Mme ha o bona sebata se nyoloha lewatleng, ke hore matla ana a ne a tsoha hara batho.

Empa ho Ditshenolo 13, eitseha konyana ena e nyoloha, e hlahile lefatsheng, moo ho seng batho, United States. Empa yaba, ka morao, e mela dinakana tse pedi, matla a botjhaba le a bokereke. Mme yaba se fuwa matla, mme sa bua jwalokaha drakone e entse pele ho sona. Ka hona le e tshwaye feela, re kena tlatlapong ya borapedi ka tsona dintho tseo ba di entseng ka Roma ya bohetene dilemong tse ngata tse fetileng, hoba ke HO RIALO MORENA.

Jwale elang hloko. "Ya dutseng hodima sebata, matla."

³⁹ Na le lemohile Rebeka? Mohla Eliazare a mo fumanang, e ne e le nakong ya mantsiboya, mme o ile a nwesa dikamele. Hobane, Eliazare o itse, "A e ke e re morwetsana ya tlang mme a nosa kamele, e be... mme a nosa le nna, e ke e be yena eo O mo kgethileng, Morena, ho ba monyaduwa wa mohlanka wa Hao, Isaaka." Mme yare a sa dutse thapelang, Rebeka a tla kga metsi mme a mo fa a nwa, a ba a nosa kamele. Lemohang, kamele e ne e le sebata. Mme sona sebata seo a se nositseng, ya eba sona se mo thotang ho mo isa ho monyaduwa wa hae, Isaaka.

⁴⁰ Mme, kajeno, matla a Moya o Halalelang, ao Kereke e a nosang le ho a kgomamela, ke yona Ntho e tla E tlosa lefatsheng lena, ho kopana le Monyaduwa. Ehlide, Isaaka o na a tswile a le naheng, mantsiboya. Ha re kopane le Morena hodimo kwana Kganyeng. Baefese, kgaolo ya 5, e rialo. "Re tla kopana le Yena sebakeng" Oh, hoo ho etsa hore Mamethodist a itokisetse ho howeletsa. Ako e nahaneng! Le a bona? Morena . . .

Isaaka o na a tswile ka tlung ya ntatae, mme a le kantle naheng mohla a bonang Rebeka a tla a palame kamele. Mme a mo rata, kgetlo la pele, a ba a theoha kamele a matha ho mo kgahlanyetsa. Ke hantle. Ke hona moo re kopanang le Morena. Mme yona kamele eo a e nositseng, e ile ya mo isa ho monna wa hae.

Mme wona Matla ao Kereke e a rapelang, ao lefatshe le a bitsang bohlanya, ao Kereke e a rapelang, e tla ba wona Matla a tla nka Kereke ho e isa sebakeng, "Ho kopana le Morena sebakeng." Moya o Halalelang! Le a bona? Ho na le . . .

Mme, bonang, Rebeka e ne e le morwetsana.

⁴¹ Mme mosadi enwa ke seotswa, yena eo re buang ka yena mona. Jwale, le fumana seo matla a leng sona jwale? Wona-wona matla, seo a se bolelang, hore, sebata. O na a dutse hodima sekarelata. Jwale, e tla ba sebata sa mofuta ofe? *Sekarelata*, e tla ba matla a "ruileng." Jwale ena e tla ba kereke ya mofuta ofe jwale? Ke kereke e ruileng, mme ke kereke e kgolo, mme ke kereke e matla, mme tshwaetso ya yona e hohola matshwele le batho. Mme marena a lefatshe a febile le sona moyeng, ke hore, banna ba baholo ba lefatshe. Jwale re tla fumana hore ke mang, motsotsong feela, mme re fumane mabapi le mekgatlo ena ya bodumedi.

Mosadi eo o ne a apere purapera (borena), . . . a apere purapera le mebala ya sekarelata, . . . kgabile ka gauta le mahakwe a bohlokwa, . . . diperala, letsohong la hae o ne a tshwere pitsa ya gauta e tletseng manyala le ditshila tsa bootswa ba hae:

⁴² O ne a fana ka eng letsohong la hae? Thuto ya hae, eo a e abelang batho, "Rona re Kereke. Rona re sena." Mme marena a lefatshe a tahilwe ke yena, ka tsela eo. "Rona re sena. Rona re

matla a maholo! Re hohola setjhaba se seng le se seng. Re kereke e kgolohadi e leng teng. Tloo, aka nwe ho rona... Mona, aka e tshele hanyenyane. Wena aka nwe. Wena aka nwe." Ke moo, le a bona. Mme letsohong la hae o ne a tshwere pitsa. Shebang.

Mosadi eo o ne a apere purapera le sekarelata, . . . kgabile ka gauta le mahakwe a boholokwa le diperela, letsohong la hae o ne a tshwere pitsa ya gauta e tletseng manyala le ditshila tsa bootswa ba hae:

⁴³ Jwale, metswalle, re ntse re sa bale koranta ya letsatsi le letsatsi. Re ntse re bala Lentswe la Modimo la Bosafeleng le le hlohonolofatseng. Mahodimo wohle le lefatshe di tla feta, empa Lentswe leo le tla tiya. Ke hantle.

Ho ne ho ngodilwe . . . phatleng ya hae lebitso le reng, lona lebitso le ngodilwe, ke rialo, SEPHIRI, BABILONA E MOHOLO, MMA DIOTSWA, WONAN MANYALA A LEFATSHE.

⁴⁴ Jwale, nakwana e fetileng mona, ha ke kgolwe kahara kereke mona, empa nkile ka rera ka sehlooho, *Mongolo O Leboteng*, mme ka fana ka madulo a Babilona a histori. Jwale, mokga o mong le o mong o kileng wa hlahla, borapedi bo bong le bo bong le mokga o mong le o mong o leng teng lefatsheng kajeno, o qadile ho Genese. Jwale, ha o ka nka buka ya Hislop ya *Babilona Tse Pedi*, ha o batla ho e sala morao historing, kapa tse ding tsa dibuka tseo tse kgabane, o ka fumana mokga o mong le o mong oo o batlang ho o fumana. Ke batla ho le kgutlisetsa morao mono metsotso e mmalwa, mabapi le bareri ba basadi, le a bona, le ho le bontsha moo e qadileng teng pele, le a bona, morao ho Genese. Le mabapi le dintho tsena tse fapaneng, kamoo di hlahileng ho Genese. *Genese* e bolela "tshimoloho." Ke ba bakae ba tsebang hoo e le nnete? Genese ke tshimoloho. Ka baka leo, ntho e nngwe le e nngwe e leng teng, e tlamehile ho ba le tshimoloho.

⁴⁵ Ha ke sheba sefate... Ke qetile dikgwedi tse mmalwa, tse tharo, tse ka bang pedi merung. Ke bona sefate, kamoo se leng setle kateng. Ke a se bona, se fela matla; se seng se tlatsa madulo a sona, bophelo ba kamehla. Mme ke nahana ka taba eo. Empa sefate seo se bile le tshimoloho kae-kae. Se ne se tlamehile ho ba le tshimoloho. Mme tsela e le nngwe eo se neng se ka rerelwa ho ba sefate, kapa ho ba eike, kapa beech, kapa papoliri, kapa palema, kapa seo e neng e le sona, ho no ho tlamehile ho ba le monghadi eo e leng Rabohlale ka mora yona. Ho seng jwalo ha ho ena le se le seng feela, ho ena le sefate se le seng sa eike, ekabebe ntho yohle lefatsheng ke sefate sa eike. Empa ntho e Nngwe, e kgolo, monghadi e leng Rabohlale, a lokela ho e bea ka taolo.

Ho bokwe Lebitso la Hae le Halalelang! Ke Yena Ya beileng kgwedi le dinaledi hara letsatsi le mahlahana a lona. O beile ntho e nngwe le e nngwe taolong. Mme O tla bea Kereke ya Hae taolong. E tla phikoloha feela kamoo A batlang hore E

phikolohe; botjhabela, bophirima, leboya, kapa borwa, kapa sohle seo A leng sona. Re ka ntsha mehopolo ena yohle ya mekgatlo ya bodumedi kelellong tsa rona mme ra itahlela Kalvari ka botlalo. O tla e bea taolong, ha re fela re ikokobetsa jwaloka difate le jwaloka tlhaho ya Hae yohle. Ha o eso bone kgwedi e re, “Nke ke ka tjhaba bosuong bona. Lona dinaledi tjhabang sebakeng sa ka.” Empa rona, oh, re fapanie, le a bona.

⁴⁶ Jwale, Babilona, shebang kamoo Babilona e hlahileng kateng. E hlaha qalong ya Bibebe. E hlaha mahareng a Bibebe. Mme e hlaha qetellong ya Bibebe. Jwale, ho na le ntho e nngwe. Jwale, e theilwe ke Nimrode. Nimrode o theile Babilona Phuleng ya Shinare, hantle mahareng a Noka ya Tigrise le ya Eufrate. Mme Eufrate e ne e parola teng. Le—le kamoo tsela e nngwe le e nngwe, naheng eo yohle, e ne e toba Babilona ka kotloloho. Mme e nngwe le e nngwe ya dikgoro tseo di ne di le bophara ba maoto a ka bang makgolo a mabedi, dikgoro tseo tse teilweng ka borase. Mme ha o kena ka hara motse wa Babilona, seterata se seng le se seng se toba teroneng ka kotloloho.

⁴⁷ Jwale, o ka etela Roma, kajeno, mme tsela e nngwe le e nngwe e tla o isa Roma. Mme ho na le morwetsana Maria e monyenyan ya emeng koung e nngwe le e nngwe, moo tsela e thinyang, a nkile ngwana Kreste letsohong la hae, a supile nqa Roma. Le a bona? E hlaha qalong, Bibebe; e hlaha mahareng a Bibebe; mme ke ena e qetellong ya Bibebe.

Jwale ke batla ho bala ho ya pejana, metsotso e mmalwa feela, le tle le fumana motheo wa sena. Le a bona? Ke hantle. “Mme ka bona mosadi,” jwale shebang, “kereke.” Ha o bona mosadi, ako nahane ka “kereke” feela. Le a bona?

...ka bona mosadi eo a tauuwe ke madi a bahalaledi, . . .

⁴⁸ Jwale, lentswe *mohalaledi* le tswa kae? Lentswe *mohalaledi* le tswa ho “ya halaleditsweng” kapa “ya hlwekisitsweng,” halaleditsweng. Ke hantle.

...ka mmona a tauuwe ke madi a bahalaledi, . . .

⁴⁹ Jwale, efela ha mosadi enwa e le kereke, o hlorisitse bahalaledi. Mme ke kereke e kgolohadi. O na le matla hodima lefatshe lohle. O dutse hodima metsi a mangata. Mme o . . . Marena a lefatshe a feba le yena. Be, ebe ke mang? E batla e le sephiri. Jwale Moya o tlilo . . . Le a tseba, ho tlamehile ho ba le dineo tsa moyo tse robong ka hara kereke; ho fihla ho bohlale, mme e nngwe ke kutlwisiso, mme e nngwe ke phodiso, le e nngwe amanang le dintho tse *jwalo*.

. . . le ke madi a dipaki tsa Jesu: . . .

⁵⁰ Ekare ba ne ba sa tsotelle hakaalo ka seo Jesu a se boletseng. Ke seo kereke e se boletseng. Ke hantle. Mme ke nnete, hape.

. . . mme ka makala, ka makalo e kgolo ha ke mmona.

⁵¹ “Ka makala ka makalo. Ka...E ne e le e—e—e semaka ka yena, kamoo ke makaditsweng ke kamoo a...” Jwale ha nke ke nke sebaka sa Johanne mme ke leke ho manolla ntho eo hanyenyane, le a bona. Johanne o itse, “Ke eo o dutse mono. O itshwantsha e le kereke ya Bokreste. O na le tokelo ditjheleteng tsohle tsa lefatshe. Marena wohle a lefatshe a maotong a hae. Ke ntho e ruileng le e mebalabala, mme a ka hla a tahwa ke dipaki tsa Jesu jwang? A ka hlorisa bahalaledi jwang? A ka bolaya dipaki tseo tsa Kreste jwang? Mme leha ho le jwalo o ipolela e le Mokreste, ka boyena, kereke ya Bokreste.” Jwale shebang.

Lengeloi la re ho nna, O makaletseng? Ke tla o bolella sephiri sa mosadi, le sa sebata seo a se kaletseng, le se nang le... dihlooho tse supileng le dinaka tse leshome.

⁵² Jwale, ena ke palo ya tlwaelo mona. Le ka e tshwara. Ena e tla ba bonolo haholo.

Sebata see o se boneng se ne se le teng, mme ha se yo; mme se se se tla theoha...nyoloha sekoting se ntso ya tahlehong: mme ba ahileng hodima lefatsheng, bao mabitso a bona a sa kang a ngolwa bukeng ya bophelo haesale lefatshe le thewa, ba tla makala ha ba sheba...ha ba—ha ba bone sebata hobane se ne se le teng, ha se yo, athe se tla boela se be teng.

⁵³ Jwale, jwale taba ena e tlamehile ho thonkga, ka baka leo ke ena. O boletse, jwale lemoha, ho re, “Eitse ha bohle,” e seng ba mmalwa feela, empa, “ba ahileng lefatsheng bohle ba tla makala.” Bao bohle ba tla makala. Lefatshe lohle le tla makalla mosadi enwa. Sehlopha se seng feela se sa tlo makatswa ke yona, mme ke bao mabitso a bona a ngodilweng Bukeng ya Bophelo ya Konyana.

⁵⁴ Jwale, nka hla nna ka sotetsa taba ena hona mona, hoba re tla kena ho yona metsotsong e mmalwa. Le a bona? Lebitso la bona le ne le ngolwe neneng Bukeng ya Bophelo ya Konyana? Haesale ho tloha neneng tsoseletsong ya ho qetela eo ba neng ba e etetse? Ka bosiu boo ba neng ba ya aletareng? Ka bosiu boo ba neng ba ingodisa kerekeng? Ha ke leke ho le thonkga. Empa, ke a le bolella, Bibele e itse, “Mabitso a bona a ngotswe Bukeng ya Bophelo ya Konyana haesale ho tloha ho thewa lefatshe.” Ka nepo! Mohla Modimo, tshimolohong, a na a bona hobane O tla romela Mora wa Hae, mme O na a tla tlatsa sebaka sa moetsadibe, mohla Madi a Mora wa Modimo a ne a tshollwa. Bibele e itse Madi a Hae a ne a tshollwe pele ho thewa lefatshe. Ke ba bakae ba tsebang Bibele e rialo, ho re, “Madi a Kreste a ne a tshollwe pele ho thewa lefatshe”? Mohla Madi ao a ne a tshollwa, setho se seng le se seng sa Mmele, bao mabitso a bona a ngotsweng ka Madi ao, Bukeng ya Bophelo ya Konyana, motheong wa lefatshe. Le tshoswa keng ha kana? Oh, moena! Hoo ho notlolla menyako, ha ho etse jwalo?

⁵⁵ Be, jwale ha re baleng taba ena hantle mona, ho bona haeba se bolewang ke hono se nepahetse na. Le a bona? “Mme lengeloi la re ho nna, ‘Hobaneng o ile wa . . .’” Ke a kgolwa ke temana ya 8, “Mme sebata seo o se boneng . . .” Ke hantle. Ke yona.

*Sebata see o se boneng se ne se le teng, mme ha se yo;
se se se tla nyoloha sekoting, . . .*

Jwale, re sa tla kgutlela mono, empa ke batla ho tshwarana le ntho ena e nngwe, hobane re tla kena ho yona.

*. . . se tla ya tahlehong: mme ba ahileng lefatsheng,
bao mabitso a bona a sa kang a ngolwa bukeng ya
bophelo haesale lefatshe le thewa, . . .*

⁵⁶ “Ho tla ba le sehlopha lefatsheng,” ka mantswe a mang, “ba tla thetswa,” hoba o ile a ba thetsa. Mme sehlopha se seng feela se sa kang sa thetswa, mme e ne e le bao mabitso a bona a ne a ngodilwe Bukeng ya Bophelo haesale ho thewa lefatshe. Re kena mono hamorao.

⁵⁷ Jwale lemohang mosadi, kereke, e ne e le “*Sephiri Babilona*.” Re mmona a hlaha ka Nimrode. Sepheo sa Nimrode e ne e le sefe? Nimrode o ile a thea motse mme a etsa hore metse ho isa tlotla motseng wona. Na re ka bona ntho e jwalo kajeno? Na sebaka se jwalo se teng kajeno? Na kereke e laolang setjhaba ka seng lefatsheng e teng? Ruri. Na ho na le sebaka kajeno se etsang hore setjhaba ka seng se ise tlotla ho sona? Na sebaka seo se teng?

Ha re tsweleng pele mme re bale sena kaofela, nakwana feela, le tle le fumana setshwantsho sa yona sohle. Ke hantle.

*. . . ya boneng sebata hobane see ne se le teng, . . . ha
se yo, athe se teng.*

Ke mona ho hlokwang kutlwisiso e nang le bohlale.

⁵⁸ Jwale, ke ba bakae ba tsebang hobane bohlale ke e nngwe ya dineo tsa Moya? Jwale, ebe O bua le sehlopha sa mofuta ofe, he? O tshwanetse a be a bua le sehlopha sa batho ba nang le—le dineo tsa Moya tse sebetsang ka hara Kereke ena.

. . . mona ho hlokwang kutlwisiso e nang le bohlale.

⁵⁹ Jwale, le eme, ho fumana hore hara mengwaha ena yohle ya dikereke mona, ho hulela ka ntle. Ke Moya o Halalelang o buang, kamoo dineo tseo di lokelang ho sebetsa letsatsing la qetelo. Jwale, re fumana dineo tsa phodiso di sebetsa. Oh, e—e tsamaya hamonate. Be, moena, dineo tse ding di teng. Eo e mpa e le e nngwe ya tsona. Eo e mpa e le nthwana e nyenyane. Be, neo e kgolo ho feta ke ena hantle mona. E fetisang ka bokgabane ke efe, neo ya Moya o Halalelang wa bohlale, ho kopanya Lentswe la Modimo mmoho le ho bontsha Kereke moo re emeng teng, ho ena le ho fodisa motho feela? Bohle re batla ho phela hantle. Empa nka mpa ka lokisa moya wa ka, ho ena le mmele wa ka, nako efe feela. Oh, banna!

Utlwang ha Moya o Halalelang o bua ka Johanne, Patmose, ho re, "Ke mona ho hlokwang bohlale. A ke a mamele Sena." Jwale mona re fumana ho takilwe setshwantsho. "Ke mona . . ."

*Ke mona ho hlokwang kutluvisiso e nang le bohlale.
Dihlooho tse supileng ke dithaba tse supileng, tseo
mosadi a dutseng hodima tsona.*

⁶⁰ Ho na le motse o le mong feela, oo ke o tsebang, lefatsheng.

Ho na le metse e mmedi, eo ke e tsebang, e nang le dithaba tse supileng kapa ho feta ho yona. Cincinnati ke o mong wa yona, oo ho thweng ke tshomo ya pale ya Cincinnati. Ke mama phiri, le a tseba, ya . . . jwalo-jwalo. Empa o na le a fetang mono ho wona. Empa ha ho kereke le e nngwe e laolang Cincinnati.

Sebaka se seng feela lefatsheng lohle, se nang le kereke e dutseng hodima maralla a supileng, e laolang lefatse lohle. Jwale, ke sa tswa kgutla mono, dintho tseo tsohle.

Mme ke bone moo e itseng, "Ke mona moo ho nang le bohlale." Ditshenolo 13. "Ya hlalefileng a bale dipalo tsa sebata, hobane ke palo ya motho." E seng sehlopha sa banna, sekgakgatha sa banna, empa "a" monna. "Mme palo ya sona ke makgolo a tsheletseng a mashome a tsheletseng a metso e tsheletseng."

⁶¹ Mme ke utlwile hangata, hore, hodima terone ya mopapa wa Roma, ho ngotswe, "VICARIVS FILII DEI." Esale ke ipotsa na hoo ke nnete. Ako sehe mola, mme o o sehe ka dipalo, ka dipalo tsa Seroma, mme o bone hore na ho jwalo. Ke nnete e tiileng. Nkile ka ema haufi ha *kaalo* le moqhaka o mekga e meraro wa mopapa, ka hara galase, "Borena hodima dihele, lehodimo, le pelekatori." Le a bona? Ka baka leo, dintho tseo, ke sa tswa kgutla mono, ke sa tswa kgutla Roma mme ke a tseba hore ke nnete. Jwale re a tseba hore e tshwantshitswe.

Hape mona ke marena a supileng: ho se ho wele a mahlano (a ne a phela mehleng eo), *e mong o sa le teng* (ke ya tla tla jwale, e ne e le Sesare), *mme e mong o sa tla tla* (e ne e le Heroda, o ne a le kgopo); . . .

⁶² Jwale shebang. Shebang e phethahetse hakakang.

. . . etlare hobane a tle, o tla ba teng ka ho se hokae.

⁶³ Ho na le motho ya tsebang hore Heroda o busitse nako e kae? Dikgwedi tse tsheletseng. O ile a hulanya mme wa hae hara seterata, ka pere e le nngwe. Mme a tjhesa motse; mme a dihela molato oo hodima Bakreste. Mme a letsa katara mosikong wa leralla ha ba ntse ba . . . ha a ntse a tjhesa motse. Tshelela-dikgwedi tse tshelela. Mme bonang, "Mme sebata . . ." Jwale shebang, tadinang hore e ne e le molotsana e mokakang. Le a bona? Jwale shebang.

*Sebata se neng se le teng, se seng se le siyo, sona...
morena wa boroba meno e le mmedi, mme ke e mong wa
ba supileng (semelo sa wa bosupa), mme o ya tahlehong.*

⁶⁴ Mang le mang ya tsebang seo *tahleho* e se bolelang, ke “dihele.” Mme le shebe moo a nyolohileng teng, “diheleng.” Ke eng? Mekoti e se nang botebo. Ha ho motheo bakeng sa thuto ya Katolike. Ha ho Bibebe bakeng sa thuto ya Katolike. Ha ho ntho e kang Bibebe bakeng sa thuto efe feela ya Katolike, ho hang. Ha ba ipolele jwalo. Moprista o ne a dutse mono, moprista e monyenyanne enwa hodimo mona kerekeng ya Pelo e Adorehang o ile a tla mono. A re, “Oh, o...” Ke ne ke mmolella ka ho kolobetsa Mary Elizabeth Frazier. A re, “Oh, o mo kolobeditse kamoo kereke ya pele ya Katolike e ne e kolobetsa kateng.”

Ka re, “Hoo ho etsahetse neneng?”

A re, “Ka hara Bibebe, Bibebe ya hao.”

⁶⁵ Ka re, “Ana kereke ya Katolike e kolobeditse jwalo? Ana eo ke thuto ya kereke ya Katolike?”

“Eya.”

⁶⁶ Ka re “Ha kereke ya Katolike e sa fetohe hakana, hobaneng e fetohile hakana?” O a bona?

⁶⁷ A re, “Be, o a bona, lona bohole le dumela Bibebe. Rona re dumela kereke.” Le a bona? “Ha re tsotelle seo Bibebe e se buang. Ke seo kereke e se buang.” Ke hantle haholo. Ha o kile wa fumana makgaolakgang, a yona, aka e leke hang, o a bona. Ha ba tsotelle seo Bibebe e se buang; ha ho moo e amang teng le yona. Ba tsotella seo kereke e se buang. Le a bona?

⁶⁸ Empa rona ha re tsotelle seo kereke e se buang. Re dumela seo Modimo a se buang. Amen. Hobane Bibebe, ho ngodilwe, “Lentswe la motho e be leshano, la Ka e be Nnete.” Ke ka baka leo re seng bodumedi ba mokgatlo.

⁶⁹ Jwale shebang. Mamelang sena, motsotsso feela. “Marena a mahlano mehleng eo, a se a wele, marena a mahlano.” Ha o e batla ho tswa historing, ke tla o bontsha yona. “E mong o se a le teng, mme e mong o a tla.”

Jwale shebang, “sebata.” Jwale, sebata e ne e se morena. E ne e le “se leng teng, ha se yo; athe se se se le teng, mme ha se yo; athe se se se le teng, mme ha se yo.” Ke eng? Hlahlamano ya bomopapa, matla, sebata se busang. Ke mohla Roma ya bohetene e ne e fetolwa ho etsa Roma ya mopapa. Roma ya bohetene ya fetolwa, mme ya fetoha mopapa, etswe, ba ne ba beile mopapa bakeng sa morena, mme mopapa ke morena wa semoya. Ke ka hona a rjeswang moqhaka, e le morena wa semoya, ya ipolelang e le moemedi wa Jesu Kreste. Ke moo he. Jwale lemohang.

⁷⁰ Mme re ttilo ntsha thuto eo ya Katolike mono mme re le bontshe kamoo e qapuditseng e kena dikerekeng tsa Protestanta, le a bona, kamoo e sa ntseng e robetse hantle ka

hara kereke ya Protestanta, boholo ba yona. Kgahlano, hantle, le Bibebe, kgahlano e le ka nnete. Jwale, "Sebata se neng se le teng, athe ha se yo." Jwale hopolang, "Ho tla thetswa bohole, hodima lefatshe, bao lebitso la bona le sa kang la ngolwa esale ho thewa lefatshe." Ha re boneng.

Sebata se neng se le teng, se seng se le siyo, (temana ya 11) mme athe sona ke morena wa boroba meno e le mmedi, mme...ke e mong wa bosupa, mme o ya tahlehong.(O tla tswella ho fihlela a wela sekoting se tebileng qetellong ya tsela.)

Dinaka tse leshome tseo o di boneng ke marena a leshome,...

Jwale shebang mona. Ha le batla ho bona ntho e hlollang, shebang sena.

...ke marena a leshome, a esong ho nke borena; a mpa a tla amohela matla a borena hammoho le sebata ka hora e le nngwe.

⁷¹ Ha se marena a rjesitsweng moqhaka; ke babusanosi. Le a bona, e ne e se morena ya rjesitsweng moqhaka, ba mpa ba amohela matla a marena, ka hora e le nngwe, mehleng ya puso ya sebata. Empa e le mehleng ya nakwana e lerootho ena hona jwale moo ho hlahang babusanosi. Le a bona? "Ba amohetse matla a morena, ka hora e le nngwe hammoho le sebata." Jwale, ho lokile.

Ba kgopolole e le nngwe, mme ba tla neela sebata borena le matla a bona.

Ba tla lwantsha Konyana, empa Konyana e tla ba hlola: (thoriso!) kahobane ke Morena wa morena, le Mmusi wa mmusi: mme ba nang le yena ke ba bitsitsweng, le bakgethwa, le badumedi.

⁷² Eka nka rera theron hantle hona jwale ka, "Bakgethwa, pele ho thewa lefatshe, mme ba tshepahala pitsong ya bona." Alleluia! Ke yona. "Ba bitswa, bakgethwa, le badumedi." *Le* ke lekopanyi, le a bona, "Bakgethwa, le badumedi." Ba tla se hlola, ho sa tsotelehe ba matla ha kakang.

⁷³ Mme bokomonisi bo boholo bona, motsamao wa bokomonisi oo re o fumanang kajeno, le se tshwenngwe ke hoo. Hoo ho sebeletsa hantle ka hara matsoho a Modimo. Nka e paka ka Bibebe ena. O tla se hlorisetsa mmolaelwa-tumelo e mong le e mong eo se kileng sa mmolaya. E, monghadi. Shebang hobane marena ana wohle a kgopolole e nngwe, mme ba tla se hloya. Mme setjhaba sohle, lefatshe lohle, le hoholwa ke bokomonisi. Hobaneng, e ka kgona e be motsamao wa Modimo, ho se ahlola. O re, "Be butle motsotsso, Moena Branham. Bokomonisi, ke motsamao wa Modimo?" Ehlide bo, ruri, ke motsamao wa Modimo. Bibebe e itsalo. Empa bo a kena

ho dihela kahlolo hodima batho ba hlokang borapedi le ba nyedisehang ba bonyatsi. Ho setse'ng hodima lefatshe? Re fumanang? Tsatsi le leng mona...

⁷⁴ Ke tla kgefutsa seholohong sa ka motsotsa feela, ha ho kgoneha. Ke ne ke bala seratswana sa Lengolo moo ngwana bonyatsi a ke keng a kena phuthehong ya Morena ka meloko e leshome le metso e mene. Ke ba bakae ba tsebang hoo? Ke hantle, Deutronoma 23; ngwana bonyatsi. Ha mosadi a kgaoletswa naheng, ke hore, hole le tshireletso ya batho, mme monna a tsohela mosadi eo matla, monna eo o tla tshwanela ho mo nyala. Mme leha a ka fetoha seotswa, o tshwanela ho phela le yena hofihlela monna a shwa. Mme ha mosadi enwa a nyalwa ke yena, a lekanya hobane ke morwetsana, athe ha se yena, a ka bolaelwa hona. Mme ha monna le mosadi ba nyalane, mme ba tswala ngwana bonyatsi, ntho eo, a ke ke a kena phuthehong ya Morena, ho isa melokong e leshome le metso e mene. Mme moloko ke dilemo tse mashome a mane. Ho tla feta dilemo tse makgolo a mane pele sebe seo se hlakoha Israaeleng.

⁷⁵ Modimo o hloile sebe! O ka lebella jwang ho hatikela Madi a Halalelang a Morena Jesu, kahobane feela o le setho sa mokgatlo o itseng wa bodumedi, o ntoo lebella ho kena? O lokela ho tla o tsamaya hodima dipeelo tsa Modimo ho seng jwalo o ke ke wa tla ho hang. Hantle. Motikone, moreri, sohile seo re ka bang sona, ha se amane le yona ka letho. O tlamehile ho tla ho latela molao wa Modimo.

⁷⁶ Meloko e leshome le metso e mene. Ho na le motho ya dutseng mona jwale ya na qoqa taba eo le nna. Ho re, "Ha ho le jwalo re tseba jwang ya tla bolokeha?"

⁷⁷ Ka re, "Ke hona moo o tlamehileng ho ba moCalvinisi wa makoma teng." Lebitso la hao le ne le ngolwe Bukeng pele ho eso thewe lefatshe. Modimo o nka molapo oo wa madi. Ho ho Yena. Le a bona?

"Empa hoo ho amana kae..."

⁷⁸ Mamelang. Lona batho ba batjha, kajeno, ha ke tsebe na le kena kereke ena, kapa moo le kenang teng, lona bashanyana ba batjha le banana. Na le a elellwa, hore seo le se etsang, ha moloko o mong o ka fihla, bana ba lona ba tla ahlolwa ka seo o se etsang? Hobaneng le se na hlompho le boitshwaro? Lona banana ba ka ntle mona le aparang marikgwana a kgale a makgutshwane le dintho hohle, le a tseba, dintho tseo di ipontshitse ho moradi wa hao. Na o tsebile hobane nkgonao e ne e le-e le letarapola, mme mmao e ne e le setantshi sa dikhwaere, mme ke ka baka leo o leng setantshi se hlobolang kajeno? Ruri. Bana ba hao e tla ba eng? E, monghadi. Modimo o itse O tla otla bana esita le bana ba bona ka baka la bokgopo ba batswadi ba bona, ho isa molokong wa boraro le wa bone.

⁷⁹ Mme na o a elellwa, moena wa ka, hore nako le nako ha o etsa ho lokileng, ho tla fetisetswa hodima bana ba hao?

⁸⁰ Shebang mona, ha re nkeng Baheberu, kgaolo ya 7. Bibele e boletse, mohla—mohla Melkisedeke a na a kopana le Abrahama a tswa qhalanya morena, mme a mo hlohonolofatsa, mme E itse, jwale, “Levi . . .” O bua ka ho ntsha karolo ya leshome. Ho re, “Levi o amohetse taelo ho tswa ho Morena ho amohela karolo ya leshome ho tswa ho banababo.” Mme Levi ya amohetseng karolo ya leshome, le yena o lefile karolo ya leshome, hobane o ne a le lethekeng la Abrahama mohla a na a kopana le Melkisedeke. Mme Abrahama e ne e le ntata ntataemoholo. Abrahama o ile a tswala Isaaka, Isaaka a tswala Jakobo, Jakobo a tswala Levi; Levi, ntate, ntatemoholo, ntata-ntatemoholo. Mme yare Levi a sa le thekeng la Abrahama, Bibele e mo boletse a ntsheditse Melkisedeke karolo ya leshome. Alleluia!

⁸¹ O se ke wa dumella motho ho o bolella hore motsamao wa mofuta ofe feela lefatsheng o ka sitisa ase e kgolo ya Modimo. E tswelapele hantle! E ne e rerwe morao mono tshimolohong. Ha ho matemona kapa batemona ba lekaneng ho sitisa lenaneo la Hae.

⁸² Jwale, Bibele ha e a re “ke mokana” a e ntshitse. Bibele e itse, “O ntshitse karolo ya leshome,” a sa le lethekeng la ntata ntataemoholo. Thoriso! Ke Morena wa ka eo. Oh, O e tsebile, esita, le pele lefatshe le boptjwa. O tsebile ntho e nngwe le e nngwe. Mme o ntshitse karolo ya leshome ka ho Abrahama.

⁸³ Mme kgaitsemi, moena, o ka matha ka ntle mono jwang, mme batho ba a phela mme ba hlwahlwaela le basadi ba batho ba bang, mme basadi ba pshatla malapa, mme le phela kamoo le etsang, o lebeletse hore moloko o mong o be jwang? Seo e leng sona ke sena. Jwale o fetohile mphi ya bonyatsi, ya tswalo e ditshila, mphi ya sebodu. Mme ho setse ntho e le nngwe teng, mme ke letsatsi leo re phelang ho lona la atomo. Ke hantle haholo. Re nakong ya bofelo.

⁸⁴ Ke ne ke dutse hoseng hona, morao kwana maralleng a Kentucky, moshanyana wa kgale ya monyenyane, mohlomong o ke ke wa mo atamela ka maoto a leshome, ka baka la ho ritela jwala ba mabele. Mohlomong a sa tsebe letsoho le letona kapa le letshehadi, mohla a ne a utlwa. Ke ne ke le mobu o thibetsweng. Ke sa tsebe moo ke leng teng. Ke le ka hara dikgohlo tse itseng. Mme ke nyolohela mono ho tsoma dihlora. Mme eitse ha ke dula fatshe hodimo mono, ka qala ka qoqa le yena. Mme moshanyana enwa a re o ya sesoleng. Mme ha re re pha, ra qoqa ka Morena, mme a re, “Moreri, ha o dumele hore re nakong ya bofelo?” Motsheo kwana hodimo kwana thabeng tseo.

⁸⁵ Ka re, “Ehlile, re fihlile. Ehlile, mora, re bofelong ba nako.”

⁸⁶ Ke rona bana. Ena ke hora eo re phelang ho yona, moena. Re sebakeng seo. Na ha le bone kamoo bomme morao kwana, le bontate, kamoo ba phetseng, le ntatemoholo le nkongo? Ha le

bone kamoo ntate le mme ba ne ba phela kateng? Ha ho makatse ha re le hara bobodu kajeno. Ha ho makatse, o ka rera hofihlela hlooho ya hao e kgaoha; ba tla tena dishoto ka ho tshwana, mme ba o tshwele sefahlehong. Ba tla tsuba disakrete mme ba o butshwele ka sona, mme ba re, “Ako shebane le taba tsa hao.” Hobaneng? Kahobane e le morabe oo ba tswileng ho wona. Ke tla kena mono, ka ho ottolloha, *Peo Ya Noha*. Re tla fumana moo e kenang teng, ho bona hobaneng ba itshwere jwalo. Ke bana ba Diabolosi ho tloha esale ho thewa lefatshe. Ke hantle. Mme ha rea sallwa ke letho ka mono, ha ho letho la yona le setseng, kahlolo ke yona feela e setseng. Ha ho letho leo re ka le fumanang haese kahlolo. Modimo o tla hlaba ntho yohle a e falatse. Mme batho ba ikentse. Modimo o no o sa ikemisetsa hore ho be jwalo, empa O tsebile hobane ho tla ba jwalo. Ke ka baka leo A itseng o tla, “Thetsa bohole ba ahileng lefatsheng, haese bao mabitso a bona a ngodilweng Bukeng ya Bophelo ya Konyana pele ho thewa lefatshe.”

⁸⁷ Ha re e shebeng. Re bale ho tswela pejana jwale. Jwale, ke dumela re le ho ya 12.

Dinaka tse leshome tseo o di boneng ke marena a leshome, a esong ho nke borena; a mpa a tla amohela matla a borena hammo ho le sebata ka hora e le nngwe.

Ba tla ba kgopolole e le nngwe, mme ba tla neela sebata borena le matla a bona.

Mme ba tla lwantsha Konyana, empa Konyana e tla ba hlola: kahobane ke Morena wa morena, le Mmusi wa babusi: mme ba nang—ba nang le yena ke ba bitsitsweng, bona bakgethwa, le badumedi.

Yaba o re ho nna, Metsi ao o a boneng, ao seotswa se dutseng ho wona, ke merabe, . . . matshwele, . . . ditjhaba, le dipuo.

. . . dinaka tse leshome tseo o di boneng ho sebata, di tla hloya seotswa, . . .

⁸⁸ Shebang seo jwale, “dinaka tse leshome” tsena, mebuso e leshome ena. Le a bona, ke ntho e nngwe le e nngwe e kgohlelang ka hare, seo babusanosi bana ba leng sona. Le ke le shebe moo babusanosi ba sekametseng teng. Bo sekametse hokae? Ako—ako mpolelle mmusanosi ya sa sekamelang ho bokomonisi. Le a bona? Mme ba tla (eng?) hloya “seotswa,” mosadi, kereke. Empa ke eng? Sheba se tla etsa hoo.

. . . di tla hloya seotswa, di se fedise di se hlobodise, di je nama ya sona, mme di se tjhese mollong.

⁸⁹ Ba tla phatlola ntho eo ba e hlakole mmapeng, ruri jwalokaha ke eme mona. Hola feela re ena le nako ya ho tshwarana le seholooho sa kereke eo mono, le ho se mathisa hohle hara Lengolo, moo Le itseng, le balwang, “Marena a lefatshe lena kaofela, le

balaedi ba dikepe bohole, le bohole, ba bokolla, hobane Babilona e moholo o ripitlilwe ka hora e le nngwe." Hora e le nngwe, nako ya hae e ne e fihlile! Mme, oh, le kamoo Le itseng, "Nyakallang, lona bahalaledi, le lona bohole baporofeta, hobane Modimo o pheteditse madi a bahalaledi le a banababo lona ho yena." Le a bona, ke hantle. Ehlide, bokomonisi bo bapalla hantle ka hara matsoho a Modimo. Jwalokaha Morena Nebukadnezare a bapaletse ka hara matsoho, ho tla nka Bajuda bao mohla ba ne ba tsamaya!

⁹⁰ Mme sebe se ka itulela se ntse se bola, peo e lokileng e ka itulela ka mono mme peo e ka boloka ho bola, mme ya nna ya bola le ho nna e bola ho fihlila ka mora nakwana e fela. E fihla moo, kahobane bomma bona le bontate le bao ba phetse jwalo ka pela rona, le ka tsela eo, hofihlela re sa sallwa ke letho. Mme na le tseba seo Jesu a se boletseng? Hola A sa ka a kgutsufatsa mosebetsi, ho be ho sa tlo ba le nama e bolokehang.

⁹¹ Na le ka bona? Na le a bona hobaneng re fumana dintho tsena? Ha ke etse tlhahiso. BoArthur Godfrey le motho mang le mang, le a tseba, le a bona, le boElvis Presley, le—le ka matheka a nyehlileng, diofarolo, le ka meriri e leketlang molaleng wa bona, mme mathaka ana wohle a matjha a etsisa hono. Ho etswa keng? Ke eng? [Moena Branham o kokota ha leshome le moto sefaleng—Mong.] Hoba e tswa ho sekgakgathsa sa batho ba phetseng pele, ba bonyatsi. Ha ho letho le setseng! Oh, ba ye ba eme mme ba bine, "Haufi, le Modimo, Haufi le Wena," jwaloka mokotula-dierekisi Ernie le ba bang bao bohole jwalo, ba binang sefela sa mofuta, le jwalo-jwalo. Moena, o a tseba ke eng? Hoo, hoo ke boikaketsi bo shweletseng. E, monghadi.

⁹² Motho ya tswelang ka ntle mono mme a jaeva rokon-rolo le booglie-wooglie le dintho tsa mofuta oo ha a hlokwe ka letho sefaleng sena. Ha a na lebaka la letho ka mora sefala mona. Sena se laoletswe boprista, ba bitsitsweng ke Modimo. Bareri ba bitsitsweng ke Modimo ke bona ba hlokwang ka morao ka mona. Mme o se ke wa dula ka morao mona ka dintho tse jwalo. Ke bona bothata ba yona kajeno, ba fetotse kereke ntlo e hiriswang feela. Ntlo e hirwang e lokile, ha o batla ho etsa jwalo, ho ho wena. Empa e re ke o bolelle, phapang e kgolo ya ho leka ho...pakeng tsa kereke le ntlo e hirwang. E, monghadi. Ha o batla ho etsa dintho tseo kahara ntlo e hirwang, mme o batla ho tshwara meketjana eo yohle le dintho tse jwalo, ho ho wena. Empa, moena, kereke e tlamehile ho fielwa ho qala sefaleng ho fihla kwana mokatong. Ke hantle. Ha ke bolele ho fiela ka difesetere tse ntjha le ka ntho tse jwalo. Ke bolela ka tsoselotso ya sekgale-kgale, e rometsweng se-Modimo e tla phatlalatsa ntho ho qala lehlakoreng le leng ho ya ho le leng. E, monghadi. Jwaloka ho kgantshtesa lesedi, lesedi la motlakase sehlopheng sa maphele hodima seqo sa apole. E, monghadi, a tla phasa-phasa ha lesedi le fofa.

⁹³ Jwale shebang, “Ba kgopol o le nngwe, ba neela matla a bona.” Ke ka tlasana ho mono jwale. “Dinaka tse leshome.” E, jwale.

Hobane Modimo o kentse dipelong tsa bona ho phetha morero wa wona, (ke moo), le ho dumellana, le ho neela sebata mebuso ya bona, dipolelo tsa Modimo di tle di be di phethehe.

Jwale, mosadi eo o mmoneng, ke motse o moholo o busang marena a lefatshe.

⁹⁴ Jwale, lebaka la ho nna o dikadika ha sa le yo, re a tseba boo ke bolaodi ba Katolike. Ha ho hlokahale hore motho a nne a...Ke—ke dumela hoo ke tiile jwalokaha ke dumela ke tiile hore ke amohetse Moya o Halalelang. Ke dumela hoo hantle jwalokaha ke dumela hobane ke Mokreste ya emeng mona kajeno, hore bolaodi boo ba Katolike ke—ke...Motse wa Vatican ke—ke motse o dutseng hodima dithaba tse supileng. Bolaodi ba kereke ke sebata se neng se le teng, athe ha se yo. Ke Babilona. Ntho yohle e tshwantshitswe hantle, hantle ka ho phethahala hara Mangolo. Ke kereke ya Katolike.

⁹⁵ Jwale, jwale ntlha ya lona e nyarosang ke ena. O re, “Be, ha o nkotle, Moena Branham.” Empa ere ke o botse taba. Ha re kgutleleng ho temana ya 5 jwale.

*Ho ne ho ngodilwe, hloohong ya hae...SEPHIRI,
BABILONA E MOHOLO, MMA MANYALA...MMA
DIOTSWA LE A MANYALA A LEFATSHE.*

⁹⁶ E ne e le eng? S-e-h-l-o-l-a. Mme e ne e le m-m-e. Eng? M-m-e. O ne a tswetse ho hong. Mma bara? Wa diotswa! Seotswa keng? Ke ntho e le nngwe le—le sehlola, mosadi ya mekgwa e mebe. Mekgwa ya hae e sentswe keng? Thuto ya hae. O ne a ipeile e le kereke ya Bokreste, a mpa a ntsha ditshomo tse entsweng ke batho. Mme mona o re o ne a tshwere...Efela ha e ne e le mokgatlo wa pele, ho bonahala ho ena le mekgatlo e tswileng ho yena. E ne e le mma diotswa. Na ke nnete? Mma diotswa. E ke ke ya eba mme, jwale, wa bashanyana. E ke ke ya eba mme...E ne e loketse ho ba mma basadi. Mme, efela ha e ne e le basadi, e ne e le dikereke. Jwale ha re fumaneng. Ho tswile eng ho...

⁹⁷ Mokgatlo wa pele ebole ofe? Kereke ya Katolike. Mokgatlo wa bobedi ebole ofe? Luther. Mokgatlo wa boraro ebole ofe? Zwingli. Ya theohela kae? Calvin. Mme mono ha kena Anglican, mme Anglican ya kena ka hara Methodist. Methodist, Methodist ya hlahisa eng? Mono ha tswa Alexander Campbell. Ho Alexander Campbell ha tswa John Smith. Ho tswa ho...Alexander Campbell ke kereke ya Bokreste; yaba, ba etsa tse nne kapa tse hlano, kereke ya Kreste mme mekga e meng eo yohle e ile ya nyamela. Yaba ke moo ho latelang kereke ya Baptist, le yona ya tsenkollwa dinthwana tse ngata. Mme ho kereke ya Methodist...ho kereke ya Methodist, ha tla, pele ha fihla

Wesleyan Methodist, ba ntoo kgaohana dikoto tse nne kapa tse hlano. Yaba ba kena mofuteng o mong wa Methodist, ba ntoo kgaohana hape, yaba ba kena ho Free Methodist. Mme—mme ba ntoo tloha mono ho ya ho Nazarene. Mme ho tloha ho Nazarene ha uwa ho Pilgrim Holiness, homme Pilgrim Holiness ya theoha jwalo. Mekganyana e mathang jwalo feela, e dula e matha e theoha, o mong le o mong wa dinthwana—dinthwana tseo tse qadileng morao mono wa theoha jwalo. Mme o mong le o mong o entseng? Mme pheletsong tsa fihla ka hara Pentekosta.

⁹⁸ Mme Pentekosta e ntseng? Yona ntho e entsweng ke mma bona, ba kgutlela morao ho etsa mokgatlo. Mme ya fetoha eng? E—e bodumedi ba mokgatlo. O kena ho e nngwe, ntho ya pele, “Thuto ya hao ke efe?” Moshaana, ba o phophotha ka kama e meno a masesane, o a bona, ho fumana seo o leng sona, seo o se dumelang. Mme ha o batla o sa dumellane le bona, moena, o se o kgaolwa hona jwale. Mme ke hantle.

⁹⁹ Mme o se ke wa nahana kahobane o re o Pentekosta o bolokehile. Moena, Mapentekosta a tswileng tseleng a tla lekana le a keneng tseleng ka bongata, ke tiile. Le a bona?

¹⁰⁰ Jwale, mekgatlo eo yohle, hola ba tlohela lehlohonolo la Pentekosta le nnosi, e seng ho le hlophisa, ho le baballa hara kopano ya boena le ho tlohela Moya o Halalelang e be yena ya arolang. Moya o Halalelang o a arola. Ananiase le Saffira ba kile ba kena, ho re *tjena-le-tjena*; mme Moya o Halalelang wa re, “Hobaneng le buile leshano?”

¹⁰¹ Empa re re, “Jwale, eo ke Moena Jones, o se ke wa bua hampe ka yena jwale, ke molefi ya kgabane eo re nang le yena ka hara kereke. Ke a tseba o na le Moya o Halalelang; ke mo utlwile a bua ka dipuo, mme ke mmone a howeletsa Moyeng.” Hoo ha ho bolele letho jwaloka ho tshela dierekisi hodima lekoko la kgomo. Le a bona? Ha e amane le yona ka letho. Modimo ke yena ya buang. Ke Yena ya bolelang hore o jwalo kapa tjhe. Ruri. “Empa rona re nkile, oh, bodumedi ba rona ba mokgatlo. Be, re mo rahetse ka ntile ho—ka ntile ho Assemblies, maOneness a mo thonakile.” MaOneness ba mmoloka nakwana, mme ba ntoo mo rahela ka ntile. Hobane, ba ile ba mmoloka mono, mme Jesus Only ya ntoo mo thonaka. Jesus Only e mmoloka nakwana, mme ntho e latelang e mo thonakang ke kereke ya Modimo, e a mo thonaka. Kereke ya Modimo ya Boporofeta e a mo thonaka, mme ba motsamao wa Tomlinson ba mo nka. Oh, banna! Moena, re se re batla re fedile! Mono ke ka hara Pentekosta, tsoseletso ya ho qetela. Mme jwale ba na le setumo se nyehlileng, mme ba na le barapedi ba oli, le e—le e madi sefahlehong. Le, oh, mohau, ha ke tsebe moo ba ileng teng jwale. Ntho e le nngwe feela e...

¹⁰² Ntho yohle e bodile. Na le tsebile hobane Bibebe e itse e tla bola? Na le tsebile hobane e—e Bibebe e bua ka letsatsi lee, le

tlalihla, mohla esita le ditafole tsa Morena di tlala mahlatsa? Mme ha thwe, "O tlala ruta mang thuto? Nka etsa mang hore a Nkulwisisi? Hobane ke molao hodima molao, o hodima molao, hodima mola hodima mola." A ka ruta mang thuto? Ke ba kgwesitweng letsweleng, ho mama. Le a bona?

¹⁰³ Jwale, ha ho—ha ho mosadi, mosadi ya mamphemphe motseng mona ya ke keng a tswala moradi wa morwetsana. Ke yena mohla a tswalwang, jwale, mme a ka tsamaya ka bokgabane. Empa ha o sa ele hloko, ha mmae a ne a ena le tlhaho eo, ngwanana eo, makgetlo a robong ho a leshome, o tlalihla itshwara jwaloka mmae. Jwale, le a tseba hoo ke nnete. Mosadimoholo ya laolang ntlo ya bootswa, a ka tswala ngwanana e monyenyane. A ka ba dilemo tse leshome le metso e tsheletseng, a hlweka a ba a itshwara jwaloka mohaladitwe ofe feela, empa, hola a ka itulela jwalo. Empa, taba ke hore, o boela a kgutla a itshwara jwaloka mmae.

¹⁰⁴ Jwale, kereke ya Katolike ebile sona seotswa sa kgale sa pele se tlileng ka dithuto tseo e iketseditseng tsona, ditumelo-kgwela, etswe, Bibebe e itse, "O tswa mekoting e tebileng a ntoo kgutlela tahlehong." Bibebe a itsalo. Jwale, efela ha ba ruta seo, se fosahetse. Se phoso, ho latela Lentswe la Modimo. Mme yaba ke moo ho latelang kereke ya Methodist, e tswetsweng ke yena, mofumahatsana e motle, empa ya etsang? Ya boela ya kgutlela mme ya etsa tsona dintho tse etswang ke mammi wa yona. Ho dumella diphusheho tsa yona ho tena marikgwana a makgutshwane. Ho ba dumella ho tsuba disakrete. Ho ba dumella ho itshwara le ho etsa kamoo ba tshwanetseng kateng. Ha ho buuwe letho ka yona. Morutinyana wa kgale ya sa phehwang ka botlalo morao mono, sefala morao mono, o tshaba hobane o tlalihla fellwa ke moputso ka tsatsi le leng, kapa pane ya dibaskeiti.

¹⁰⁵ E re ke o boelle, moena, nka mpa ka rera Evangedi, mme ka ja bohojana ba bakin-phada le metsi a molatsvana, mme ka bua Nnete ka yona. Leha e mong le e mong wa phutheho ya ka a ka ema mme a tswa, ke tlalihla bua Nnete ka yona. E, ehlile bo.

¹⁰⁶ Molato keng? Oh, ke tekete ya dijo. "Be, o a tseba, nna ke moruti wa kereke e kgolohadi motseng." Lona Mabaptist le Mamethodist le mamela moporofeta wa bohata. Jwale, e kgohlahetse, empa ntho efe feela e rutang kgahlano le Bibebe ena ke moporofeta wa bohata. Ha ke tsotelle kamoo e bentshitsweng, ke boporfeta ba bohata. Ke hantle.

¹⁰⁷ "Oh, ntho e nngwe le e nngwe e itoketse ha feela o ngotse lebitso la hao bukeng." O ka ngodisa lebitso la hao hodima dibuka tse tosene. Ha le se hodima Buka ya Bophelo, o lahlehole! O ka loka hakana, o ka tshephahala hakaana mme wa hlweka mme wa itshwara kamoo o ka kgonang, hoo ho ke ke ha amana le yona ka letho.

¹⁰⁸ Esau e ne e le thaka le fetisang Jakobo habedi, ha ho tluwa ho beng monna, a hlokomela ntatae wa kgale ya foufetseng le ntho e nngwe le e nngwe ese. Mme Jakobo e le thakanyana le dihlong le tshwereng forosekoto ya mma lona, moshanyana wa kgale wa mosetsana. Empa Modimo wa re, “Ke rata Jakobo mme ke hloile Esau,” le pele moshanyana ofe feela a tswalwa. Baroma 8 e rialo. Ke hantle haholo.

¹⁰⁹ Modimo o tseba se ka hara motho. Mme O bile o tseba se ka hara kereke, hape. Re phediswa ke Bohobe ba Bophelo, Bohobe ba Lentswe la Modimo. Jwale, ke ka baka leo re seng bodumedi ba mokgatlo.

¹¹⁰ Jwale ke batla ho le fa nthwana e nngwe... Ke batla ho le etsetsa setshwantsho se se nyenyane seo ke se ngotseng mona. “Se seholo...” Jwale ho Ditshenolo, ho 19:2. Ke tshwaile ntho mona. Ke batla ho sheba le ho bona seo e leng sona jwale.

*Hobane kahlolo tsa hao ke tsa nnete ke tse lokileng:
hobane o ahlots seotswa se seholo, se bodisitseng
lefatshe ka bootswa ba sona, mme o pheteditse madia
bahlanka ba wona letsohong la sona. (Eo ke pheletso
ya kereke ya Katolike.)*

¹¹¹ Jwale, hape re batla le eellwe, mona hape, hore bodumedi ba mokgatlo, hore bodumedi ba mokgatlo bo boela bo fumanwa ka ntle ho Mangolo mona, hore... Mme Bibele ha e bue ka bodumedi ba mokgatlo le ka mohla. Bodumedi ba mokgatlo bo tswa kerekeng ya Katolike. Ke yena mme wa pele wa mokgatlo wa bodumedi, mme mokgatlo o mong le o mong wa bodumedi esale o theoha hantle. Jwale, taba ena e tla batla e tsipa. E eketsa ho tsipa ka dinako tsohle, le a bona. Empa ke—ke batla le bone hobane mokgatlo wa bodumedi ha o a tswalwa kapa ha o a tlotswa ke Modimo. Bo no bo tlotswe ke Diabolosi.

¹¹² Kereke ya Modimo ke... Ha re a arohana, bohole re mmele o le mong; tshepo e le nngwe le thuto, bang leratong. Ke Kereke ya Modimo o phelang eo. Ho sa tsottelehe seo ba, dintho tseo, mmoho re bang! Ke hantle. Leha e le Methodist kapa Baptist, moena, haeba a tswetswe labobedi mme a tletse Moya o Halalelang, ke moena wa ka. Re tsamaya lehetla ka lehetla. Hantle. E, monghadi. Ha e etse phapang ka letho.

¹¹³ Moshe. Ka nako tse ding ke a qamaka mme ke re, “O a tseba mphi eo Mapentekosta a hlanyang, Moena Branham, hobaneng o ile wa tswa hara mphi e kang eo?” Le a tseba keng? Moshe o kile a sheba bana ba Israele. A sheba ka yona fesetere eo Faro a shebileng ka yona. Faro a ba sheba e le mphi ya baduba-seretse, empa Moshe a ba sheba e le bakgethwa ba Modimo. A tseba hobane ba ruile tshepiso. Hobaneng? O e tsebile ka Lentswe. Mme ka tumelo... Leoto la hae le se le dutse hodima terone, ho ba Faro, lefatshe lohle le le maotong a hae, ho dula mono le ho tshellwa veine lehanong la hae, mme

basadi ba batle ba mo fokela moyo, jwaloka mmusisi, kapa mmusanosi, kapa morena wa lefatshe, Moshe wa lekawana, dilemong tse mashome a mane, a le tshwere letsohong la hae. A sheba mphi eo ya baduba-seretse, empa a tseba hobane e ne e le e mong wa bona. Alleluia! Ke yona. A tseba hobane e ne e le e mong wa bona. Mme ka tumelo, e nnotshi, a etsa kgetho!

¹¹⁴ Motho e mong le e mong o lokela etsa kgetho. O lokela ho etsa kgetho. O tlilo etsa kgetho jwale. O tlilo etsa kgetho hoseng. O tla etsa kgetho hosane bosiu, haeba o phela. O tlilo kgetha ka nako e nngwe. Moena, ke ne ke kgethe kgale nako e fetileng. Bibebe ena e ne e le buka-ntswe ya ka. Bibebe ena e ne e le Buka ya ka ya Bophelo. Bibebe ena e ne e le Lentswe la Modimo. Bibebe ena ke yona eo ke phelang ka yona. Bibebe ena ke yona eo ke emeng ho yona.

¹¹⁵ Ka baka leo, Moshe a sheba hodima bana ba Israele. Mme a se ke a re feela, “Oh, ke batho ba batle. Ha ke na letho kgahlano le bona. Oh, tjhe, nke ke ka bua letho kgahlano le bona.” Batho ba bangata ba etsa jwalo kajeno. “Oh, Mapentekosta ao le batho bao ba nang le Moya o Halalelang, le batho bao ba dumelang phodiso ya Kgalalelo, oh, ke—ke—ke ha ke na letho kgahlano le yona.” Empa e ne e se Moshe eo. A tela Egepete mme a fetoha e mong wa bona. A tswa a kena hara banababo. E ne e le e mong wa bona.

¹¹⁶ Moena, tsela ya ka e hona moo. Ke kgetha tsela ya ba mmalwa ba kgeswang ba Morena, le haeba e le sehlotshwana, seo e leng sona feela. Ba ruile tshepiso, mme ke bona mabitso a bona Bukeng ya Bophelo ya Konyana. Ke baena ba ka. Ke hantle. Nka kgetho ya hao mme o eme le bona. Ba lokile kapa ba le phoso, ako eme mono leha ho le jwalo. Ha ba le phoso, ba thusue ho etsa hantle. Hantle. O ke ke wa ba ntlatfatsa ka ho ba rahaka. Le a bona, ako leke ho ba hulela ka ntle.

¹¹⁷ Charlie, jwalokaha ba buile ka Moena Allen, mabapi le mollo oo ba...ka madi matsohong. Ka re, “Le ka mohla, le ka mohla ha ke eso nyemotse A. A. Allen.” Ka re, “Ha nka rera jwaloka A. A. Allen, ke ne ke sa tlo hlophisa tshebeletso ya phodiso.” Jwale, empa ha ho fihlwa ho latoleng madi e le bopaki ba Moya o Halalelang, matsohong a hao, ke tla hanana le hoo. Empa ha ho fihlwa boeneng, ke moena wa ka. Ke ema le yena lehetla ka lehetla ntweng. Ke hantle. Ha a fositse, ke tla leka ho mo thusa. Mme ha a sa fosa, ha ke fositse, ke batla hore a nthuse. Mme ke ka hona re kgathang—re kgathang tema mmoho. Jwale shebang mona.

...e ne e le SEPHIRI, BABILONA...MMA
DIOTSWA...

¹¹⁸ Jwale na le bona kamoo kereke kajeno, metswalle, le bona kamoo dikereke tsena kajeno di phelang ka tsela eo di batlang ho phela ka yona? “Ho itoketse ka ho phethahala, tswelapele

hantle,” kolobe e ja kolobe, o se ke wa tsotella. “Kgele, ha ho kotsi ho etsa jwalo. Kgele, o mpa o le leka ho kgema le sekgalekgale.” Jwale sheba thuto ya bona. Jwale ke batla...Jwale sheba. Ke temalo ya bona. Na le a bona, hobane dilemo tse mmalwa tse fetileng, kereke ya Katolike e ne e le yona feela e neng e dumelletswe ho tsamaya papadiso ya ditshwatsho? Kereke ya Methodist e sa nahane ka ntho e jwalo. Mekgatlo eo yohle ya bodumedi, “Tjhe! Ke mesebetsi ya Diabolosi eo.” Ke a ipotsa ho etsahetseng? E, monghadi.

¹¹⁹ Mme le a tseba, o ka nka bananyana bao ba Katolike, ba tswa ka dinthwana tsena... (Jwale, bang ba lona bashanyana ba hodileng thaka tsa ka.)...ho tswa mme le elellwe nthwana ena moo ba ne ba ena ya kgutlela-ya-lengole. Thaka leo, ke a kgolwa, o diheleng, bosuing bona. Ha ke tsebe. Ha ke moahlodi wa hae. Empa mohla a ne a qapa pinanyana eo ya pele e ditshila e ileng ya nyenyelepela ka ntle seja-le-moyeng, e sa sefshwa, eo “E phutheng, bananyana, e phutheng; e phutheng le bontshe mangole a lona a matlenyana.” Ke ba bakae ba hopolang mohla ntho eo e ne e hlahella la ho qala, dilemong tse fetileng? Tlapa le theletse hona mono la pele. Ke hantle. Mme eitseha ba fumana thaka lena ho tswa Texas, mme ba ntshetsa basadi bao ntle mono mme ba sebedisa diaparo tseo tsa ka hare ho etsa hore ba shebahale jwaloka ntho eo ba seng yona, le dintho tse kang tseo, mme ba ba dumella ba e tlodisa mahlo. Mme jwale e entseng? E tlohile e kgaseditse ka hare. Ke moyo.

¹²⁰ Monna o ne a bua, tsatsi le leng. A re, “Ha ke tsebe ke tla etsang. Ke na le moshanyana ya lokileng, ya tshepahalang, mme moshanyana eo o nka ntho e nngwe le e nngwe eo a ka beang matsoho a hae hodima yona.”

Ka re, “Hobaneng?”

“O kopa-kopana le leshodu.”

¹²¹ Ha o tsamaya le leshodu, le wena o tla ba leshodu. Mme wa ka wa kgale wa Kentucky o na ye a re, “Ha o robala le ntja e hometsweng ke matsetse, le wena, o tla tsoha o hometswe ke matsetse.” Ha o nka e—ha o nka mosadi ya sa lokang, mme o dumella ngwanana... mme o mo hakanya le—le moshanyana ya imametseng, mme ntho ya pele o a tseba moshanyana eo o se a nyehlile sa mootlwana. Ako e fetolele ka mona. Motho o tsejwa ka bomphato ba hao. Le ke le ikgethe! “Tswang hara bona,” Bibebe e itsalo, “le kgethehe!” Ke hantle.

¹²² Ha mokgatlo wona wa bodumedi ba bona o kgutlela bobodung bo jwaloka ho dumella batho ba bona... Be, tsatsi le leng mona, ka hara kereke e kgolo e ntle ya Baptist, ba ile ba lokela ho qhalana. Ba ka kgona ho rera metsotso e mashome a mabedi feela, monna eo a ka kgona, hoba moruti o na a lokela ho tsuba. Phutheho yohle ya tswela ka ntle. Bao bohole ba ema ka ntle mono ka mekoloko e tsubang, mme ba kgutla hape, moruti le

bona kaofela. Ka etela kereke ya Congregationalist, mono keha ho eme monna, a apere seaparo se se lelele, a eme mono, hore, a itshetlehile sefaleng *tjena*, a bua ka palesa ya mofuta eo a e fumaneng leralleng. Ya batla e le photo seo, mme a boela a tswa. Mme menwana ya hae keha e sehlefaditswe ke mosi wa sakrete. E. Mme a bua ka hore basadi, hore banna ba tla ya bapala... Papadi ena ya Jeremane eo ba e bapalang ka ntho eo ke eng, o—o sebedisa dikarete tse kana, o a tseba? Ho ena le... Oh, ke ne ke itse ke tla e hopola. Pinochle, ba ne ba tla bapala papadi ya pinochle. Ke a kgolwa ke nnete. Eya, ke moo o sebedisang. Ke ho bapala dikarete ho tlwaelehileng. Papadi ya pinochle, mokatong o ka tlase! Kgele, mohau! Ke hona moo motheo wa yona o leng teng. Ha ho makatse! Eng? Ba etsa jwalo, mme ba ntoo itlatlarietsa ka kereke ya Katolike ka ntle mona dibakeng tsena tsa rotarie moo ba bapalang lothari. Kgele, lona Maprotestanta le ditshila ha kaalo ka bona, ka hona le ka buang ka yona? Pitsa e ke ke ya re ketlele e “mosidi.” Ruri lekgale. Ha o etsa, homme hoo, ba re, “Be, Ke Mopresbeterian. Ke Momethodist.” Ha o letho pele o tswalwa labobedi. Ke hantle. Mme ha o etsa jwalo, o a tseba. Ka hare ho wena ho na le ntho e o bolellang hobane dintho tseo di phoso, mme o tla tswa ho tsona ka ho tiya sekwa o ka teba ho fihla mangoleng, sa letata. O a tseba hoo ke Nnete. Ruri. E, monghadi. Ntho eo e tsamaelana le hono. Hobaneng?

...MMA DIOTSWA...

¹²³ Ka leng la matsatsi ana, mme wa kgale o tla re, “O a tseba keng? Ebile, moratuwa, re ntse re tshwana.” Mme le a tseba keng mohlang oo? Konfederasi ya Dikereke e tla kopana bohle hammoho jwalokaha ba fumanwa jwale. Mme na le tseba se tla hlahela sehlotshwana se kang sena? Le tla e lefella, bashaana. Ke hantle haholo.

¹²⁴ Empa le se ke la tshwenyeha, Konyana e tla mo hlola. Hobane Ke Morena wa marena, le Mmusi wa babusi, mme Modimo o tla tataisa Kereke ya Hae, ho ena le mokgatlo wa bodumedi. O tla tshollela Oli eo e thekothata ya Moya o Halalelang hodima Kereke eo. Moena, Mollo o tsholoha o tswa Lehodimong, mme ho tla hlaha mehlolo le meeka, eo o eso ho ka o bona e jwaloka yona pele. E, monghadi. “Se tshabe, mohlatswana, ke thato e lokileng ya Ntata lona ho le fa Mmuso.” E, monghadi. “Ya tiisetang ho fihlela qetellong!” Ke moo he. Tsepama tseleng hantle. Tsepamisa hlooho ya hao nqa Kalvari. Bibele ena e nepile. O se ke wa tshwenyeha.

¹²⁵ Jwale shebang. Tseo ke tse ding tsa ditlwaelo tsa bona. Eo ke e meng ya mekgwa ya bona. Re be re ka tswelapele feela. Ntho ya pele le a tseba, ebile ya dutlela ka hara dikereke tsa Protestanta. Yaba basadi ba Katolike ba qala ba... Kgele, e ne e se kgopiso ho tena dishoto tse nyenyane, ha feela ba ne ba tsamaya kereke mme ba bea sakatuku e nyenyane hodima hlooho tsa bona. Moetlo wa mofuta, “O se ke wa ja nama ka Labohlano.” Mme, oh, ke hokae

moo o kileng wa fumana ho rwala sakatuku hloohong ya hao ho kena ka hara kereke? Ke batla le mpontshe Lengolo. Ke boporofeta ba bohata. Ke hokae ka kerekeng moo o tlamehang ho rwala katiba ka kerekeng? Ha o rwala katiba hloohong ya hao, o tlotlolla Kreste, hantle; ke banna, bao ke buang ka bona. Basadi, le na le lesira, empa ke phepetsa motho mang le mang ho mpontsha moo e leng katiba kapa sakatuku. Ke moriri wa hao! Mme u o kutile kaofela. Jwale ho thweng ka taba eo? Oh, ba re, "Ke sekale-kgale seo." Haeba e le sona, ke Bibele! Mme Lentswe la Modimo le nepile.

¹²⁶ Hase kgale haholo, ha ke bua mona, ka mosadi ya hlatswitseng maoto a Jesu, mme a tshwara moriri wa hae, le a tseba, mme—mme a a hlakola ka wona. Ka re, "Mokgwa o le mong oo mosadi a ka kgonang ho etsa hoo, ke ka ho ema ka hlooho ya hae ho fihlisa moriri o lekaneng tlase mono ho hlatswa maoto a Hae, ho a hlakola ka wona." Ke hantle. Oh, ee, ke—ke dihlong ho bona kamoo... Mona, hara maemo a hwammeng a lehodimo, o tsamaya hohle ka jasana e tjhitjana jwalo, mme mebele ya bona e hlobotseng e bonahala.

¹²⁷ Jwale o re, "Hobaneng o kgephola basadi?" Le loketse ho kgepholwa.

¹²⁸ Mme lona banna ba dumellang basadi ba lona ho etsa jwalo, moena, ha ke—ke hore tsebe ke nahane eng ka wena. Jwale, hoo ke nnene.

¹²⁹ Le lona baruti, ha ke kgolwe le le teng mona. Empa ha o bona mothaka, o mmolella ho tla, ho re, ako mpone. Le a bona? Ha a se na hlompho ho Kreste ho ena le ho tlöhella phutheho ya hae ho tswelapele ka ntho eo ntle le ho.... Jwale o... Ba ka e etsa ka ntle mono ka mora mokokotlo wa hae, empa ha a sa ba bolelle ka yona, ha se mohlanka ya lokelang Jesu Kreste. Ke hantle haholo. Ha a lokelwe ke ho ba mohlanka wa Kreste. Mohlanka wa Kreste o loketse ho hloka tshabo ha ho fihlwa Bibeleng. Ruri. Empa ke bao, ba a tswa mme ba e etsa leha ho le jwalo.

¹³⁰ Mme ebe, ntho ya pele le a tseba, Maprotestanta a ile a lokela ho e thonaka. Lona Methodist e lokileng, le lona Baptist, le lona Presbyterian, kapa Nazarene, Pilgrim Holiness, le lona bohole. Ho tswile ntho e tshwanang, eka, mokopu o patsotsweng ka lehare. Ke moo he, "Mma diotswa." Mokgatlo wa lona wa bodumedi, "Ha e fela e qadile ntlokogolo, e entse phapang ya'ng?" Le a bona? E etsa phapang e kgolo. Ha e a ya qala, Ntlokogolo *yane*. Mohlomong e qadile ntlokogolo tlase mona, empa e seng ho Yane e hodimo Mane. Ho itshetlehile moo o tswang teng. Ke nnete.

¹³¹ Jwale, ha ke dumele re na le nako ya ho nkana le e nngwe ena, mohlomong nka mpa ka e tlohellega hoseng. Ho lokile, ha re nkaneng le e kgutshwane ena. Re tshwere, mona, "kolobetsso

ya metsi." Hape re na le "boitherelopele," le, oh, dintho tse ngata. Ka baka leo ha re nkaneng le ena, nthwana ena, e kgutshwane ya "bareri ba basadi," mme re nkane le ena.

¹³² Jwale, jwale, moreri wa mofumahadi, ha ke batle ho thonkga maikutlo a hao, ke mpa ke batla ho o bolella ntho e nngwe. Ha o na le lethebana le le leng la Lengolo, le le le leng ha le yo ka hara Bibebe. Eya, ke tseba moo o yang teng, mme ke se ke fumane ntho yohle ya hao, eya, "Mme bara ba lona le baradi ba tla porofeta." Jwale, ha moruti wa hao a sa tsebe seo lebitso "porofeta" le se bolelang, ha a—ha a eso tsebe letho. Ha a na mosebetsi o mokaalo ka mora sefala, ha a leka hore ho wena o ka ba moreri. O a bona? Hobane yona, ruri, e ahlolwa ho qala ho Genese ho fihla ho Ditshenolo. Jwale e re ke o bontshe sena, o a bona.

¹³³ Jwale ke batla o mphetlele ho Timothea wa Pele 2:11. Ako phetle mona feela mme re tla fumana taba ena jwale, mme re tla fumana taba ena mona, hape, Diketso 2 ya hao. Eya. Mme ako—ako mamele mona seo Lengolo le se buang ka sehlooho sena.

¹³⁴ Jwale, motho o nnile a re, "Be, Moena Branham, o mpa o le mohloyi wa kgale wa mosadi." Ha ke mohloyi wa letho wa mosadi. Ke e...Ke mpa ke sa rate ho bona basadi ba nka sebaka seo e seng sa bona.

Le sa hopola Jarete ya Dikepe ya Howard, e nngwe ya dijarete tse atlehileng ka ho fetisa Nokeng ya Ohio? Ba ile ba hlomamisa mosadi ho e okamela. Shebang se etsahetseng.

Ba file mosadi tokelo ya ho vouta. Shebang se etsahetseng.

¹³⁵ E reng ke le bolelle hona jwale. Ha se ho buwa matlalo a basadi feela. Ke batla banna ba utlwisise hore le lona le kenyeditswe mona. Empa e re ke o bolelle taba, moena. Setjhaba sena ke setjhaba sa mosadi. Ke tla paka hoo ka lona, ka Lengolo, ka ntho efe feela eo le batlang e pakwe ka lona. Ke ena. Tjheleteng ya lona ho hlaha eng? Mosadi. O fumanwa hokae? Ho Ditshenolo, mona, le a mmona. Ke palo ya leshome le metso e meraro, le hona, ntho efe feela eo a e qadileng; dinaledi tse leshome le metso e meraro, metero e leshome le metso e meraro, dikoloni tse leshome le metso e meraro. Leshome le metso e meraro, ntho e nngwe le e nngwe e ne e le leshome le metso e meraro, le ho qaleng. E hlaha kgaolong ya 13 ya Tshenolo. Mosadi, leshome le metso e meraro!

¹³⁶ Mme ka 1933, mohla Morena...Re ne re tshwere dikopano mona moo kereke ya Kreste e emeng hona jwale, lehaeng la kgale la Masonic, pono ya Morena ya ntlhahela hodimo mona mme ya lepa hono. "Jeremane e tla tsoga mme e hahe Lerako la Maginot mono." Bongata ba lona le a e hopola. "Le kamoo ba tla be ba sireletsehile ka botlalo ka mono, mme maAmerika a ne a tla shapuwa hantle mono lerakong leo. Mme ha boela ha bolelwa se tla etsahala, le mabapi le Rooseveltt le ka dintho tseo, kamoo a tla iketa mme a kene temeng ya bone." Ka ho phethahala, hantle

kamoo e neng e tla etsahala. “Mme ha boela ha thwe makoloi a tla nne a iphe sebolepo se kang lehe, ho fihlela matsatsing a qetelo a tshwana le lehe feela.” Mme ka re, “Makoloi a ke ke a tsamaiswa ka seterevile. A tla tsamaiswa ka ntho e nngwe.” Ke makoloi ao ba a ntshang hona jwale, taolo ya remoutu, bakeng sa boipaballo. Ka nepo. O ke ke wa kgona ho kena motseng . . . Ke moo, tulong ya dimaele tse mashome a mabedi, o ka tsamayang dimaele tse mashome a mabedi feela. O ke ke wa tjhaisa koloi e nngwe, hoba e laolwa ka remoutu. O a bona, e tsamaya ka tsela eo, homme hona jwale. Mme ka re, “Hopolang, ka letsatsi leo, pele nako ya qetelo e fihla, pele nako ya qetelo e fihla, hore mosadi . . . Jwale, taba ena le dule le e ngotse fatshe. Ho tla hlaha mosadi ya phahameng, ya matla, mohlomong ebe Mopresidente, kapa mmusanosi, kapa mosadi ya itseng ya phahameng ka hara United States ena. Mme e tla teba, tlasa tshwaetso ya basadi. Jwale, le hopole, hoo ke HO RIALO MORENA.” Le a bona?

¹³⁷ Mme mosadi o phoso. Mme ntho ena e inehetse ho eng? E re ke le bolelle. Le ke le be batho ba moyo. Le ke le . . . Thibolohang. Shebang. Hobaneng e etsa hoo? Ho fa kereke ya Katolike sebaka sa ho kena. Le a bona? Le rapela dikgalala tsena tsa ditshwantsho le dintho tsena tsohle tsa mefuta ka ntle mona. Le sa hopola theron eo ke e rerileng? Margie, o sa e hopola, dilemo tse fetileng, ya—ya phutuhelo ya Dinaha Tse Kopaneng, ho phethola mmuso wa Amerika. Le kamoo ke itseng o hlahile Paris ka mora hoba re ba pholose mono basading bao, veine le monyaka. Mme a ba a kgantsha hantle Hollywood. Jwale, ho ena le hore re romele Paris ho fumana dimotlelara, ba romela kwano ho fumana dimotlelara. Hoo ho entseng? Ho entse . . . Le ne le sa dumelle bana ba rona ho ya pontshong ya ditshwantsho, empa o kene ka hara thelevishene hantle, ho tsamaya jwalo hantle ho tswa le ho kena le ho silafatsa ntho yohle, ho mo mathisa le ho mo hlahisa hantle. Mme ke rona bana kajeno, bananyana bohole le bashanyana, bohole ba tshwana le dibapadi tsena tsa thelevishene. Ke eng? Ke ho hleka tsela. Moshaana, mosadi a le mong ya mekgwa e mebe a ka isa batho ba bangata diheleng ho feta ditamene tsohle tsa jwala tseo le ka di hahang motseng. Ke hantle. Mo shebeng ha a theosa ka seterata diaparo tsa hae tsohle di tabotswe, ha ke tsotelle hore monna eo ke mang, haeba e le monna ya phetseng hantle ya tlwaelehileng, ha a sheba mosadi ntho e tlamehile ho feralla hodima hae. Jwale ako tshephale. Ha ke tsotelle . . .

¹³⁸ Ke bile le Moya o Halalelang dilemo tse ngata. O ke ke wa sheba mosadi homme a apere halofo . . . Ke—ke fanyehile sefapano se se nyenyane ka koloing ya ka, bongata ba lona le se bone. Motho o na re ho nna, “O Mokatolike na?” Makatolike a e fumane kae tokelo ya sefapano? Sefapano se bolela “Mokreste.”

¹³⁹ Letshwao la Bokatolike ke boMohalaledi Cecilia ba banyenyane ba kgale le dintho tseo. Ha re dumele dinthong tse kang tseo. Re dumela ho Kreste. Ba rapela mefuta yohle ya

batho ba shweleng. Ke mokgwa o hodimo wa ho bua le bafu. Ke pheto seo e leng sona, ho rapela bafu. Ntho e jwalo ha e yo, tjhe.

¹⁴⁰ Nkile ka botsa moprista. Ka re, “Hobaneng, he, haeba... Petrose ebile mopapa wa pele?”

A re, “Ke nnete.”

¹⁴¹ Ka re, “Ebe hobaneng Petrose a re, ‘Ha ho mmuelli e mong pakeng tsa Modimo le motho haese Monna eo Kreste Jesu’? Mme lona le na le basadi ba shweleng ba dikete tse hlano, le ntho e nngwe le e nngwe esele, le ba etsa babuelli. Ho etsahetseng?” Ke moo he. Ha ba na karabo mono. Ke hantle.

¹⁴² Jwale tse ding tsa thuto tsa bona, thuto tsa bona tsa bohata, ho hlahile sekgakgatha sa baporofeta ba bohata ba Protestanta mme ba ruta hono, mme lona batho ba Protestanta le a e kwenya. Ke hantle haholo. Mokgatlo wa bodumedi le dibopeho tsa kolobetso, le ditaelo tse fapaneng le dintho tseo le di etsang, tse sa yeng ka Mangolo ho hang. E kgahlano le yona, ka hara Lengolo, empa le a e obamela. Ke nnete.

¹⁴³ Jwale mamelang taba ena malebana le bareri ba basadi. Ho lokile. Timothea wa Pele, ke batla e—e Timothea wa Pele 2:11. Mamelang seo E se buang mona.

Mosadi wa hao a ithute a kgutsitse ka kutlo yohle.

Hobane ha ke dumelle mosadi ho ruta, kapa ho laola monna, a mpe a ikgutsetse.

¹⁴⁴ Ha ke na boikarabelo ba ho e bea ka hare ka mono. Ke jere boikarabelo ba ho le bolella hore e teng ka mono. Le a bona? Le a bona?

Mosadi wa hao a ithute a kgutsitse mme a itulele ka kutlo yohle. (Ha o kile wa kena kereke ya Molao mme wa ba sheba, le a bona. Le a bona?)

Hobane ha ke dumelle mosadi ho ruta, kapa ho laola (ho ba moruti, motikone, kapa ntho e jwalo) monna, le a bona, ho laola monna, a mpe a itulele ka ho ikgutsetsa.

Hobane Adama o bopilwe pele, mme hamorao ha bopjwa Eva.

¹⁴⁵ Ana le ne le tseba? Jwale mamelang, basadi. Lona basadi ba lokileng, ba imametseng ba Bakreste le ntho e kgabane ka ho fetisisa eo Modimo a neng a ka e fa monna, kapa A ka be a mo file ntho e fapaneng. E, monghadi. Le a bona? Mosadi o ne a le siyo popong ya mantlha. Mosadi ha se sehlahiswa se bopilweng ke Modimo. Ke kgwabi ya monna. Modimo o bopile monna, e le monna le mosadi mmoho. Mme A ntoo ba arola. Hoba monna a phele hodima lefatshe mme a se a reile diphoofolo mabitso, mme a se a phetse halelele mona, O ile a

ntsha lehopo lehlakoreng la Adama, e le kgwabi, mme a etsa mosadi ka lona. "Hobane Adama o bopilwe pele, mme hamorao ha bopjwa Eva." Jwale shebang.

*Mme hase Adama ya thetsitsweng, empa mosadi,
hobane a thetswe, o hlahisitse tlolo.*

¹⁴⁶ Modimo o ile wa nka monna. Diabolosi a nka mosadi. E shebeng, hantle sefahlehong, e bakwa keng kajeno. Shebang Kereke ya nnete ya Modimo, e tla re, "Jesu!" Antikreste o tla re, "Maria!" Shebang meya eo. Le a bona? Ke eo. "Ahe Maria, mma Modimo, o lehlohonolo hara basadi, o re rapelle rona baetsadibe letsatsing la ho shwa ha rona. Amen. Maria, rapela!" Oh, banna, mohau! Le a bona, ke lona bao, "mosadi," mofo wa Diabolosi. Kreste, tlotla e rapelwang, homme Yena a nnotshi! Ke moo he. Ke moo he.

¹⁴⁷ "Hobane Adama o bopilwe pele, mme hamorao ha bopjwa Eva." Hase Adama ya thetsitsweng. Mme le ka hla la ba le modisa wa mosadi jwang, motikone? Hase Adama ya thetsitsweng, empa ke mosadi ya thetsitsweng. Hantle-ntle, yena. Ha a ka a nahana hobane o phoso, empa o ne a le phoso. "Mosadi hobane a thetswe o hlahisitse tlolo." Hobane, yena, nako le nako ha-ha phihlo e theoha ka seterata, ke mosadi ya e hlahisitseng. Nako le nako ha lesea le howeletsa, ke mosadi ya e hlahisitseng. Nako le nako ha motho a shwa, ke mosadi ya e hlahisitseng. Moriri o mong le o mong o moputswa, ke mosadi ya o hlahisitseng. Ntho e nngwe le e nngwe, le lefu, ke mosadi ya le hlahisitseng. Ntho e nngwe le e nngwe e fosahetseng, ke mosadi ya e hlahisitseng. Mme a ntoo bewa hlooho ya kereke, modisa, oh, bishopo ka nako tse ding. A ke a itshwabele.

¹⁴⁸ Jwale e re ke le phetlele lena, le leng, motsotsong feela. Le a bona? Jwale ha re phetleng ho Bakorinthe ba Pele 14:32 mono, mme re bone seo Pauluse a se buang hodimo mona, mme re ntoo fetela ho a mang, motsotsong feela. Mme hape ha re batle ho le tshwarella halelele, le tla be le kgathetse hoseng mme le ke ke la kgona ho kgutla. Ke hantle. Ke batla ho bala. Ke ba bakae ba dumelang hobane Pauluse e ne e le moruti ya buduletseng? Jwale, hopolang, Pauluse o boetse o ngoletse Timothea sena. Le a bona? Hore, jwale, Bakorinthe ba Pele 14:32. Jwale ha re qaleng hantle ka mona, le ho qala ho bala mona, 14:34, ke a kgolwa.

Basadi ba lona ba ikgutsetse diphuthethong: . . .

¹⁴⁹ Ana le utlwile seo a se buileng?

*Basadi ba lona ba ikgutsetse diphuthethong: hobane
ha ba dumellwe ho bua; ba mpa ba tshwanetse ho
mamela, . . .*

¹⁵⁰ Le na le molathoko mono? Ha le ena le wona, kgutlelang morao mme le bone hore ha e nkane le Genese 3:16 na. Mohla Modimo o no o borella Eva, kahobane a ne a mametse noha bakeng sa monna wa hae, hore o tla mo busa matsatsi wohle a

bophelo ba hae. Mosadi a ka tla jwang mme a laola monna, ho ba modisa kapa motikone, athe Bibele e mo laetse ho itulela ka "kutlo," jwalo kaha ho etsahetse tshimolohong? Mohla Yena... Modimo—Modimo a ke ke a fetoha. O ke ke wa etsa hore Lentswe le bue ntho e nngwe *mona* le e nngwe hodimo *mona*. Ha le etse jwalo. Ke ntho e le nngwe ka dinako tsohle.

¹⁵¹ Ka baka leo, tshimolohong, ke hona moo, pele taba ena e fela, ha nka fumana monyetla, ke batla ho le otlollela temana eo ya *Lenyalo Le Hlalo*. Ha ke eso e etse ka hara kereke ena. Empa shebang selekane sena se menahaneng habedi. E mong o re a ka nyalwa; e mong o itse a ke ke a nyalwa; mme enwa o bua *sena, sane*, kapa se *seng*. Be butleng motsotsso mme le bone seo Bibele e se buang, mohla re fihlang nthong eo. Le a bona? Ho lokile. Jwale shebang mona.

Basadi ba lona ba ikgutsetse diphuthehong:...ha ba dumellwe ho bua; ba mpa ba tshwanetse ho mamela, jwalo kaha molao le wona o bolela.

¹⁵² Hape, ka hara Testamente ya Kgale, ba ne ba sa dumellwe ho bua, hobane Pauluse o boletse ba ne ba sa dumellwe mona. Na ho jwalo? "Basadi ba lona ba kgutse. Ke kutlo." Jwale ha o ka sala molathoko wa hao morao mono, o tla o kgutlisetsa ho Genese 3:16. Le a bona? Ke hantle. "Tlasa, le tlasa molao ho jwalo."

Mme ekare ha taba e le teng eo ba ratang ho...tseba, ba bona...ba e botse—botse banna ba bona hae: hobane ho hobe ha mosadi ba bua kerekeng.

Ana?...

¹⁵³ Jwale shebang letshwao la potso Bibeleng e nngwe le e nngwe ya lona, malebana le, "Ana?" Se qositseng Pauluse ho rialo le ho itshwara ka tsela eo ke eng? Jwale, ha le ka fumana mangolo ao Bakorinthe ba a ngoletseng Pauluse. Jwale, le ka a fumana laboraring efe feela e lokileng, le a bona, wona ao Bakorinthe ba a ngolletseng Pauluse. Ba a ngotse ba mmolella, ka mora hoba basadi bana ba sokolohileng... Ba ne ba ena le—le modimotsana mono, ya bitswang "Diana." Mme e le wa Efese, hape. Mme Bakorinthe ba ne ba rapela yona ntho eo, hobane e ne e le borapedi ba bohetene. Mme ka tsatsi le leng ba fumana lejwe ka ntle naheng, le batla le nkile sebopoho sa mosadi. Ba re, "Modimo ke mosadi, mme o re lahleletse setshwantsho sa hae." Mme tempele ya bona e ne e fetisa ya Salomone hole, ba boletse jwalo, boranalane. Oh, e ne e entswe ka mabole hohle, e manehilwe ka gauta; athe, tempele ya Salomone e ne e entswe ka kedare, e manehilwe ka gauta. Le a bona? Mme e ne e e fetisa hole. Mme hono, ka hona, efela ha Modimo e ne e le—e le mosadi, kgele, ehlile, a ka ba le baprista ba basadi. Ehlile, efela ha Modimo e le mosadi, ekabebe moreri wa mosadi o itoketse. Empa, Modimo ke Monna. Bibele e itse E ne e le Monna, mme Ke Monna. Le a bona? Mme efela ha Modimo e ne e le Monna, eka kgona e be monna.

Jwale lemohang mona, “Ana?”

¹⁵⁴ Jwale, ba bang ba baprista bao ba basadi, eitseha ba sokollwa ho tloha boheteneng ho kena Bokresteng, ba hopola hobane ba tla ipolokela ofisi ya bona e le moreri, ho tlolela ka mona hantle. Efela haeba ba rerile ka kwana ka Diana, ba tioletse ka kwano mona ho rera ka Kreste.

¹⁵⁵ O itse, "Ana? Lentswe la Modimo le tswile . . ." Mamelang taba Ena feela. Moena, bareri ba ka etsa seo jwang? temana ya 36.

Ana? lenseswe la Modimo le tswile ho lona? kapa ke lona feela ba fihlelsweng ke lona na?

Ekare ha motho a itekanya hoba ke moporofeta, kapa motho ya nang le moya (ha a lokela le ho ba moporofeta; motho wa moya feela ya nang le kelello), a ke a tsebe hoba ditaba tseo ke le ngollang tsona ke melao ya Morena. (Le dumela seo?)

Mme ekare ha yena, ekare ha motho a hana ho tseba, a mpe a ikaanele ho tseba.

¹⁵⁶ Jwale, e bataletse kamoo ke tsebang ho e bea. Le a bona? O itse, "Ekare ha motho e le motho wa moyo, leha e le moporofeta, o tla tseba hoba seo ke se ngolang mona ke Molao wa Morena." Empa a re, "Ekare ha a-ekare ha a hana ho tseba, a mpe a ikganele ho tseba." Le a bona, ntho e le nngwe feela eo le ka e etsang. Ha ba batla ho tswelapele ka yona, o ba tlohele ba itsamaele, hoba o e bone e qala mono.

¹⁵⁷ Mme mosadi o kile a mpolella, ho re, "Oh, Pauluse e ne e mpa e le mohlovi wa kgale wa mosadi."

¹⁵⁸ E ne e se mohloyi wa letho wa mosadi. Le a tseba, Pauluse e ne e le moapostola, homme ho Kereke ya Baditjhaba. Shebang mona. Ana le ne le tseba hoba Pauluse...Ke ba bakae ba dumelang hoba ke seo Pauluse a se rerileng? Ana ke seo a—a se buileng mona? Mme Pauluse o itse...

¹⁵⁹ O re, "Be, bea butle motsotso jwale, Moena Branham. Motsotso feela! Jwale, bishopo wa rona o re ho itoketse. Mookamedi wa sedika, Assemblies, e re e itoketse. Bishopo wa Openess o re e lokile."

¹⁶⁰ Ha ke tsotelle seo ba se buang. E phoso! Mme ke le boleletse hoba re tla hlaba taba ena ka thata. Mme baporofeta ba bohata ke bona ba tla rialo. Hoba Bibele e itse, "Ekare ha motho a itekanya hoba ke motho wa moyo, leha e le moporofeta, a ke a lemohe hoba seo ke se buang ke Melao ya Morena." Mme ekare ha moyo wa hae o sa pakelane le Lentswe leo, ke moporofeta wa bohata, le ho qaleng. Nka mpa ka ba mohloyi wa mosadi ho ena le ho ba morati wa mosadi, ho dumella dithole tse kang tseo, ho mamella dithole tse jwalo ka hara Kereke ya Modimo, kgahlano le dikomelo tsa Modimo. Mme Pauluse o buile... Fumanang Bagalata 1:8. Pauluse o itse.

“Ekare ha Lengeloi le tswang Lehodimong le bolela evangedi esele ho eo ke le boleletseng yona, le rohakwe.” Jwale le tla etsang ka Hono?

¹⁶¹ Jwale o re, “O reng kamoo E itseng, ‘Bara ba lona le baradi ba tla porofeta,’ ho Joele, homme—homme moo Petrose a qotsitseng ka Letsatsi la Pentekosta?” Ke hantle haholo.

¹⁶² Ana le ne le tseba, ka hara Testamente ya Kgale, hore tsela e le nngwe, e leng yona feelsa tsela jwale, eo motho a ka kenang selekaneng, ka Abrahama, yena ya neng a filwe tshepiso, mme letshwao—mme letshwao la tshepiso e ne e le ka lebollo. Ke ba bakae ba tsebang hoo? E ne e le mohla Modimo a ne a thasiseletsa.

¹⁶³ Jwaloka moena wa Baptist, o itse, “Moena Branham, kgele, rona maBaptist re amohetse Moya o Halalelang.”

Ka re, “Le O amohetse neneng?”

Ho re, “Ka hora eo re ne re dumela ka yona.”

¹⁶⁴ Ka re, “Pauluse o itse, ‘Ana le amohetse Moya o Halalelang esale le dumela?’” Le a bona? Ka re, “Jwale, lona maBaptist le tle ho amohela Hoo nakwana, mme re tla bua ka polokeho ya Bosafeleng le lona.” Ka re, “Empa, be, le e fumana kae jwalo?” Le a bona?

¹⁶⁵ A re, “O itse na le O amohetse *esale* le dumetse?” E ne e le badumedi, mme ba howeletsa mme ba thabile le ntho tsohle. Ba ne ba eso amohele Moya o Halalelang. Pauluse o itse ba ne ba eso etse jwalo. Le a bona? “Ana le amohetse Moya o Halalelang esale le dumetse?”

Ba re, “Ha re tsebe letho ka Moya o Halalelang o leng teng.”

Ho re, “Ebe le kolobeditswe jwang?”

¹⁶⁶ Ba re, “Re kolobeditswe.” Empa, ka phoso, le a bona. Ka hona a lokela ho kolobetswa, hape. Ke hantle.

¹⁶⁷ Jwale elelwang sena jwale, hore bareri bana ba basadi, eitseha ba kena, ba itekanya hoba ba ka inkela taolo. Empa ruri ha e dumellwe ke Modimo ho etsa jwalo. Le ho dumella...ere re sa tshwarane le temana ena mona, basadi bana, le a bona. Mme yona, jwale, o itse, “Ekare ha motho a le teng hara lona, e leng motho wa moyo, kapa moporofeta, a ke a lemohe hoba taba eo ke e ngolang ke Melao ya Morena. Empa ekare ha a hana ho tseba, a ke a ikganele ho tseba.” Mme ke ka hona...tabernakele ena ha e emele le ho tlotsa bareri ba basadi, batikone ba basadi, leha e le ntho efe feelsa e amanang le ofisi ya kereke ena e nkuwang ke mosadi, ke ka hoba Lengolo lena le robetse mona mme le lepalapaleng.

¹⁶⁸ Jwale, Bibebe e itse, “Bara ba lona le baradi ba tla porofeta.” Jwale, lenseswe *porofeta* le bolelang? Le shebeng. Ke ho “bolela taba, tlasa tshusumetso,” kapa “ho lepa ntho.” Ke lenseswe le menahaneng hangata.

¹⁶⁹ Jwalo feela kaha ho halaleletsa ho bolela “ho hlwekisa, le ho beellwa kathoko ho ka sebediswa.” Le a bona? Kapa, ke lenseswe le menahaneng hangata, le bolelang dintho tse fetang bonngwe, jwalo kaha re fumana a mangata ka hara Senyesemane mona.

¹⁷⁰ Jwalo kaha, re ka bua ka lenseswe “*board*.” Be, ebe *board* e bolelang? O ka re, “Be, o re o lefile *board* ya hae.” “Tjhe, lekgale. O re o *bored* mokoti.” “Tjhe, lekgale. O re o mo *bored*.” Kapa, le a bona, lenseswe feela, o tshwanetse ho tseba seo o buang ka sona. Le a bona?

¹⁷¹ Mme ho a tshwana le ka lenseswe lena le menahaneng hangata, mono, “Bara ba lona le baradi ba tla porofeta.” Jwale, mokgwa o le mong oo Modimo . . .

¹⁷² MoBaptist enwa o itse, “Be, re amohetse Moya o Halalelang.” Ka re . . . “Mohla re ne re e dumela.” Ka re . . . Jwale, le a bona, a re, “Modimo o file Abrahama . . .” Ho re, “Abrahama o dumetse Modimo.” Ke kamoo a e beileng kateng. A re, “Abrahama o dumetse Modimo mme a ballwa hoba hoo ke ho loka.” Ba bakae ba tsebang hoo e le nnete? Jwale shebang kamoo—kamoo Satane a ka rothisetsang taba eo hodima moena. Le a bona, habonolo feela. Jwale, leo ke Lengolo.

¹⁷³ Moena, ke a o bolella, tabeng ena hodimo mona, o tshwanetse ho tlotswa pele o kena mona. O tshwanetse ho kena nqalong e sephiring mme o rapele. Batho ba re, “Hobaneng o sa tswe ho bonana le batho?” Moena, ha o ilo bua le batho kapa ho ya ba ruta, o mpe o itulele o nnotshi, le Modimo, nakwana, pele o kena sefaleng seo. Ruri, le a bona, hoba Satane o masene, masene haholo.

¹⁷⁴ A re jwale, lemoha, a re, “Abrahama o dumetse Modimo, mme a ballwa hoba hoo ke ho loka.” Ke hantle. A re, “Jwale, ebe Abrahama a ka hlola a etsang haese ho dumela?”

Ka re, “Ke pheto seo a beng a ka se etsa.”

¹⁷⁵ A re, “O ka hlola o etsang kapa motho a ka hlola a etsang haese ho dumela?”

¹⁷⁶ Ka re, “Ke pheto seo re ka se etsang. Empa sheba, moena, yaba Modimo o kgutla, kapa a hlompha tumelo ya Abrahama. A mo fa tiiso, letshwao la lebollo, e le tiiso ya selekane. Le a bona? A mo fa yona. A re, ‘Jwale, Abrahama, Ke tla hlompha tumelo ya hao, ka baka leo Ke tla o fa pontsho jwale ya hobane Ke o amohetse.’”

¹⁷⁷ Ka baka leo a bolotsa Abrahama, mme ya eba tiiso ya selekane. Mme jwale tsatsing lena . . . Jwale, mosadi o na a ke ke a kenngwa selekaneng; ntle le mosadi ya nyetsweng feela. E fumaneng, o no o ke ke wa bolotsa motho e motshehadi; ka hona ya lokela ho kena, ka baka leo yena le monna wa hae ba bang. Ha ba sa le ba babedi; ba bang. Ba bakae ba tsebang hoo? Lengolo le rialo. Ka baka leo, ka ho nyalwa ha hae, ke

moo—ke moo e bang ntho e le nngwe. Mme ako theohele tlase mona mme o shebe kwana ho Timothea, e buile ntho yona eo, ho re, “O tla bolokeha ha a tswala bana, ha a hlola tumelong le kgalalelong a ena le tshabo yohle.”

¹⁷⁸ Jwale, empa, he, lebollo la Testamente ya Kgale le ne le nameng, empa ka hara Testamente e Ntjha ena, Joele o itse, “Ke tla tshela nama yohle ka Moya wa Ka, mme bara ba lona le baradi ba lona ba tla porofeta.” Jwale, lentswe *porofeta* ha le bolele ho ruta. *Porofeta* e bolela “ho bolela ketsahalo, tlasa pudulelo,” kapa “ho lepa se mothating wa ho etsahala.” Mme re a tseba hobane baporofeta ba basadi ba ne ba le teng ka hara Testamente ya Kgale. Ba ne ba sa tshwanela ho bua ka hara mohaho, ho bua ka kerekeng, ka hara phutheho, e le moruti. Empa yena, Anna, le ba bangata ka hara tempele, e ne e le baporofeta ba basadi. Mme e ne e le bona. Meriama e ne e le moporofeta wa mosadi, kapa ntho e kang eo. Moya o no o dutse hodima hae, ke nnete, empa sebaka sa hae se ne se beetswe moedi. Basadi ekaba baporofeta ba basadi kajeno, ruri; empa e seng baruti, le jwalo-jwalo, ka mora kalana mona. Ha o etsa jwalo, o etsa—o etsa hore Bibele e Itwantshe. Bibele e ke ke ya bua ntho e nngwe *mona*, le ntho e nngwe ka *mona*. E tshwanetse ho bua ntho e tshwanang ka dinako tsohle hoseng jwalo Ha se Lentswe la Modimo. Le a bona? Ka baka leo, “Bara ba lona le baradi ba lona ba tla porofeta,” e bolela hore ba tla “lepa” kapa “paka.” Jwale, le ke le e shebe, mme le nke tlotlontswe ya Bibele mme le bone ha ya loka na. “Bara ba lona le baradi ba lona ba tla porofeta.”

¹⁷⁹ Jwale, Bibele e boela e bua ka mosadi ya ipeileng, ka hona, kapa ya ipoletseng yena.... Hona ho tla boela ho sebeletsa hodima kereke ya Katolike, mme ho boele ho sebeletse hodima... malebana le sehlooho sena seo re tla bua ka sona jwale. Ha re phetleng Bukeng ya—ya Ditshenolo, mme re fumane nkare e—e kgaolo ya 2 le temana ya 20, re sa le haufi le yona mona, le tle le elellwe mona mme le bone kamoo ntho eo e ka tlalang bodiabolosi kateng, ha ho buuwa ka se tla etsahala matsatsing ana a qetelo, kamoo dintho tsena, seo mosadi enwa a tla ba sona. Hopolang, kereke ya Katolike ke mosadi. Re sa tswa e bala, ha rea etsa jwalo? Mamelang sena jwale, kamoo E buang kateng. Tshenolo 2:20, “Jwale empa....” O bua le kereke ena ya -atira, le a bona, “Jwale empa....” È leng kereke ya mongwaha o mahareng mono, e fetileng hara Mengwaha e Lefifi.

Jwale empa ke na le ditaba tse seng kae tseo ke di nyatsang ho wena, ke hobane o dumella Jesebele, mosadi eo ya ipitsang moporofeta, ho ruta le ho...kokobetsa bahlanka ba ka mme ba etse bohlola, mme ba je dinama tse hlabetsweng ho medimo ya bohata. (Le a bona?)

¹⁸⁰ Jwale, ha le ka elellwa le ka mohla, le ke le hlokomele mengwaha ena ya dikereke, ke moo re tla kwala. Ke moo hoseng re tla tshwarana le dintho tse ding tsena. Shebang. Ka

hara... Tlasa e—e dikandelare tsa gauta tsa tabernakele ya Bojuda, ka hare, tsa bohobe ba pontsha le dintho tse jwalo, ho no ho ena le dikandelare tse supileng tsa gauta. Lona bohole le tseba hoo. Le a bona? Ho na le mengwaha e supileng ya kereke. E buang ka mengwaha e supileng ya kereke, ka ho tshwana. Jwale ha le ka elellwa ho Ditshenolo 1, re fumana Jesu a eme hara mengwaha e supileng ya kereke, dikandelare tse supileng tsa gauta, mohla a retolohang mme a bona e Mong ya kang Mora motho, a eme, apere ka tsela eo. E ne e le Monyaduwa ya emeng hara dikandelare, a takilwe.

¹⁸¹ Jwale, Testamente ya Kgale, ba ne ba nka... kandelare e le nngwe ena, mme ba e hotetse, ba nke kandelare e nngwe mme ba e hotetse ka e nngwe eo, ho e hotetsa ka e nngwe eo, e nngwe ka nngwe, ka tsela eo, hofihlela ba qeta dikandelare tse supileng.

¹⁸² Ha le ka elellwa, tshimolohong, mohla Modimo o no o qala o sebetsana le Bajuda, mme ba tsamaile hara mongwaha wa gauta. Mme ha ntoo latela mongwaha o lefifi-fifi wa diketso tsa Bojuda, oo Modimo a kileng a o sebetsa le Mojuda, e ne e le mehleng ya puso ya Akabe. Mme ha le ka elellwa, ka ho bala mengwaha eo ya kereke mono, O boela a kgutlela ho yona hape. O boletse, jwale, "Ditaba tse mmalwa tse fetileng," le ho rialo. Jwale, hantle hara Mongwaha o Lefifi, dilemo tse sekete le makgolo a mahlano mono, kapa mehleng ya Akabe, pele, le Bajuda. Mongwaha o lefifi-fifi oo ba bileng le wona, mohla Akabe a nyalang Jezebele mme a kenya tshebeletso ya medimo Iseraeleng, mme a ngoka batho bohole ho rapela jwaloka Akabe, ho rapela modimo wa Jezebele. Le sa hopola, ba ile ba nka, ba lema difate tse mmalwa, mme ba diha dialetare tsa Modimo. Mme Elisha a hlaba mokgosi, e ne e le "yena a nnotshi," homme Modimo o ne o babaletse makgolo a supileng a sa kang a hlaba ka lengole pela Baale. Le sa e hopola? Ke papiso ya Kereke e tswang ya mokgethwa. Le a bona mono? Le bona kamoo e leng kateng?

¹⁸³ Jwale, kerekeng ena, ha le ka elellwa kereke ya pele, kereke ya pele, kereke ya Efese, e ne e le kereke e kgolo. O itse, "Le jwale, o sa na le bophelo." Mme ha le ka elellwa, kereke e nngwe le e nngwe, ya qala ya rothofala, ho rothofala, ho rothofala, ya ba ya fihla ho -tira. Yaba, e ntoo ba dilemo tse sekete le makgolo a mahlano. Yaba e hlahella ka lehlakoreng le leng, "Mme o sa na le lesedi le seng le kae. Tiisa seo o se tshwereng, esere kandelare ya hao ya tloswa." Le ho theohela jwalo he ho mongwaha wa kereke ya Filadelfia, mme ho ntoo kenwa mongwaheng wa kereke ya Laodisea.

¹⁸⁴ Jwale, ntho e kgabane ke ena. Oh, banna! Ke mpa ke rata sena feela, Moena Smith. Bonang, shebang sena. Jwale, mongwaheng wa kereke *ena*, jwalokaha re haotse... Jwale shebang sena. Mongwaha wa kereke ya pele e ne e le Efese, mongwaha wa kereke ya Efese. Jwale, o mong le o mong ho mengwaha eo ya kereke, hofihlela o fihla ho dilemo tsena tse

sekete le makgolo a mahlano, ha le ka ellellwa... E baleng jwale ha le ya lapeng bosiung bona, ha le ena le nako, kapa hoseng ka meso, pele le tla kerekeng, kgaolong ya 1, ya bo 2, le ya bo 3 ya Tshenolo. Le tla fumana o mong le o mong wa mengwaha eo ya kereke, O itse, "O sa na le matlanyana, mme ha wa ka wa latola Lebitso la Ka," hofihlela A fihla dilemong tse sekete le makgolo a mahlano tsena tsa -tira, Mongwaha o Lefifi. Yaba O hlahella ka lehlakoreng lane, mme a rialo.

...hore o ruile *botumo ba ho phela*, empa o shwele.

¹⁸⁵ Mme tsena, ha ho le o mong wa mengwaha ena ya kereke, eo kapa mongwaha wa kereke ya Filadelfia, ha ya ka ya boela e nka Lebitso leo. Ha ya ka ya fumana Lebitso leo, hoba o ile wa nyamela nakong ena. Jwale, oh, kamoo re beng re ka tshwarana le dithuto tseo tsa bohata jwale, hantle ka mono, ho le bontsha hore ke mme, kereke ya Katolike, mma yona yohle, kamoo e leng "mme, sephiri, Babilona." Mme hoo, shebang, mongwaha ona wa kereke mona ha o tswa, o no o ena le lesedi le seng le kae, yaba o eketsa ho rothofala, ho rothofala, mme wa ntoo kena mokgatlong morao mona, dilemo tsena tse sekete le makgolo a mahlano. Mme jwale e a tswa, e seng jwaloka Kereke ya Morena Jesu Kreste, empa jwaloka kereke ya Katolike. Luther o tswile e le eng? Jwaloka ka kereke ya Lutheran. Baptist e tswile e le eng? Jwaloka kereke ya Baptist. E seng Lebitso la Hae, e seng Lebitso la Hae; lebitso le leng, "o na le lebitso." "Hoba ha ho lebitso le leng le abilweng tlasa Lehodimo leo le ka bolokehang ke lona, haese Lebitso la Jesu Kreste." "O na le lebitso la hobane o a phela, athe o shwele," ke mabapi le mokgatlo oo wa bodumedi.

¹⁸⁶ "Oh, ke Mopresbeterian," athe o shwele! "Oh, ke Mobaptist," athe ho showe! O phela feela ha o phediswa ka ho Kreste Jesu. Ke hantle. Dikolobetso tsa lona tsa bohata, metsi, kolobetso ya bohata; hofafatsa, ho horometsa, sebakeng sa ho qwedisa; ho sebediswa "Ntate, Mora, le Moya o Halalelang," sebakeng sa Lebitso la Morena Jesu Kreste. Le dintho tseo tsohle tse theohang hantle, Bibebe e a bua, eka o e tshollela ka thata kamoo e ka kgonang. Mme ke mona re dumellana le tsona hantle, "Be, kereke ya ka e E dumela ka tsela ena." Empa Bibebe e bua Sena. O a bona? Dintho tse jwalo ha di yo. Ntho e jwalo ha e yo.

¹⁸⁷ Mme ha ho sebaka ka hara Bibebe moo ba kileng ba leketlisa leleme la bona mme ba ja Eukariste e halalelang, mme moprista yena a nwe veine mme a e bitse Moya o Halalelang. Ka hara Bibebe ha ba eso tsukutlane ka matsoho le ho ntsha letsoho le letona la bolekane, le ho e bitsa Moya o Halalelang. Motho ha a eso eme mme a re, "Jwale ke modumedi," mme a amohele Moya o Halalelang. Hola ho bile jwalo, Diketso 2 e ka be e balwa tjenana, "Letsatsi la Pentekosta ha le se le fihlile, moprista wa Moroma a tla a theoha ka tsela, mme lepetu la hempe ya hae le hetlile morao. O a atamela, ho re, 'Leketlisang

maleme a lona kaofela mme le amohele Eukariste e halalelang, selallo sa pele.”” Ana e ka be e se mokgwa wa horeng wa ho bala Diketso 2?

¹⁸⁸ Be, lona Maprotestanta le babe hakaalo. Ho kgutla mono le ho re, “Jwale re tla nyolohela ho Mamethodist, mme re ba bee ka letsohong le letona, ho ba otollela letsoho le letona la bolekane, le dikgwedi tse tsheletseng tsa teko.” Le e bala hokae ka hara Diketso 2? Le a bona? Le e fumana hokae ntho eo? Le a bona?

¹⁸⁹ E itse, “Yare ba sa dutse nqalong e le nngwe, ba le kgopolole e le nngwe!” Ha ho a nyoloha bishopo mme a etsa *sena*, mme ha o a ka ha nyoloha moprista mme a etsa *sena*. “Empa ha utlwahala modumo o tswang Lehodimong o kang wa moyo o fokang ka sefefo, mme ntlo yohle eo ba dutseng ho yona ya tla Wona.” Ba O amohetse jwalo, e, monghadi, jwaloka moyo o fokang ka sefefo o tswang Kganyeng. E seng hodimo kwana tseleng kapa ho tswa mokgatlo o itseng wa bodumeding.

... *ho re o ruile botumo ba hoba o a phela, empa o shwele.*

¹⁹⁰ Le a bona, ditumelwana tsa lona le bodumedi ba mekgatlo bo lelekile Modimo ka tsela eo, hofihlela, “Re dumela *sena*, mme re dumela matsatsi a mehlolo a fetile.” Ke moporofeta wa bohata ya rialong. Ke moporofeta wa bohata ya o bolellang, hobane, “O ka tsukutla matsoho mme wa amohela Moya o Halalelang.” Ke moporofeta wa bohata ya o bolellang hobane, “O amohela Moya o Halalelang mohla o dumelang.” Ke moporofeta wa bohata ya o bolellang hobane, “O tlameha ho horometswa le hofafatswa sebakeng sa ho kolobetswa.” Ke moporofeta wa bohata ya o bolellang ho “Kolobetswa ka Lebitso la Ntate, Mora, le Moya o Halalelang,” hodima ho se Lengolo la yona ka hara Bibebe. Ke hantle. Ha ho Lengolo ka hara Bibebe le o laelang ho kolobetswa, moo motho a kileng a kolobetswa, haese ka Lebitso la Jesu Kreste. Ntle, le barutuwa ba Johanne feela; mme ba ile ba lokela ho kgutla, ho kolobetswa hape, ka Lebitso la Morena Jesu Kreste, ho amohela Moya o Halalelang. Ke hantle. Jwale, eo hase thuto ya Jesus Only. Ke tseba thuto ya Jesus Only. Eo hase yona. Ke Thuto ya Bibebe feela. Ke hantle.

¹⁹¹ Empa ke moo he. Le etsang ka yona? Mma lona ke eo. Mma ditumelwana tseo ke yena eo.

¹⁹² Jwale, shebang hantle morao Bibeleng mme le mpolelle moo mang a kileng afafatswa. Methodist, Presbeterian, Catholic, mpolelleng moo motho a kileng afafatswa, ka Bibeleng. Mpolelleng moo mang a kileng a horometswa, ka Bibeleng, tshwarelong ya sebe. E boleleng. Na le ka e fumana? Ha o kgona, tloo ho nna, mme ke tla theosa ka seterata ka letshwao mokokotlong wa ka, mme ke re, “Moporofeta wa bohata! Ke ne ke fositse.” Kapa, ako fumane sebaka se le seng Bibeleng yohle moo mang a kileng a kolobetswa ka lebitso la Ntate, Mora, le

Moya o Halalelang, kamoo pheresente tse mashome a robedi tsa lona di kolobeditweng kateng. Ako mphumanele Lengolo le leng moo mang a kileng a kolobetswa jwalo, ke tla leketlisa letshwao mokokotlong wa ka, “moporofeta wa bohata,” mme ke theose ka tsela ka lona *tjena*. Mme le mpontshe moo mang a kileng a kolobetswa, ka hara Kereke e ntjha, ya neng a sa lokela ho tla le ho kolobetswa hape, ka ho... e seng ka lebitso la “Jesu” feela, empa ka Lebitso la Morena Jesu Kreste wa rona. Ke hantle. Bonang hore na hoo ha ho a loka na.

¹⁹³ Mme, mona, ke eng? E ne e le mma diotswa. O entswe seotswa ke eng? O entswe sehlola ke eng? Thuto ya hae! Ba entswe seotswa ke eng? Thuto ya hae!

¹⁹⁴ Mme ke ka hona re sa dumellaneng le mekgatlo ya bona ya bodumedi le ditshomo tsa bona. Re tsepama hodima Bibele ena ka bohlweki. Ha ke tsebe hore o e phela ka bokgabane hakakang, empa o a E rutwa, leha ho le jwalo. Hantle. Ho ho wena. Nke ke ka o thusa ho e phela. Nka o bolella seo Nnete e leng sona. Ke ka baka leo re seng bodumedi ba mokgatlo. Nke ke—nke ke ka batla hore re itshilafatse ka ho kena ditholeng tse kang tseo, ho lokela ho obamela tshomo ya mofuta. Nka mpa ka kgetha tsela ya ba mmalwa ba kgeswang ba Morena. Nka mpa ka itulela ke hlwekile ka phetheho pela Lentswe le Modimo, le ho ema mono le ho re, “Ha ke na madi a motho seaparong sa ka.” Ke ka hona re itulelang Branham Tabernakele. Ke ka hona re seng Assemblies. Ke ka hona re seng Oneness. Ke ka hona re seng Jesus Only. Ke ka hona re seng Methodist. Ke ka hona re seng Baptist. Haese e—e tabernakele e nyenyane mona. Ha re na mokgatlo wa bodumedi ho hang. Re lokolohile, ka ho Kreste. Ke ka hona re itulelang re le *tjena*. Mme Modimo o re hlohonolofaditse, Modimo o ntse o re thusa.

¹⁹⁵ Jwale, re ka le bolella hobaneng re ja selallo, re le bolella hobaneng re amohele hlatsuo ya maoto, hobaneng re sa dumelle ditho tsa rona ho se ja ha re tsebile ba le sebeng. Ke ka hona, divekeng tse pedi tsena kapa tse tharo tsa ho feta, esale ke tloha ho setho se seng ho ya ho se seng, moo le neng le qabane hanyenyane, le hona. Ho potoloha, e mong a sa buise e mong, mme a fete e mong tseleng mme o thintshe hlooho ya hao. Le itshwabele, lona ba amohtseng senwelo se halalelang sa Modimo mona, aletareng ena, le ho le bitsa baena le dikgaitsedi, mme le ntoo dula mohaleng mme lefefetha ka ba bang. Ha le a tshwanela ho bitswa Bakreste ha le le ka tsela eo. Hantle. Le mpe le suthe mehaleng eo; ha le sa kgone ho bua hantle ka motho e mong, le se ke la bua ho hang. Hopolang, Modimo o tla le jarisa boikarabelo. Ha feela mofuta oo wa moya o le ka ho lona, le a tseba hobane ha le a loka pela Modimo. Ha le sa ikutlwé...

¹⁹⁶ Ha monna a le phoso, kgutlela ho yena mme le lokise ditaba. Ha le sa kgone ho lokisa ditaba, tsamaya le motho e mong. Ha ho makatse ha Modimo a sa kgone ho laya Kereke ya Hae, hoba ha le

e sebetse ka nepo. Sebakeng sa ho hlwella mohaleng mme o bua ka enwa, se etsahetseng, le maqluwana le dintho tse jwalo, ka mathoko jwalo. Sebakeng sa ho etsa hoo, hobaneng o sa etse seo Bibele e se bolelang? Ekare ha moena a sitilwe, eya ho yena mme o bone ha o ke ke wa lokisa ditaba le yena. “Be, jwale, o nkentse jwalo!” Ha ke tsotelle seo a se entseng, eya ho yena leha ho le jwalo! Ha e a re yena a tle ho wena. Ekare ha a sitilwe o ye ho yena. O re, “Be, ke yena ya sitilweng. O tlamehile ho tla ho nna.” Hase seo Bibele e se buileng. Bibele e o boleletse ho ya ho yena. Ekare ha a sitilwe, wena o ye ho yena.

¹⁹⁷ Mme ha a sa o mamele, ebe moo o tsamayang le motho e mong, e le paki.

¹⁹⁸ Mme ha a sa natse paki eo, ebe o re, “Jwale ke tla lata modisa wa hao.” O nto mmolella, ho re, “Ke tliro e bolella kereke, mme matsatsing a mashome a mararo ho qala hona jwale, ha lona baena ting le eso e lokise... Moena enwa mona o itokiseditse ho lokisa ditaba. Wena ha o batle. Mme ha o sa e lokise matsatsing a mashome a mararo, jwale se tla etsahala, ha o sa le e mong wa rona.”

¹⁹⁹ Bibele e itse, “Ekareha a sa utlwe kereke, a be jwaloka mohetene le mobarebare ho lona.” Le a bona, ha feela moena a le tlasa tshireletsso eo ya kereke, Madi a Kreste a mo sireditse. Ke ka hona re sa kgoneng ho mathisa kereke kamoo e lokelang. Jwale, hantle, *Ena* ke *Thuto* ya *Bap...* ya kereke ya Baptist, kapa Branham Tabernakel mona, ha le ka e etsa. Le a bona, hobaneng ho sa...

²⁰⁰ O fihla mona, ha re re, ho tea mohlala, banna ba babedi, ha re re nna le Leo. Na o ka ntumella ho... Mme ke re, “Be, ke yena—yena ya mphoseditseng.” Hoo ha ho etse phapang ya letho. Ke tlamehile ho ya ho yena. Be, ke setho sa kereke ena. Ke—ke Mokreste. O ja selallo le nna hodimo mona. Mme re kolobeditswe ka Lebitso la Morena Jesu. Re ne re tsepame, jwaloka baena, ka pela e mong le e mong wa rona, yaba ho etsahala ho hong.

²⁰¹ Hase monna eo. Diphesente tse mashome a robong tsa nako ke Diabolosi ya keneng dipakeng tsa batho. Hase batho. Ke Diabolosi. Mme ha le fela le dumella Diabolosi ho etsa hoo, o ntse o ntsha moena wa hao kotsi. Ke hantle.

²⁰² Be, ha phoso e le teng pakeng tsa ka le Leo; ha re yeng ho e lokisa. Mme ha o bona taba e le teng, ke tshwanelo ya hao ho tla ho rona, le ho re, “Lona bashanyana tloong kwano mme le boelane. Re tliro lokisa ntho ena.” Jwale, he, haeba a fihla mono, mme mono re fumana hobane, he, ke rona bana. Ke re, “Be, ntho ya pele, ha re—re sa dumellane, o ka tla kerekeng ka tsela eo.”

²⁰³ Mme hape he ha o feela—ha o feela o sa etse letho ka yona, le hona, Madi a Jesu Kreste a re sireditse bobedi ba rona. Le a bona? Empa he hono—hono mofetshe oo wa kgale o tla medisa mofetshe o mong, mme mofetshe oo o medise mofetshe o mong,

mme ntho yohle e tla kula, ka mahohle, kereke yohle. Ebe o fihla maemong ao ha o kena ka hara kereke, mme ho bata hakaalo, o tla lokela ho lata mohlokemedi ho tla pshatla ditsenene tsa leqhw, pele phutheho e ka kena. Jwale, le a tseba hoo ke nnete. Homme serame! Motho o a dula, o a tseba, mme o ke ke wa bua letho. “Be, re ne re tlwaetse ho ba moyeng hakakang.” Be, ho etsahetseng? Le ne le matha hantle, molato ebile ofe? Le a bona, sebe sa lona se a le arola. Mme Modimo o tla le jarisa boikarabelo ba yona, baena. Jwale lokisang taba ena.

²⁰⁴ Phoso ha e ho nna, phoso ha e ho Leo; Diabolosi ke yena ya keneng dipakeng tsa rona. Ke hantle. Lokisang taba eo. Eya ho yena. Ebe ha a sa mamele, kapa ke sa mamele, ka tsela efe feela, ebe e bolellwa kereke. Ha a sa tle ho lokisa ditaba le kereke eo matsatsing a mashome a mararo, o tswile tlasa tshireletso ya Jesu. Re a mo lokolla. Ke hantle haholo. Ebe le sheba se tla etsahala. Lesa Modimo ho ruta molao. O tlositse matsoho a hao. O entse ka bokgoni ba matla a hao. Ere Modimo a mo tshware nakwana; O tla mo neela Diabolosi. O tla tla he. Ha a sa ho etse, bophelo ba hae ke sebakanyana se se kgutshwane.

²⁰⁵ Le hopola ka Bibeleng, moo moena eo a ne a sa batle ho lokisa ditaba le Modimo? Ba bakae ba hopolang taba eo? O ne a phela le mohatsa ntatae, mme ba sa kgone ho mo tsepamissa. Pauluse o itse, “Mo neeleng ho senngwa, ke Diabolosi.” Le a fumana hore, ho Bakorinthe ba Bobedi, o ile a otlollwa.

²⁰⁶ Ke na le moena, motswalle e moholo, nka rata ho bitsa lebitso la hae mona, moena wa moreri. Mme moena enwa wa moreri, lebitso la hae ke Moena Rasmussen. Bongata ba lona bareri ba dutseng mona, bosiung bona, lebitso la hae le ngotswe dipampiring tsa lona. Ke mokgatlo oo wa Chicago o kenyeltsang bodumedi bo bongata. Mme shebang. O ne a ena le moshanyana, moreri, mme a tloha a ya nyala ngwanana wa Katolike, mme a tsamaya jwalo. Mme ba tla etsa *sena, sane*, le se *seng*, le—le tseo tsohle; ba wela kgathatsong e itseng. Mme ntatae a ya ho yena, ho re, “Jwale sheba, mora, ana o tla lokisa ditaba?”

Ho re, “Ntate . . .”

A bitsa kereke ya bona sehlopha sa bahalaledi ba thethehang, ntatae. A re, “Jwale, sheba, na o tla lokisa taba eo le kereke ena?”

²⁰⁷ A re, “Jwale, ntate, o ntate wa ka, mme ha ke batle ho qabana le wena.” Ho lokile.

²⁰⁸ A tloha ho ya lata e mong wa batikone mme ba theohela tlung ya hae. Ho re—ho re, “Wesley, ke batla ho bua le wena.” Ho re, “Na o tla lokisa taba ee le kereke?” Mme a mo arabha ha kgutshwane habedi jwalo. Ho re, “Hopola, Wesley, ke moruti wa kereke eo. Ke ntatao, empa ke tla etsa seo Modimo a reng se etswe. Ke o fa matsatsi a mashome a mararo ho lokisa ditaba le kereke eo, hoseng jwalo re tlio o kgaola ka pela Sefahleho sa Modimo. O mora wa ka ka sebele; eo ke Mopholosi wa ka.” Ho

re, “Ke a o rata. Mme o a tseba hoba ke a o rata, Wesley. Nka o shwela hona jwale. Empa o tlameha ho tsepama Lentsweng la Modimo. O a bona?” A re, “Ke modisa. Ke moalosi wa mohlape oo. Haeba o le ngwana ka, kapa hore o mang, o tlameha ho tsepama le Lentswe la Modimo. Ha o sa e etse, ke tla be ke sa lokela ho ba moalosi wa Hae.”

²⁰⁹ Moshaana, ke modisa eo. Eo ke monna. Ha le hopole jwalo? Eo ke monna. A rialo ho mora wa hae, “Le ho mo utlwisa bohloko,” a rialo. Empa ho re, “Ke eng? O tla utlwisa mang bohloko, monna, kapa wa utlwisa Mopholosi wa hao bohloko? Ka hona,” a re, “yaba re tswela pele.” Le ho re, “Mme a hana ho etsa jwalo. Mme rona . . . ka bolella kereke.”

²¹⁰ A re, “Mora wa ka, Wesley, o hana ho nkutlwa, tabeng ena. O hana ho utlwa motikone. Mme o paki ya hona, Moena *Sekete-Kete?*” “E, ke yona.” “Ho lokile. Ka hora ya borobedi, Sontaha se hlahlamang, diveke tse nne ho tloha jwale, ha a eso lokise ditaba le kereke ena, re nehela Wesley, mora wa ka, ho Diabolosi, ho senya nama ya hae. Madi a Hae, Madi a . . . a Jesu Kreste, le kereke ena, ha a sa hlola a mo sireletsa.”

²¹¹ Mme bosiu boo ba fihla. A ema sethaleng, ho re, “O saletswe ke metsotso e mmedi.” Nako ya fihla. A re, “Jwale, erekaha mora wa ka, Wesley Rasmussen, a buile jwalo ho phutheho ena, ho Wena, Modimo o Matlawohle. Re entse sohle seo re ka se kgonang, ho ya ka Mantswe a Hao le ka ditaelo tseo Mora wa Hao—wa Hao, Mopholosi wa rona, a re sietseng tsona. Rona jwale, ke nehela moshanyana wa ka, nna le kereke ena, kwana ho sen- . . . ho Diabolosi, ho senya nama ya hae, moyo wa hae o tlo o bolokehe.” Ke pheto se builweng. Ha se ke ha etsahala letho, veke kapa tse pedi, mohlomong kgwedi kapa tse pedi.

²¹² Bosiu bo bong, Wesley wa kgale a kula. Mme eitseha a kula, a nna a eketsa ho kula. A bitsa ngaka. Ngaka ya nyoloha mme ya mo hlahloba. O na a tloketswe ke feberu ya lekgolo le hlano. A sa fumane sesosa sa yona. A nna a eketsa ho kula. Ngaka ya re, “Moshanyana, ha ke tsebe seo hlahetseng.” A sa tsebe a etseng. Ho re, “Re tla bitsa ngaka e ikgethang.” Ba bitsa ngaka e ikgethang, mme ngaka e ikgethang ya kena ka mono. Ba mo nka ba mo isa kokelong, a hlahlajwa, ntho tsohle. Le ho re, “Ha ke kgone feelsa ho o bolella. Moshanyana feelsa—feelsa eka o okametswe ke lefu.” Mosadi wa hae a eme mono, a lla, ntho tsohle jwalo. Le bana ba eme ba potile diphate le hohle jwalo. A re, “O a tsamaya. Ke pheto.” Ho re, “Mothapo wa hae le phefumoloho, di ntse di putlama ka dinako tsohle.”

²¹³ A re, “Bitsa ntate.” Oh, ee. Ke mokgwa wa ho e sebetsa. Ke wona. “Bitsa ntate.” Mme ntatae a mathela mono kokelong, ka potlako, ho mmona. A re, “Ntate, ha ke sa kgona jwale, empa Modimo o utlwa mantswe a ka. Ke tla lokisa ntho e nngwe le e

nngwe. Ke tla e lokisa. Ee, ke tla e lokisa.” Ee, monghadi, moena. Hona mono phefumoloho ya hae ya hla ya qalella ho boela setlwaeding.

²¹⁴ Mme Sontaha se hlahlamang, keha a eme ka pela kereke. A re, “Ke sitetswe Modimo, pontsheng ya kereke ena. Ke hanne ho utlwa mantswe a modisa. Ke—ke hanne ho utlwa motikone mona.” Le ho re, “Ke kopa kereke ena ho ntshwarela bobe boo ke bo entseng ka tsela eo.” Ho re, “Modimo o bolokile bophelo ba ka.” Ke a le bolella, o ile a tsepama hantle. Eya. Ke seo le lokelang ho se etsa, le a bona. Le a bona? Lona, ha le ka e sebetsa ka tsela ya Modimo feela! Le a bona?

²¹⁵ Jwale, le a bona, kamoo re sebetsang kateng, re kopanya lekgotla mmoho, mme re re, “Be, jwale, na re ka boloka . . .” Ha ke bue ka tabernakele ena, empa ke bolela rona batho ba Protestant. Re kopanya lekgotla mmoho, mme, “Ebe le nahanaang ka Jones? Le nahana re lokela ho mo etsang? Ke a kgolwa e ka ba setho se settle sa Methodist ho feta sa rona.” Ke moo he. Hoo, ho phoso. Ke ka hona re sa lokelang ho latela meetlo ya bona; le bishopo ya itseng, eo re lokelang ho mmitsa, setho sa ho hong. . . Kana le mmitsa mang, monna wa sedika kahara kereke ena ya Pentekosta? Mookamedi wa sedika, ho mmitsa ho tla bona boitshwaro ba monna enwa.

²¹⁶ Bibele e re bolella hobane re etseng. Ke ka baka leo re sa tshwenyaneng le mekgatlo ya bona ya bodumedi. Re dula re lokolohile nthong eo. Amen. Ha lea nkgalefela, ha ke re? Le se ke la etsa jwalo. Ho lokile. Mohlomong ke tla fumana dipots ding tse ntle haholo hosane bosiu. Empa, be, ke hantle. Le a bona? Hopolang. Tsebang . . .

²¹⁷ Ke bua sena jwale. Lona batho ba mona ba tswang dikerekeng tse fapaneng tsa bodumedi ba mekgatlo, bodumedi ba lona ba mokgatlo, mme, moena, ha ke re ha o Mokreste. Ha ke re ka hara bodumedi ba lona ba mokgatlo ha ho dikete tsa Bakreste ba ratehang ka mono. Ke leka ho bolela lebaka leo re seng mokgatlo wa bodumedi. Hobane, nke ke ka emelana le hono. Tjhe, monghadi. Ruri nka. . . kapa ho leka ho le bolella hore le etse eng. Ha Modimo a mpileditse ho bolella Evangedi, ke moo ke E rerang kamoo Modimo a mpolellang ho e etsa. Ke hantle ka nepo, kamoo e ngodilweng mona ka hara Bibele ena. Ha ke sa tsepame le Sena, etlabo hoo. . . Modimo o tla nkahlolela hona. Empa ekare ha ke—ekare ha—ekare ha ke bona phiri e tla, kapa sera se etla, mme ke sa ba hlokomedise, ke moo Modimo a tla mpotsa. Empa ha ke o hlokomedisa, ho ho wena he. Le a bona?

²¹⁸ Hopolang, “Matsatsing a ho qetela, ho tla fihla nako tse bohloko, batho e tla ba baithati, bakaki, baikgohomosi, banyefodi.” Le a bona, banyefodi, “Oh, sehlopha seo sa dithoto. Matsatsi a mehlolo a fetile. Ntho e jwalo ha e yo.” Ke moporofeta wa kgale wa bohata. “Jwale, re a tseba hobane basadi ba rona ba

na le kelello e lekanang le ya banna ba rona.” Ha ke latole seo le hanyenyane, empa Bibele ya Modimo e itse a tloswe sethaleng. Hoo—hoo ho ntekane, le a bona. Ke hantle. Ho lokile. Le a bona?

Le ho re, “Be, jwale, mekgatlo ya rona ya bodumedi, re na le batho ba lokileng ba lekanang le ba mono tabernakeleng.” Ha ke rialo le ho leka, empa Bibele e ahlola mekgatlo ya bodumedi. Ke hantle. Mme, ka hona, ha ke re ha le na ditho tse lokileng kerekeng tsa lona. Hoo ho a babatseha. Ke batho ba lokileng. Ba bang ba batho ba kgabane, ke kopane le bona ho tsona kaofela, Makatolike le hohle jwalo. Kaofela ha bona, ke kopana le ditho tse kgabane.

²¹⁹ Jwale, kamoo re tla hhahisa taba ena jwale, metswalle, ha Morena a ratile, ditekolong tse mmalwa tsena tse latelang, mohlomong... Ke tla le tsebisa hosasa hoseng hore ebe re tla lokela ho qhoba hosane thapama kapa tjhe, le a bona, ho e hotolla. Lebaka leo re lekang ho e etsa, ke batla ho e bea madulong jwale. Jwale, ha o batla ho tla le motho, o amohetswe ho etsa hoo. Empa ako hopole jwale, o se ke—o se ke wa tsamaya mme wa leka ho fumana phoso. O tle kwano.... Ke bua le phutheho ya ka—ya ka, le a bona. Ha ke rute sena ka mathoko a phutheho ya ka mona, hoba eo ke taba ya monna e mong. Hoo, ke yena moalosi wa mohlape oo. Mme—mme nna ke mpa ke le... [Sekgeo lebanteng—Mong.]

²²⁰ Hantle morao ho Genese, o tla e fetisa hantle teng, ho bona moo e leng teng. Jwale re kgutlela morao ho Genese, ho fumana hobaneng ngwana bonyatsi a ne a sitwa ho kena phutheho ya Morena ka meloko e leshome le nne. Kamoo e nkang.... Ho tla nka dilemo tse makgolo a mane ho hlakola sebe seo. Kamoo re tla fumana hoba—hoba bokgopo ba batswadi bo etela bana le bana, kamoo e qadileng ho Genese, le jwalo—jwalo. Mme le tla bona kamoo....

²²¹ Ho kgutlela morao kwana, hore, Modimo, pele ho thewa lefatshe, le pele ho qhoma atomo e le nngwe, morao le pele motjhottedhonono o hlaha, Modimo o tsebile sebopuwa se seng le se seng le ntho e nngwe le e nngwe e tla fihla hodima lefatshe le ka mohla. Ana motho o teng mona.... O ke ke wa hhalosa seo lenseswe, mme wa qhaqholla, le ho bolela seo lenseswe “ho hloka-pheletso” le se bolelang. Ho jwaloka ho tjheha khamera ya hao ho e sothela ho—ho ho hloka-pheletso. Feela, ke ho tloha mono ho-ya-ho-ile, ke pheto. Le a bona? Ho Hloka-pheletso! Mme re ka sitwa, ka hara kelello e nang le pheletso, ho lekanya le ka mohla seo kelello e Hlokang-pheletso e ka se tsebang. Le a bona, re ke ke ra etsa hoo. Wena, o ke ke wa kgona. O a bona? Empa ha o ka elellwa feela, wa tshwara ka Moya, o ka e utlwahole kwana mono. Le—le ho kgutlela mona Lengolong mme jwale o tla bona, o a bona, hole kwana le pele ho thewa motheo wa lefatshe.

²²² Jwale, Bibele e itse Jesu Kreste e ne e le Konyana ya Modimo. Jwale mamelang ka hloko ruri. Ka hona, ba bang ba

lona ha ba no ba teng hosane, ho e utlwa e qetellwa. Bibele e itse Jesu Kreste e ne e le Konyana ya Modimo, e hlabilweng esale ho thewa lefatshe. Na ho nepahetse? O ne a hlajwe neng? Ho tloha motheong. Ke lefatshe leo, le entswe ka sehlopha sa diatomo tse kgephotsweng, tse hontsweng letsatsing kwana, le pele le eba seo. Yaba, le pele atomo e kgephoha kgetlo la pele letsatsing, haeba wona e ne e fela e le motjhotjhonono o tswang letsatsing, mono ke dilemo tse dibilione tse lekgolo trilione trilione ditrilione morao kwana le pele lesedi le le leng la motjhotjhonono le hlahe, Kreste o ne a hlajwe. Ha mohopol o moholo wa Modimo o tsepama hodima ntho e le nngwe, ke sehlahiswa se qetilweng. Mohla Modimo o no o re, "Ho ke ho hlahe," e se e qetilwe. Haeba e nkile dilemo tse bilione tse lekgolo ho etsahala, e se e qetilwe hang feela ha A ne a e bua. "Mme mohla Konyana e ne e hlajwa esale ho thewa lefatshe," yona Bibele, wona Moya oo o ngotse mme wa re, "mabitso a rona a ne a ngolwe Bukeng ya Bophelo ya Konyana e hlabilweng pele ho metheo wa lefatshe."

²²³ Ka hona monna ya ngotseng sefela, "Ho Na Le Lebitso Le Letjha Le Ngotsweng Kganyeng," o ne a lekantse hantle, empa o ne a sa kgeme le lengolo. Le a bona? Lebitso leo le ngotswe Kganyeng mohla lefatshe... mohlang oo le pele lefatshe le qala. Mohla Konyana e ne e hlajwa, mabitso a rona a ngotswe Bukeng ya Bophelo ya Konyana.

²²⁴ E re—e re ke le fumanele Lengolwana le le leng. Na le tla mamella motsotso o le mong feela? Le sa tswa fihla mohopolong wa ka jwale. Ke nahana hore nka phetla ho lona hantle. Ha ke na bonnete. Mme jwale ke maswabi ho le tshwarella halelele hakana, empa ke le boleletse hore etlaba kgitla ya bosiu; ha ho eso ho be hobe hakaalo. Empa ke—ke rata ho—ho fumana lena, Lengolo le le leng feela mono.

Phetlang le nna jwale Bukeng ya Baroma, mme ke batla le bale lena mmoho le nna. Jwale, ha re boneng, Baroma, ha nka le fumana, e batla e le mona hantle. Jwale ha re nkeng Baroma 8, mme—mme ha re qaleng temaneng ya 28 ya kgaolo ya 8 ya Baroma. Ke batla le le bale ka thapelo mmoho le nna jwale. Mmamelang mona jwale seo Modimo a se buileng jwale.

*Mme re tseba hore dintho tsohle di sebedisana
hammoho molemo wa ba ratang Modimo,...ba
bitsitsweng ka morero wa wona.*

Hobane bao a itsebetseng bona pele,...

²²⁵ Hoo ho le nea...Na le ka bala hammoho le nna? "Hobane o..."

*Hobane bao o itsebetseng bona pele, o bile o ba
reretse pele (ke hantle) hore ba tla bapa le
setshwantsho sa Mora wa wona, hore yena e tle e be
wa letsibolo hara baena ba bangata.*

*Mme bao o ba reretseng pele, o bile o ba bitsitse:
 mme bao o ba bitsitseng, o bile o ba beile ba lokileng:
 mme bao o ba beileng ba lokileng, o bile o ba tlotlisitse.*

²²⁶ Ho tloha motheong wa lefatshe! Mohla Modimo o no o sheba fatshe... Jwale, Modimo ha o laole ofisi ya Wona, ho re, “Be, jwale, Ke tla... Oh, be ebe re tla etsang jwale?” Le a bona? Ha ho letho...

²²⁷ Hopolang, bokgopo, sebe, ke ho loka ho kgopamisitsweng. Diabolosi a ke ke a bopa. Na motho e mong le e mong, bohole, ba utlwisia hoo? Ke Thuto ya kereke ena eo. Diabolosi a ke ke a bopa. A ka kgopamisa seo Modimo o seng o se bopile. Jwale, kgopamiso ke eng? Mona, ekare le batho ba hodileng kaofela, boholo. Mamelang sena. Re batho ba nyetseng. Mme lona banna ba nyetseng le lona basadi ba nyetsweng le ka phela jwaloka monna le mosadi, mme basadi bao ba jwaloka hoja ha ba eso... Ke barwetsana haeba o ile wa itulela le monna wa hao. Ke hantle. Jwale, hoo ho molaong mme ho dumelletswe, mme ho itoketse. Le tlotsitswe ke Modimo ho etsa jwalo. Mosadi e mong a ka etsa ketso e tshwanang le ya mosadi wa hao; e mong wa bona, o lokile ka pela sefahleho sa Modimo; mme ketso yona eo ho mosadi e mong, o ahlotswe ka pela sefahleho sa Modimo, ho isa lefung. Ke eng? Ho loka ho kgopameng, le a bona, ho loka ho kgopamisitsweng. Jwale, Diabolosi a ke ke a bopa, empa o kgopamisa seo Modimo o seng o se bopile.

²²⁸ Leshano ke eng? Ke nnete e kgopamisitsweng. Motho o itse, “Oh, sheba, e ne e le bosiu ba Moqebelo, ka hora ya borobong, eke, Bill Branham o ne a le Jeffersonville,” nnete. “Tlase tameneng ya Antz’s, a tahilwe,” leshano. E ne e le eng? Ke ne ke le Jeffersonville. Ke nnete. E ne e le ho loka ho kgopamiseditsweng ho leshano. Le bona seo ke se bolelang? Le a bona, leshano le kgopamisa ho loka. Ke ntho e boletseng moo ke neng ke le teng. Jwale, hola e itse, “Kerekeng, a ntse a rera,” nnete. Hoo ke ho loka. O boletse nnete. “Taveneng, a ntse a nwa,” leshano. Kgopamiso; le a bona, nnete e kgopamisitsweng. Le bona seo ke se bolelang? Bokgopo bohole ke ho loka ho kgopamisitsweng.

²²⁹ Lefu, ke eng? Bophelo, bo kgopamisitsweng. Bolwetse? Katleho ya mmele, e kgopamisitsweng. O tlamehile ho ba monna ya lokileng, ya kwenneng. Ho lokile. Ha o kula, ke eng? Katleho ya mmele wa hao e kgopamisitswe. Le a bona? Ke pheto seo e leng sona. Ke eng? Le ne le le batjha, le le basadi ba batjha; mme le le matla, banna ba batle. Jwale le a sosobana, le a tsofala. Ke eng? Bophelo, bo kgopamisitsweng, le a bona, e boela e kgutla hape. Le a bona? Mme e tlamehile ho kgutla. Ho bokwe Lebitso la Morena! Modimo o tshepisitse ho e kgutlisetsa. Mme ruri jwalokaha e... Ha e le jwalo, re a tseba hore e teng mona. Ka hona ruri jwalokaha e le teng, Modimo o tla boela a e kgutlisa. O tshepisitse mme o anne hore O tla e etsa. Ke yona ntho e e tlisang.

²³⁰ Jwale, ho jwang, eka kgona re be batho ba mofuta o ofe? Jwale lemohang kamoo dintho tsena di etsahalang kateng. Jwale, bao A itsebetseng bona pele, O bile o ba bitsitse; bao A ba bitsitseng, bao O ba beile ba lokileng. Neneng? Pele ho motheo wa lefatshe, le pele lefatshe le qala. Jwale, hola re ka nka Lengolo lena mme ra hla ra e lokafatsa ka nnete, re ka qeta dihora ho yona, empa ha re-re batle ho etsa hoo. Empa bokgopo bona bohole mona, ke ho loka ho kgopamiseditsweng ho bokgopo. Ke seo Diabolosi a se etsang.

Jwale, ha o fihla dilemong tsa boikarabelo, mme o tseba se phoso le se lokileng, o tlamehile ho furalla ho fosa ha hao. Hobane, o tswaletswe sebeng, o bopetswe bokgopog, ho tla lefatsheng o bua mashano. Ka hona o-o hlile o tsywetswe ka takatso ya nama, mme jwale o tshwanela ho tswalwa labobedi, hore o tle o amohele Tswalo e ntjha, ho kena Lehodimong. Hobane, mofuta wona wa tswalo o le o filweng mona....

²³¹ Le bona kamoo Dipaki tsa Jehova di ka beng di e fositse hole-hole mono, ka ho nahana hore Tswalo e ntjha ke tsoho ya mmele? Le a bona, e ne e ke ke ya ba yona. Le a bona? Eka kgona e be ntho e nngwe....

²³² Wena, o ka hara sebaka sa nako. Mme ntho e le nngwe ya Bosafeleng ke ntho e sa kang ya eba le tshimoloho kapa qetello. Ntho efe feela ya Bosafeleng ha e a ka ya ba le tshimoloho, kapa e ke ke ya ba le bofelo. Le a bona? Ka baka leo ha o le karolo ya Modimo, Moya o ka ho wena ho eso be le tshimoloho kapa o ke ke wa ba le bofelo, mme o phela ka Bosafeleng hammoho le Moya o ka ho wena. Le a bona? Jwaloka e-e-e lerato la Agapao, le ntoo theohela ho lerato la pheleo, le ntoo theohela ho lerato la takatso. Ha le phetse ho theoha le ho theoha, ho kgopamisetswa tlase hofihlela le fetoha hlekehleke ya tshila ya polokwe e le nngwe. Be, mokgwa o le mong, Jesu o theohile ka yona lere eo, ho tla tlase mona ho thonaka le ho busetsa kwana sebopethong se hodimodimo, ho tloha sebopethong se tlase-tlase; ho tloha lefung ho kena Bophelong, ho tloha mafung ho kena mmeleng o atlehileng, ho tloha bokgopong ho ya ho lokeng. Le a bona? O tlohile Hodimodimo ho ya tlase-tlase, hore A tle a ise ba tlase-tlase Hodimodimo. A fetoha nna hore nna, ka mohau wa Hae, ke tle ke fetoha Yena, mojalefa wa Terone Kganyeng. Le bona seo ke se bolelang, dintho tseo?

Jwale shebang. Morao kwana le pele lefatshe lena le qala diatomong tseo morao mono, mohla Modimo o no o bona se tlang ho etsahala, hantle mono O u bone, O mpone, o bone letsetse le leng le le leng, ntsintsi e nngwe le e nngwe, seqaqane se seng le se seng, gnat e nngwe le e nngwe. Ntho e nngwe le e nngwe e ne e tla ba lefatsheng, O o e bone hantle hona mohlang oo. Ehlide, O o kgonne.

²³³ Jwale, ha A ka a re, “Ke tla roma Mora wa Ka mme ke re A shwe, mme ekaba motho e mong a ka Mo utlwela bohloko. Mme etlaba ketsahalo e haulang hakana, motho e mong a ka tshoha a pholoswa.”

²³⁴ O itsebetse e sa le pele ya tla bolokeha! E, monghadi. O itse, “Ke hloile Esau, Ke ratile Jakobo,” le pele mang wa bona a fumana monyetla wa ho paka seo ba neng ba le sona, hobane O tsebile seo ba neng ba le sona. O tsebile. O tseba ntho e nngwe le e nngwe. O tsebile seo o tla se etsa, le pele o tswalwa, kapa mohla lefatshe le ne le qala.

²³⁵ Jwale shebang. Kamoo le tsebang, ke—ke—ke sethunyi. Ke—ke rata dithunya. Mme mosadi e mong Texas, ke a kgolwa ke Texas, o ile a ntlisetsa Swift, Swift ya moetso wa mashome a mabedi le pedi. E sa le ke batla e nngwe. Ke batla ho se hlahloba. Ke sethunya se se nyenyane se thunyang ka matla ho fetisisa. Ke sa ditholwana tsa mashome a mabedi le metso e mmedi, tholwana ya dithollo tse mashome nne le pedi. Mme o ka e hlahlela ka letsoho. Jwale, fektri e re, “O se ke wa e etsa; ho kotsi haholo.” Empa o ka hlahlela tholwana eo ho fihla maotong a dikete tse hlano ka motsotsvana, mme ya nna ya itulela madulong a yona. Maoto a dikete tse hlano ka motsotsvana, ke maele ka motsotsvana. Ka mantswe a mang, phakwe ha e dutse, dijarete tse makgolo a mabedi. O ka thunya phakwe, wa bona masiba a fofa le pele sethunya se o thefula. Le a bona? Hono, empa ako e nke, karolo e sepharana ya thutswana e hlohlotsang leino, mme o kenyé mosidi wa hao, mme o tshele ha *kaalo* ka mono, o lekaneng feela ho o hloma hodima thutswana e hlohlotsang leino; mme o thunye thakadi e dutseng qetellong ya mohaho mona, e tla dula feela mme e o shebe. Molato keng? Tholwana e a qhoqholoha, e matha ka lebelohadi le le kakang. Mme—mme o ka bea lesela dipakeng tsa mona le mane, mme o ke ke wa bona le manya a le mang a manyenyane a wela hodima lesela. E boela e kgutlela morao feela; e sang ho—ho melora, melora ya seretse se tjhesang, empa e kgutlela hojana e leng pejana ho mono. E kgutlela matswaing a mantlha a entseng koporo le loto e ka hare ka mono. E kgutlela morao sebopehong sa yona sa dilemo tse dibilione tse lekgolo tse fetileng. Jwale, tholwana e nyenyane ke ena, jwale mona letsohong la ka ke tshwere tholwana ya dithollo tse mashome a mane le robedi, mme motsotswaneng o latelang e fetohetse ho seo e ne e le sona dilemong tse dimilione tse lekgolo tse fetileng. Mme ha lefatshe le ka ema dilemo tse ding tse dimilione tse lekgolo, e tla boela eba tholwana hape, e ka nna ya kgutlisetswa morao hantle, hobane e ne e tla boela e bope koporo.

²³⁶ Jwale shebang seo Modimo a se entseng, mme le tla Mo rata. Ebe le ka ikela hae, mme hoseng le ke le selwe nakwana. Mme—mme le—mme le tla Mo rata ho feta pele. Jwale, Modimo ke Rakonteraka. Ke ba bakae ba tsebang hoo? Ke Sehahi. Ke hantle. Mamelang ka hloko. Jwale, Modimo morao kwana, mohla ba ne

ba re... Jwale re tlilo nka mohopolo wa babaladitshiu tabeng ena. Modimo, dilemong tse dibilione tse lekgolo tse fetileng, mohla A ne a tla etsa lefatshe, be, O ile a qala feela. Jwale, O ne a ena le... O ile a fihlelwa ke monahano kelellong ya Hae.

²³⁷ Jwale le tla re, "Ha A fela a le moholo ha kaalo, Moena Branham, hobaneng A kile a dumella Diabolosi ho etsa sebe?" Be, O tsebile, le pele Diabolosi a ka bopjwa, hore e tla ba Diabolosi. Thoriso! Jwale ke ikutlwa ke halalela. Oho, banna! O tsebile, le pele Diabolosi a bopjwa, hore e tla ba Diabolosi. Jwale o a botsa, "Ho thweng mono?" O re, "Hobaneng A mo dumeletse ho ba Diabolosi?" E le hore A tle a pakwe hore ke Modimo. Ke ka baka leo A e entseng. "Hobaneng bokgopo bo kile ba hlaha? Hobaneng?"

²³⁸ Ho tlileng pele ke hofe, Mopholosi kapa moetsadibe? Ho tlileng pele ke hofe? Mopholosi. Ho tlileng pele ke hofe, mofodisi kapa motho ya kulang? Hobaneng ho dumeletswe hore moetsadibe a be teng? Hobane melemo ya Hae ke Mopholosi. Hola moetsadibe a sa ka a ba teng, A ka se be a sa ka a tsejwa jwaloka Mopholosi. Alleluia! A ka etsa hore dintho tsohle di dikolohe di tobe kganya ya Hae. "Na letsopa le ka rialo ho... Kapa, na pitsa e ka rialo ho mmopi, 'O nketsese tjena?'" Ya sothang lebidi ke mang? Ya tshwereng letsopa ke mang? Ke letsoho la mang le sebetsang teng? Pauluse o itse, "Oho, wena sethoto, ana ha A bolela hobane O hlahisitse Faro ka morero wona?" Ruri. O e tsebile. Pele lefatshe le eba teng, O tsebile hore eng e tla ba eng. Mme O dumella sebe ho ba teng, E tle e be Mopholosi. O dumella malwetse, E tle e be mofodisi. O dumella lehloyo ho ba teng, E tle e be lerato. Ehlile, O e entse. Ke Modimo, mme eo ke melemo ya Hae. Mme O tlamehile ho fumana ho hong ho pepesa melemo ya Hae.

²³⁹ Le ne le tla tseba jwang hore bosiu bo teng, o ne o tla tseba jwang hore bo teng le ka mohla? Hola e ne e le letsheare kaofela, o no o ka tseba jwang ha e le bosiu? Bosiu bo teng, bo tle bo pepese letsheare. Ehlile, bo teng. Amen. Le bona seo A se entseng?

²⁴⁰ Empa mohla A ne a le morao kwana, pele ho motheo wa lefatshe, pele A nka letsatsi lena la kgale mme A le potisa naledi ena ya kgale eo re phelang ho yona jwale, lefatshe lena, mme A a le bopa mona ka letsatsi, mme a le ala letsatsing. Ha re re, letsatsi ke *lena*. O le bopa ka lehlakoreng *lena*, le ho le tlolahela le leketlile mono dilemo tse bilione tse lekgolo. O ne a etsang? Digase tse itseng. A le potisa ka lehlakoreng *lena*, A etsa ntho e nngwe ese. O ne a etsang mono? Potashe e itseng. A le potisa ka lehlakoreng *lena*, mme O ne a etsang mono? Ho etsa khalsiamo e itseng. O ne a etsang? O ne a etsa nna le wena. O ne a etsang? Jwaloka seahai se adileng dipatsi tsa hae tsa pedi-ka-nne le dipatsi tsa hae tsa pedi-ka-robedi, diboto tsa hae, di-siding tsa hae, o ne a tseba bongata ba meaho a tla e haha. Mme rona re entswe ka dielemente tse leshome le metso e tshelela tsa lefatshe, mme O ne a re etsa

kaofela, le ho re ala ka ntle mono le pele lefatshe le eba teng. Mme Yena... Mohlomong mahlakore a sa lekane mohlang oo; ha ke tsebe e ne e le eng. O ne a etsa gauta, le koporo, le borase, le metsi, bakeng sa eng? Ke Rakonteraka. Mohlomong O... Sehahi, A beile ntho e nngwe le e nngwe ka ntle mono, ntho e nngwe le e nngwe e sehilwe mme e betliwe. Eitse hobane A e etse yohle, keha e le volekano e kgolo e ropohang. A dumella divolekano tseo tsa kgale ho fuama hodimo mono ka dilemo tse dimilione tse lekgolo, ho etsa khalsiamo e itseng. E ne e le eng? Ke karolo ya hao.

²⁴¹ Mme le hona, le pele phophinyana ya bophelo eba hodima lefatshe lena, mebele ya rona e ne e robetse mona. Alleluia! Le pele lerothodi le le leng la mongobo le nela lefatshe, re ne re robetse mona. Mohla Adama a ne a ya hodimo-le-tlase tshimong ya Edene, ke ne ke robetse mona. Amen. E, monghadi. Oh, thoriso! Mohla Dikerubime, dinaledi tsa meso di binang ka thabo, le bara ba Modimo ba ntshang mohoo wa nyakkalo, ke ne ke robetse mona ke emetse ho fihla ha phefumoloho ya bophelo. Ke ne ke le mona. O ile a nketsa mona, o ne a beile mmele wa ka mona. E, monghadi. Hola ho se jwalo, o hlahile hokae? Huh? O fihlile jwang mona? Modimo o ne a o beile mona. Ke Modimo ya o entseng. Re entswe ka dielementse tse leshome le metso e tsheletseng; petroleamo, potashe, le lesedi la khosmiki, le eng hape. Le a bona, re ne re robetse mona.

²⁴² Yaba ho etsahalang? Yaba Modimo o re ho Moya o Halalelang, re tla etsa sekai sa yona, "Jwale ako tsamaye, mme o hamarele lefatshe lane ka lerato. Hobane, Nna ke lerato, mme Wena o sehlahiswa sa Ka, ka hona tloha O yo alama lefatshe." Mme Moya o Halalelang o moholo, re a nahana, o ile wa tswa mono; ke setshwantsho jwale. Ho ne ho se jwalo. Hobane, Moya o Halalelang le Modimo ke morero o le mong le o tshwanang, morero o le mong le o tshwanang, Motho. Ntshwareleng. Le kamoo A ileng a otolla mapheyo a Hae hodima lefatshe lohle, A qalella ho le fuama. Ho fuama keng? Jwaloka kgoho ho diotsuonyana tsa yona, ho bina, ho hamarela ka lerato, "tl-lak, tl-lak, tl-lak." Oh!

²⁴³ "Oho wena bophelo, hlah!" A howeletsa. A qamaka. "Ke batla botle hodima lefatshe lena. Hlah, wena lesedi!" Moya o Halalelang o ntse o haola. Mme eitseha ha A etsa jwalo, ke a sheba; ho a hlah, molapo ke oo o phalla lerallang kwana, ha tsholoha khalsiamo ya mofuta kwana e lepella, mme ya tswakana le potashe. Ebe e ipopa e etsang? "Wena bophelo, hlah!" Mme palesanyana ya Paseka ya hlahisa hlowhana ya yona tlasa lejwe. "Tloo kwano, Ntate, ako shebe mane."

²⁴⁴ "E shebahala e le ntle. Nno fuame." A qhotsa dipalesa. A hlahisa dimela tsohle. A hlahisa bophelo ba diphoofolo. Dinonyana tsa bitoha leroleng tsa fofa. Ka mora nakwana, ha bitoha monna le mosadi; ha nyoloha monna, mme monna keha

e le monna le mosadi mmoho. E seng morphadite wa letho, jwale. Feela, hoo ho no ho le ka ho yena, moyo wa botshehadi o le ka ho yena.

²⁴⁵ Ha o nka monna ya sadifetseng hona, mohlomong o itoketse ka hohle, o leka-lekana hantle, empa phoso e teng. Mme ha o nka mosadi, ya batlang ho kgethula moriri wa hae mme a tena para ya diofarolo, mme a tswela ka ntle mono, le, “Ho bokwe Modimo, ke a o bolella!” Phoso e teng. Mosadi o na le moyo wa botshehadi, mme monna ke botona. Re tseba hoo. Mme le tseba hoo. Ana mosadi o shebahala hantle, ha a leka, ho itshwara jwaloka monna?

²⁴⁶ Kgele, ke ne ke dutse, ke sa le letseka la tlhaho mona, mme ke dutse ka beseng mme ka nyoloha mono mme ka phathatsa mosadi eo leotong, ka letsoho la ka, ke ntse ke qoqa le yena, mme ke sa tsebe hoba ke mosadi. A rwetse e nngwe ya dikepese tsena tsa ho weleta, le parahadi ya digogoloso tse *kaalo*, mme ke ne ke dutse hantle morao mono, mme a ntse a qoqa ka ntho e nngwe ka ntho e etsahetseng. A re, “O a tseba,” mme a re, “maobane bosiu,” a shebahala a kgohlahetse haholo, a tsuba sakrete. A re, “Maobane bosiu, ke a o bolella, mothaka ha a thella, hodima ntho eo. A re, ‘Banna!’ A tla a thella jwalo a lepella.” Ho re, “Ha ke eso tshehe jwalo bophelong ba ka.”

²⁴⁷ Mme ke ne ke tsheha, le a tseba, ka tsela eo. [Moena Branham o etsa modumo o phatlotsang—Mong.] Ka re, “Moshaana, e a qabola, ha ke re?” Ho dula mono le ho bua jwalo. Mme hola a se ke a rola ntho eo mme a tsukutla hlooho ya hae, mme keha a ena le letlopo hodimo mono, hore e ne e le mosadi. Ha ke eso ikutlwé ke nyenyejetse ha kaalo bophelong ba ka. Ka—ka re, “Athe o mosadi?”

A re, “Kgele, ehlide!”

²⁴⁸ Ka re, “Ntshwarele.” Ke ne ke eso bone ntho e jwalo. Jwale, hoo, ke nnete.

²⁴⁹ Ka na ka bona letshwao tsatsi le leng, la batla le nthabissa. Ho beilwe letshwao le leholo hodimo, ho thwe, “Mafumahadi a mothating wa ho apara diaparo.” Ka nahana, “Ho bokwe Modimo ka hoo.” Le a bona? Empa, ka fumana hobane, e ne e mpa e le mofuta wa diaparo tseo ba seng ba di entse, le a tseba. Ke—ke ne ke nahana hore ba tilo apara diaparo tsa mannete. Ruri bo. Ho thwe, “Mafumahadi a mothating a wa apara diaparo.” Ka re, “Ho bokwe Modimo ka bona. Ho hotle. Hono, ruri ke leboha Morena ka hoo.” Empa, le a bona, e ne mpa e le mofuta wa diaparo tseo ba seng ba di entse, ntho e nngwe. E ne e tlamehile ho ba ntho e hlollang, ha ho jwalo, naheng ena? Ke hantle.

²⁵⁰ Yareha Adama a fihla. Mme yaba Adama o bonahala a hlorile, ka hona A ntsha lehopo lehlakoreng la hae mme a etsa Eva, kgwabi ya hae. Mme A etsa . . . A ntsha moyo wa botshehadi

ho Adama, mme a o kenya ho mosadi, moya wa lerato, botshehadi, mosa, bonolo. Mme A siya moya wa botona ka ho Adama. Jwale, ha ntho e fapaneng e le teng, ho na le kgopamiso kae-kae. Jwale, mme ba babedi bao ba ne ba le bang.

²⁵¹ Mme ka hona ha re etseng teramanyaana pele re kwala. Ke mona ho tla...Ke mona, Adama o tshwara Eva ka letsoho mme ba tswa ba tsamaya. Ke mpa ke rata pale ena feela. Mme ba tswa ba tsamaya, le a tseba. Mme Eva a re, “Oh, moratuwa, o bolela hore o na le lona?”

“E, ke nna ya e reileng.”

“Empa eo e bitsang?”

“E bitswa pere. Uh-huh.”

“Eo keng?”

“Ke kgomo. Uh-huh.”

“Eo o e reile?”

“Eya. Uh-huh.”

²⁵² “Eo o e bitsang, tse pedi tseo tse dutseng mono di kopantse dihlooho tsa tsona mmoho?”

“Tseo ke dinonyana tsa lerato.”

²⁵³ “Oh, ke a bona. Ke a bona.” Le ho tswelapele jwalo. “Mme ena mona keng?”

“Eo ke tla e bitsa, *hono*, le ena mona.”

²⁵⁴ Mme, “Oh, ke a bona. Uh-huh. Ho a babatseha.” Mme tau e a puruma. “Eo o e bitsang?”

“Ke tau.”

“*Ena keng?*”

“Nkwe.”

²⁵⁵ Le, oh, jwaloka... “Oh, ke a bona.” Jwaloka madinyane a dikatse, le a tseba, mme di ntse di ngaya hohle.

²⁵⁶ Ka hona, kamora nakwana, o a qamaka. A re, “Moratuwa, sheba mane, letsatsi le a dikela. Ke nako ya ho ya kerekeng.”

Le a tseba, ho na le ntho e nngwe ha letsatsi le dikela, o batla ho rapela. Ha o sa ye kerekeng bosiung boo, o rata ho kena phaposing, ho bala Bibebe. Ba bakae ba ratang ho etsa hoo, ho kena boinotshing? Le a bona? Ke ntho e ka ho motho ho etsa jwalo. Le tshwanela ho etsa hoo.

“Nako ya ho ya kerekeng.”

²⁵⁷ Jwale, ha ba ka ba re, “Jwale, be butle jwale, jwale, Jones ke setho sa Assemblies, mme rona re ditho tsa...” Tjhe, ntho e jwalo e ne e le siyo mohlang oo, ka hona ba nyoloha feela. Ba ne ba se na kereke, setulo se setle ho dula hodima sona jwalo. Ba nyoloha feela ba kena tlasa katederale e kgolohadi ya meru, mme ba kgumama.

²⁵⁸ Mme keha Sedikadikwe seo se leketlile mono hara dihlahla. Le a bona? Ke utlwa Lentswe le bua mme le re, “Na bana ba Ka ba ile ba nyakalla hodima lefatshe, kajeno, leo Morena Modimo wa lona a le neileng lona?”

²⁵⁹ “Ee, Morena, re natefetswe kajeno.” “Ha ho jwalo, moratuwa?”

²⁶⁰ “E. E, ratu, ho jwalo.” “Morena, ruri re a O ananela. Jwale ke se ke robala.” Le a bona? Mme o ntsha sephaka sa hae se seholo, mme o a robala, hodima sephaka sa hae, mme o robatsa nkwe le tau, le ntho e nngwe le e nngwe, ho robala ka kgotso.

²⁶¹ Ka hona Modimo o a theoha mme O tlisa, oh, sehlopha sa Mangeloi, Gabariele, sebopuwa sa Hae sa Lehodimo. Ka hona ba theoha mme ba nanya ka mosa ba kena phaposing ya ho robala, le a bona, ho qamaka. Gabariele o itse, “Tloo kwano, Ntate. Tloo kwano. Sheba mona. Ke enwa moo a leng teng. Mona, bana ba Hao ke bana ba robetse mona.”

²⁶² Ke ba bakae ka mona ba kileng ba ema pela bethe, bang ba lona bomme, wena le ntate mmoho, mme le shebe ntjhanyana, mosetsana, mme le hopotsane, “Ana—ana ha a tshwane le wena, ka mokgwa *wona* le ka mokgwa *wane?*” Na le kile la etsa hoo? Kgele, hangata ke ye ke tlohe mme ke re ho Meda, ho bua ka Josefa. O tla re, “Bill, o na le phatla e phahameng jwaloka wena.”

²⁶³ “Eya. Empa, Meda, o na na le mahlo a maholo jwaloka wena.” Hobaneng? Ke karolo ya sehla—...Ke sehlahiswa sa rona—sa kopano ya rona.

²⁶⁴ Jwale, mme Ntate a re, a ka bua tjena ka ntho ena. Ho re, “O a tseba . . .” Mme Gabariele a re, “O a tseba, o tshwana le Wena.” Modimo o jwalo; aka itjhebe. Modimo o jwalo. O tshwana le wena. O lehlomela la Hae. Ke ba bakae ba tsebang hoo? Le a bona?

²⁶⁵ Jwale shebang. Sebopoho se tlase-tlase sa bophelo seo re se fumanang ke sefe? Senqaqane. Sebopoho se hodimodimo sa bophelo ke sefe? Motho. Ruri. Mme sebopoho se hodimodimo ke sefe? Ba nna ba eketsa ho nyoloha ho qala tlase-tlase, ho ya hodimo, ho tloha ho senqaqane ho ya ho ntho *ena* le ho ya ho ntho *yane*, le ho fihla ho nonyana, ho fihlela, jwalo-jwalo, hofihlela dibopehong tse hodingwana tsa bophelo, ho fihlela bo fihla sebopehong se hodimodimo moo bo neng bo ka fihla, yaba bo etswa ka setshwantsho sa Modimo. Ke moo he. Mme mosadi ha a etswa ka setshwantsho sa Modimo, empa ka setshwantsho sa monna. Le a bona?

Jwale, jwale, ke bao he. Mme Modimo o a ba sheba, ho re, “E, ba shebahala—ba shebahala ba le batle.”

²⁶⁶ E ne e le eng, moena? Ba ne ba sa lokela ho shwa. E ne e mpa e le khalsiamo ya pele e tlalang seatla, potashe ya pele, mme ntho e nngwe le e nngwe ya qala jwalo. Na ha e babatsehe? Empa sebe sa

fihla mme sa senya setshwantsho. Jwale, na Modimo... Modimo o ile wa se dumella ho etsang? Hobaneng a se dumelelse ho ba jwalokaha re ne re bua nakwana e fetileng? O se dumelelse hore A tle a pake hobane E ne e le Mopholosi. O e entse. O dumella malwetse, A tle a pake hoba E ne e le mofodisi. O dumella lefu, ho paka hobane E ne e le Bophelo. Le a bona? O dumella dintho tse mpe tsena tsohle ho etsahala, ho paka hobane O ne a lokile, seo A ne a le sona. Re tla....

²⁶⁷ Le bua ka ho bina pale ya topollo! Kgele, moena, ha Jesu a fihla, Kereke ena—ena e tla ema kwana methipolohong ya lefatshe lena mme ba bine dipale tsa topollo, mohlang oo Mangeloai a tla inamisa hlooho tsa wona, a sa tsebe seo re buang ka sona. Be, ha a eso lahlhe. Ha a tsebe seo re fetileng hara sona. Re tseba se bolelwang ke ho lahlha le ho fumanwa. Oh, na re ka howa dithoriso tsa Hae! Hase Mopholosi ho wona. Ha a eso hloke ho pholoswa. Ha E eso be mofodisi ho wona. Tjhe. Thoriso! [Moena Branham o opa diatla tsa hae ha hlano—Mong.] Ha se—Ha se Bophelo ho wona. Ruri lekgale. Ha a eso shwe sebeng le ditlolong. Rona re kile ra ba mono, mme re phedisitswe. Ke rona bao he. Re tla reng, mohla re rotseng meqhaka ya rona, “Oh, o Mor. Sekete-Kete”? Tjhe, tjhe, tjhe, tjhe. Ho Yena ho iswe kganya yohle! Ke yona. Ke lona bao. Ke moo re tla pheta pale ya kamoo re hlotse. Re tla e utlwisia hantle ha nako e ntse e tsamaya.

²⁶⁸ Ebe, ebe ka mono, yaba ho etsahalang? Na Modimo o ile wa re feela mohlang oo, “Be, Nka mpa ka senya potashe se khalsiamo ya Ka yohle. E senyehile”? Tjhe, tjhe. O tsebile hobane ho tla ba jwalo.

Jwale, jwale, ha Moya o Halalelang o fela o nkentse seo ke leng sona, mme ke ja mme ke boela ke kenya mmeleng wa ka, le ho hahuwa ho fihla ho seo ke leng sona jwale. Jwale, empa, ke entswe ka sebopheho. Setshwantsho ka seng seo Modimo a se boneng, pele ho motheo wa lefatshe, se a hola, se a phetheha. Le a bona? Se tswa ho mosadi, jwalokaha A boletse se tla etsa; kgetlo le latelang, se tswa ho Modimo. Mohlang oo se tlile, ka mosadi; kgetlong lena se tliswa, ke Monna. Le a bona? Se tlile mohlang oo, ka takatso ya nama; se tla kgetlong lena ka Lentswe la Modimo le builweng. Le a bona?

²⁶⁹ Mono, jwale, ha ho letho le ka re nntshang kotsi. Tjhe, monghadi. Ha ho letho le ka re ntshang kotsi. Pauluse o itse, “Hara dintho tse leng teng, dintho tse tleng, malwetse, lefu; ha ho letho le ka re arohanyang le lerato la Modimo le leng ka ho Kreste.” Ha ho letho le ka re arohanyang.

²⁷⁰ Jwalokaha ke phetile palenyana. Ke saletswe ke meriri e ka bang mehlano feela ke be ke phumuha lefatla, ka botlalo. Mme ke ne ke kama e mmalwa eo nakwana e fetileng mona, mofumahadi wa ka a re, “Billy, o se o batla o le lefatla.”

Ka re, “Empa ha kea lahlehelwa le ke o le mong wa yona.”

A re, “E hokae?”

²⁷¹ Ka re, “E ne e le hokae pele ke e fumana? Le a bona? Kae kapa kae moo e ne e le teng pele ke e fumana.”

Jwale, ho kile ha ba le nako, dilemo tse lekgolo tse fetileng, meriri ena e ne e le siyo mona ho hang, empa e ne e robetse ka ntle mona leroleng. Na ke nnete? Yaba dilemong tse ka bang mashome a mahlano tse fetileng, e qala e mela hlohung ya ka. E tswa kae? E tswa leroleng. Mme jwale e kgutlela moo e ne e le teng. Na ke nnete? E ne e le siyo, ya ntoo ba teng, mme jwale ha e sa le yo. Ke eng? E entswe keng ho ba seo e leng sona? Modimo! Ke Eo moo a leng teng. O ile a taka setshwantsho, ho re, “Ke mmatla ka tsela eo.”

²⁷² “Oho Lefu, tsenene ya hao e kae? Lebitla, ho hlola ha hao ho kae?” Le ka mpata ka le leng la matsatsi ana ho tswa mona. Ha ke tsebe. Empa, moena, ke tla be ke sa shwa. Ke tla le bolella taba eo. Tjhe, monghadi. Oh!

Re tla tsoha! Alleluia! Re tla tsoha!

Hoseng hoo ha tsoho, mohla ho qhaqhwang
tlamo tsa lefu,

Re tla tsoha! Alleluia! Re tla tsoha!

Ha ho letho ka nthibelang ho tsoha. Ha ho batemona ba lekaneng diheleng tsohle ho nthibela ho tsoha. Ha ho letho le lekaneng kae kapa kae le ka nthibelang ho tsoha. Ke na le tshepiso ya Modimo. Ke na le Moya o Halalelang. Ke na le Zoe, Bophelo ba Modimo bo sa Feleng, bo ahileng ka mona. Setopo sena sa kgale se tswa mono, mme Modimo o nqhotsitse ho tswa mobung. Mme efela ha Eo Ya nqhotsitseng ho tswa mobung . . .

²⁷³ Ha ke ne ke fihla dilemong, jwale, nako le nako ha ke utlwa tleloko ya kereke, Ntho e ne e bua le nna, Lentswe le le nyenyane le le sesane. Lengoloi la bua hara sehlahla, ho re, “O se ke wa nwa kapa wa tsuba. Ke o boloketse ho etsa mosebetsi. O se ke wa silafatsa mmele wa hao, kapa ho hlwahlwaela le basadi le dintho.” Tjhe. “Ke o beetse ntho eo o tla e etsa mohla o hola-holang.”

“U Mang na? U Mang na?”

²⁷⁴ “O tla tseba haholwane ka hono hamorao.” Ka mora nakwana, ke enwa A etla. O leketlile kwana kolobetsong. O a Iponahatsa. O a Itsebisa. O a arabela. Ke Mmona a eme kwana, hohle, hodima letsaho le leng le le leng. Le tla kgona jwang ho, haeba . . .

²⁷⁵ A nkentse seo ke leng sona, ha ke a ka ka ikgethela ho hang. Ha ke a ka kgutlela morao mono mme ka re, “Jwale, Charlie Branham, o nyetse Ella Harvey mme o ntlisitse lefatsheng lena”? Tjhe, monghadi. Hase nna ya kgethileng hoo. Ke Modimo o entseng hoo.

Mme efela ha A nkentse seo ke leng sona, ntle le ho kgetha; ke ha kakang, ha Moya o Halalelang oo o oka-oka hodima ka, mme ke re, "Eya, Morena, O Mmopi wa ka. Ke a O rata, mme ke O amohela jwaloka Mopholosi wa ka!" O ka hla wa mpoloka jwang leroleng? Hase ntho e ka etswang feela, moena. Hase ntho e ka etswang feela.

²⁷⁶ Modimo ha wa bopa kodi e le nngwe ya khalsiamo ena, kapa potashe, leha e le eng feela, hore e tle e-e tle e senyehe le ka mohla. "Bohle bao Ntate a Nneileng bona, pele ho thewa lefatshe, ba tla tla ho Nna." Shuu! Eka nka howeletsa; ka botshepehi eka nka ho etsa. "Bohle bao Ntate a Nneileng bona ba tla tla ho Nna, mme ha ho ka ke ha lahleha le a mong, empa Ke tla e tsosa hape tsohong." Ke Mo utlwile a bitsa, ha ke ne ke tla ho Yena. Ba ka hla ba mpoloka leroleng la lefatshe jwang? Ha ho bapati ba lekaneng lefatsheng ho mpetsa ka fosholo sefahlehong, ba ke ke ba mpoloka leroleng la lefatshe. Ke tla tsoha tsatsi le leng mme ke eme ka setshwano sa Hae, ke hlatswitswe Mading a Hae, ke tswetswe ke Moya wa Hae! Alleluia! Ako ipolokele mekgatlo yohle ya bodumedi eo o e batlang; ke tla nka Jesu. Amen!

²⁷⁷ Monna wa inshorensen o ile a tla ho nna. Wilbur Snyder, motswalle wa ka ya lokileng. A re, "Billy, ke batla ho o rekisetsa polosi ya inshorensen."

²⁷⁸ Ka re, "Ke se ke na le yona." (Mofumahadi wa ka a retoloha, eka o re, "O buelang leshano, moshaana?")

Ho re, "O na le inshorensen?"

Ka re, "E, monghadi."

Ho re, "Ke ya khampani efe? Ke efe?"

²⁷⁹ Ka re, "Tiiso e bokwang, Jesu ke wa me, oh, tatso e ka khang ya kganya e Mokgethwa! Mojalefa wa poloko, ya rekilweng ke Modimo, ke tswetswe ke Moya wa Hae, ke hlatswitswe ke Madi a Hae."

²⁸⁰ A re, "Hoo ho hotle, Billy, empa ho ke ke ha o mata nqalang ya bafu."

²⁸¹ Ka re, "Se tla nntsha." Alleluia! Ha ke toutiswe ke ho fihla mono; ke ho tswa.

²⁸² Ka hona, ke na le inshorensen e mpollellang, "Ke tla nyolla. Bohle bao Ntate a Nneileng bona ke ba Ka." Ha ke tsotelle seo ntate wa ka a se entseng, seo mme wa ka a se entseng, seo ntho efe e bileng sona. "Bohle bao Ntate a Nneang bona ba tla tla ho Nna, mme ha ho motho ya ka tleng a sa hulwe ke Ntate wa Ka." Alleluia! O ba tsebile ka lebaka lefe? "Ke ba tsebile pele ho motheo wa lefatshe. Mohla Ke ne ke hlabo Konyana, Ke mo hlabile hammoho le Yona." Amen. "Ka rera Kereke esale pele." Ho rerilweng pele ke hofe? Kereke. O kena jwang ka hara Kereke? "Ka Moya o le mong re kolobeletswa bohole Mmeleng o le mong." O tsebile, le pele ho motheo wa lefatshe, hore re tla

ba teng. Mme bao A itsebetseng bona pele, O bile o ba bitsitse. Bao A ba bitsitseng, O bile o ba beile ba lokileng. Bao A ba beileng ba lokileng, O bile o ba tlotsitse.

²⁸³ Dibukeng tsa Modimo, O se a itse O tla kopana le nna hantle mono. Ha ho matemona a tswang diheleng a ka ba bolokang kae kapa kae haese ho ba thibela ho fihla hantle mono, hoba Modimo o sa na bolele, mme ho dutse ho le jwalo. Haeba . . . Dilemo tse dibilione tse lekgolo le pele lefatshe le bopjwa, dinaledi tsa meso di ne di bina hammoho mme bara ba Modimo ba ntsha mohoo wa thabo, le pele motheo o bewa wa lefatshe. Le a bona? Le pele ho bewa moth- . . . Mme Mangeloi ao hammoho le dintho tsohle di ne di thabile, di howeletska ka yona, le pele motheo wa lefatshe o bewa. Diabolosi a ka hla a mpoloka jwang leroleng la lefatshe? Ho ke ke ha etswa feela. U nepile.

²⁸⁴ Ha re boneng, jwale. Nako ena eo ke nang le yona ke ya mademokrate, kwano mona. Mona ke metsotso e mashome a mabedi pele ho leshome le motso o le mong. Empa e le metsotso e mashome a mabedi pele ho leshome. Ho jwalo, Moena Wood? Ho jwalo, metsotso e mashome a mabedi pele ho leshome. Motha e mong le e mong o thabile?

Oh, ke ikutlwa ho tswela pele,
Ke ikutlwa ho tswela pele;
Hae la ka la Lehodimo lea phatsima le letle,
Mme ke ikutlwa ho tswela pele.

Oh, ke ikutlwa ho tswela pele,
Ke ikutlwa ho tswela pele;
Hae la ka la Lehodimo lea phatsima le letle,
Mme ke ikutlwa ho tswela pele.

²⁸⁵ Na le rata difela tseo tsa kgale tse jwalo? Re ne re tlwaetse ho bina se seng sa kgale, ntho e kang, “Lehlohonolo le mohau di mphumane. Teng ha tjhaba Naledi ya Meso.” Se jwang, Kgaitsemi Gertie? Ha re boneng. Se jwang . . . Ke sefe, Moena Neville? Le a bona, ntho e nngwe, “Lehlohonolo le mohau di mphumane. Teng Naledi e Kganyang ya Meso e supa wa Hae . . . ? . . . nteela hare.” Uh-huh. Eya. “Hona Sefapanong.” Re fe lehlaso la yona, kgaitsemi, seo, *Hona Sefapanong*. Tloo kwano, Moena Neville. Oh, ke rata dintho tsena. Ke ba bakae ba ratang difela tseo tsa kgale tse susumeditsweng? O ka tlolela-hodimo-le-tlase wa etsa boogie-woogie tsa hao tseo o di batlang. Ako mphe sena, “Mona ke moo lehlohonolo le mohau di mphumaneng.” Ke yona. Ho lokile, ha monate jwale.

Jesu, mpee sefapanong,
Sedibeng se setle,
Se phallang, pheko ya bohole,
Thabeng ya Kalvari.

Sefapanong, sefapanong,
 Ebe tlotla ya mehla;
 Moya ka o hlwibitsweng
 O phomole mose.

²⁸⁶ [Moena Branham o qala a binela *Hona Sefapanong* ka marameng—Mong.] Oh, ho hotle ha kakang! E nahanten! Ho ka thweng hola Mopholosi a ne a le siyo? Ho ka thweng hola re se na Lentswe lena? Ho ka thweng hola A sa o bitsa? Ho ka thweng hola A sa itsebelo wena pele, mme o no o le ka ntle mona hohle lefatsheng lena bosiung bona? Le a Mo rata? Oh, kgidi! Le se ke la lebala ditshebeletso hoseng, jwale, ka mashome a mararo a ka mora robong.

Sepanong, sefapanong,
 Ebe tlotla ya mehla;
 Moya wa ka o hlwibitsweng
 O phomole mose...

²⁸⁷ Jwale re fe lehlaso la *Sebaka Sedibeng*. Sefela sena sa kgale, “Sebaka se teng Sedibeng.” Ke ba bakae ba se tsebang? “Sebaka, sebaka, ee, sebaka se teng, sebaka Sedibeng.” Ha le etsa jwale, ha sesane jwale ruri ako nanabele, lephakong la hao, mme o tsukutle matsoho le moena eo. Le a tseba, jwale ho na le sebaka sa Bamethodist kaofela. Ho na le sebaka sa Mabaptise. Ho na le sebaka sa Pentekosta. Ho na le sebaka sa rona bohole jwale, Sedibeng. Ke ba bakae ba tsebang sefela seo sa kgale? Oh, ehlile le a se tseba. Ba bang ba lona mekaubere jwale, sena ke sefela se monate, sa Kentucky jwale.

Sebaka, sebaka, (tsukutlang matsoho), e,
 sebaka se teng,
 Sebaka sa hao se teng Sedibeng;
 Sebaka, sebaka, e, sebaka se teng,
 Sebaka sa hao se teng Sedibeng.
 Oh, sebaka, sebaka, sebaka se se ngata,
 Sebaka sa hao se teng Sedibeng;
 Oh, sebaka, sebaka, e, sebaka se teng,
 Sebaka sa hao se teng Sedibeng.

²⁸⁸ Jwale, ke tlilo le makatsa ha nyenyane. Dithero tsohle tsa morao-rao, le dibuka, le ntho e nngwe le e nngwe, di tla rekiswa ka lehlakoreng le leng la kereke, veke e latelang, dikopanong; diteipi le ntho e nngwe le e nngwe, le tsohle, sebopehong se setle se balwang. Ho tla bewa tafole morao-rao mono, ka hara e nngwe ya diphaposi. Mme dingolwa, dithero tsa morao-rao, le dingolwa tse ding tse monate tse kileng tsa ntshwa tshimolohong, e le dibuka tse ntjha, diphatlalatso tse ntjha, di tla bewa kaofela, homme e—e morao-rao ho mohaho, bosiung ba Laboraro lena le latelang.

Mme re lebeletse e—e nako e monate Moreneng. Tloong, ka thapelo, jwale. Jwale, bitsang bakudi le ba mahlomoleng, le ba

ngolle lengolo. Le ba kenyé ka mona. Feela re tla... Modimo o tla fihla ka mokgwa o phahameng. Mme re a tseba hore O tla e etsa jwale.

²⁸⁹ Mme jwale ke ile ho motho ka mong eo ke mo tsebang, ho ne ho bile le nthwana. Ha ho ena le ntho e tswileng tseleng jwale, le hopole, ke le boleletse kgale nako e fetileng, re tla e lokisa. Mme ke tseba hobane le lona lea tseba hore ho na le moyo o fapaneng le o nong o teng pele ho mona. Le a bona? Le a bona? Le a bona? Ke hantle. Jwale, le se o dumelle ho tsamaya hape. Ke le laela ka pela Jesu Kreste, le se o dumelle ho tsamaya. Dulang le wona mona hantle, le a bona, dulang le siditse ntho ka nngwe hantle mme le tswele pele hantle. Le baena. Hase moena wa hao kapa kgaitsemi ya hao ya etsang phoso; ke moyo oo wa Diabolosi o kenang ka mono. Le a bona, o tsamaya hohle. Mme ako utlwele moena kapa kgaitsemi bohloko, mme o tsebe hobane ke Satane ya kenang dipakeng. Ha o na le maikutlo ka yona, o a ntshé ka potlako ruri, o a bona, hoba a tla o tlatsa mofetshe. E, a tla etsa hoo. Ka hona, balehela hole le wona. Ako hopole feela.

Sebaka, sebaka, e, sebaka se se ngata,

Sebaka sa Bamethodist, sebaka sa Mabaptist, sebaka sa Presbeterian se teng. Sebaka sa bohle se teng.

Sebaka, sebaka, e, sebaka se teng,

Sebaka sa hao se teng Sedibeng.

²⁹⁰ Ba bakae ba hopolang sefela sa rona sa kgale se qhalanyang, he?

Inkele Lebitso la Jesu,
Ngwana maswabi le tlokotsi;
Le tla o thabiso le o tshedise,
Le nke hohle o yang teng.

Eka o ka be o sala le rona, Moena Jeffrey, wena le Kgaitsedi Jeffreys, le bashanyana mono, le ba bang bohle.

Mme ka hona Lebitsong la Jesu ba inama,
Ba namalla maotong a Hae;(Oh, banna!)
Kgosi a dikgosi Lehodimong re tla Mo tlotla,
Ha eto la rona le fedile.

Inkele Lebitso la Jesu,
Le nke E le Thebe sefing kajeno;
Oh, ha matshwenyeho a o dika.
Budula Lebitso halalelang leo ka thapelo.

Oh, ke rata hoo. Lona ha le etse jwalo? Lebitso le babatsehang leo la Jesu! Jwale, ha re emeng hantle hona jwale, re sa bina jwale. Ho lokile.

Inkele Lebitso la Jesu,
Ngwana maswabi le tlokotsi;
Le tla o....

[Moena Branham o bua le Moena Neville—Mong.]

Oho le monate-nate!
 Tshepo ya lefatshe le thabo ya Lehodimo;
 Lebitso le ratehang (Oho Lebitso le ratehang),
 Oho le monate-nate!
 Tshepo ya lefatshe le thabo ya Lehodimo.

²⁹¹ Hona ho batla ho fapane jwale. Ha re inamiseng dihlooho tsa rona jwale, mme, ka kgutso, ha re phahamiseng letsoho le le leng. Ho re:

Lebitsong la Jesu ba inama,
 Ba namalla maotong a Hae,
 Kgosi ya dikgosi Lehodimong re tla Mo tlota,
 Ha eto la rona le fedile.

Lebitso le ratehang, Oho le monate-nate!
 Tshepo ya lefatshe le thabo ya Lehodimo;
 E, Lebitso le ratehang, Oho le monate-nate!
 Tshepo ya lefatshe le thabo ya Lehodimo.

²⁹² Dihlooho tsa rona di ntse di inamisitswe, re re . . . [Moena Branham o qala a binela *Inkele Lebitso La Jesu* ka marameng-Mong.]



HOBANENG RE SE MOKGATLO WA BODUMEDI? SST58-0927

(Why Are We Not A Denomination?)

Molaetsa wona, ka Moena William Marrion Branham, o rerilwe sethatong ka Senyesemane ka mantsiboya a Moqebelo, Lwetse 27, 1958, mane Tabernakeleng ya Branham, e Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2008 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org